


# Murtida Maahmaahda Soomaalida



Axmed F. Cali "idaajaa"



مكتبة النهضة المصرية  
الشارع عبد الناصر

2005

---

---

## Tusmada Buugga

<b>Qaybta</b>	<b>Bogga</b>
<b>Mahad-Celin</b>	<b>4</b>
<b>Gogol</b>	<b>5</b>
<b>I. Dhismaha Maahmaahda</b>	<b>9</b>
<b>II. Maahmaahda qofkii curiyey weli la yaqaan</b>	<b>18</b>
<b>III. Maahmaahda la hayo sheekadii ay ku baxday, ciddii tirise aan la aqoon</b>	<b>35</b>
<b>IV. Maansada &amp; maahmaahda</b>	<b>79</b>
<b>V. Maahmaahda Dugaagga, duurjoogta iyo halaqa</b>	<b>149</b>

---

## Mahad-Celin

Waxaan Halkan Ugu Mahad-naqayaa  
saaxiibkay Cabdiweli Sh. Maxamad oo bixiyay  
kharashka daabacadda buuggan.

Sidoo kale, Waxaan isna Ugu mahadnaqayaa  
walaalkay Cabdi-Nuur Faarax Cali oo hawsha  
daabicidda Buuggan isu Xil-saaray, oo si  
wacanna uga soo dhalaalay.

---

## Gogol

Cid kastaaba ha lahaatee, maahmaahdu waa  
tixo gaaggaaban oo xanbaarsan fikrad run ah  
oo ay bulshadu isku raacsan tahay, kolkii lagu  
tiraabana madaxa loo wada ruxo.

Waa qayb weyn oo ka mid ah suugaanta  
caalamiga ah. Waxay u badan tahay ummadaha  
dunida mid waliba inay leedahay hawraar-  
murtiyeedyo u gaar ah oo ay maahmaaho ku  
magacawdo, kuwaas oo markii hoos loogu  
daaddego laga dheehan karo hababkii  
noloshooda.

Soomaalidu ummadahaas ayay ka mid tahay.  
Waxay iyana ku faantaa inay leedahay  
maahmaaho qoddoo dheer oo murti miiran ah.  
Taasina waa dhab oo, sokeeyaha ka hor, waxaa,

---

in badan, ka markhaati-furay shisheeyihii afkeeda bartay oo maansadeeda iyo murtideedaba la dhacay.

Sida maansada iyo sheeko-xariirada ayay maahmaahduna suugaanta ummadda meel sare kaga jirtaa. Waa wax ay bulshadu maalin walba afka ku hayso, sidaas awgeedna waa dhif ruux Soomaaliyeed oo markuu wax tusaalaynaayo ama uu doodaayo aanay maankiisa ku soo dhicin.

\* \* \*

Buuggan yari wuxuu wax uga taabanayaa dhawr qodob oo xiriir la leh maahmaahda Soomaalida. Sidiisana wuxuu ka kooban yahay barnaamijyo taxane ahaa oo sannadkii 2003dii aan ka baahiyey Laanta Af-soomaaliga ee BBCda.

Dadka qaar dhegeystey, dabadeedna jeclaystay ayaa igu dhiirri-geliyey inaan meel isugu geeyo,

---

kana dhigo buug ay bulshada Soomaaliyeed ka hesho suugaanteeda qayb ka mid ah.

Shan qaybood ayuu u qaybsan yahay, ujeeddooyinka aan ku soo qaadayna waxay kala yihiin:

- Dhismaha maahmaahda & halka ay suugaanta kaga jirto;
- Maahmaahda qaybteeda dadkii curiyey weli la yaqaan;
- Maahmaahda sheekadii ay ku baxday oo keliya la garanaayo, laakiinse la iska halmaamay, kolkii ugu horraysey, ciddii laga maqlay;
- Xiriirka maansada iyo maahmaahda; iyo
- Maahmaahda dugaagga, duurjoogta iyo halaqa, iwm.

\* \* \*

In kastoo arrimahaas lagu soo qaaday, haddana baalasha soo socdaa ee buuggani, sida ugu wacan, uga jawaabi maayaan su'aal kasta oo murtidaas darfaha ballaaran ku lug leh.

---

Sidoo kale, kama heli doontid taxane urursan oo ku saabsan maahmaahaha Soomaaliyeed kuwa ugu caansan. Runtii, waa hawl in la qabtaa ay fiicnaan lahayd, waana dedaal suugaanteenu ay mahadin lahayd, waxayse u baahan tahay waqti dheer iyo cilmi-baaris muddo lagu foognaado oo uu qorahani ka wahsaday!

Yeelkeede, intan kooban qudheedu qoreyaasha timaaddada uga dari mayso! Malahayga, waxay u iftiimin karaysaa halka ay wax ka bilaabi karaan iyo dhabbaha ay qaadi karaan marka ay doonayaan inay soo ban-bixiyaan qoraallo maahmaahdeenna ku saabsan oo kaygan ka dhumuc weyn, kana tayo roon.

Ugu dambaysta, akhristaha aan ka codsado inuu ii soo tebiyo wixii goldaloolo ah oo uu hawshan ku arko, si aan dabcadaha dambe uga feejignaado.

*A.F. Cali "Idaajaa"*  
*Tilburg, Holland*  
*2003*

---

- I -

## **Dhismaha Maahmaahda**

Maahmaahda oo lagu tiriyo qaybaha suugaanta middood, waxay ku timaaddaa erayo kooban oo murtida ay ku hulluban yihiin darteed loogu xisho, loona adeegsado. Dadka kolba ruuxii adeegsanaya waxay xusuustiisa ku soo dhacdaa duruufihii ay ku dhalatay kuwo u egi kolkii ay isaga ama qof kale oo markaas la hadal-hayo la soo gudboonaadaan.

Dood iyo dacwad haddii ay tahay, waano iyo wax-u-sheeg haddii ay tahay, ruuxa Soomaaliyeed wuxuu maahmaahda u soo qaataa inuu hadalkiisa ku culaysiyo. Kalsooni door ah ayay Soomaalidu ku qabtaa run-ahaanshaha maahmaahda, taasna waxaa kuu muujin karaysa maahmaahda caanka

---

ee la yiraahdo: "Soomaalidu been waa sheegtaa, beense ma maahmaahdo."

Kol dhow sidaan soo sheegay, maahmaahdu waa erayo kooban oo murtidooda loogu xisho. Waxay xanbaarsan tahay, lagana dheehan karaa kasmada iyo waayo-aragnimada bulshada ay ka dhex-curatay ee ay afkeeda ku sheeggan tahay. Dhab waxay u muujisaa ummadda ay kolba ku dhex-dhalatato hiddaheeda iyo qaabka nolosheeda: hadday sida Soomaalida xoolo-raacato u badan tahay, beerrey hadday tahay, hadday bad-ku-nool ama jillaabato tahay, hadday reer-magaal tahay iyo hadday reer-miyi tahay.

\* \* \*

Dhinaca kale, maahmaahda waxaa laga garan karaa ummadda iska leh ilbaxeedu heerka uu gaarsiisan yahay. "Awrba awrka ka horreeya saanqaadkiisa ayuu leeyahay" kolkii aad maqasho,

---

waxaa kuu baxaya inay tahay maahmaah ku dhex-dhalatay degaan reer-miyi ah; marba hadday awr iyo isku-xiriirinteed ka hadlayso.

'Nin uu aqalkiisu quraarado ka samaysan yahay, dhagax-tuurtuur uma eka' waxaa iska caddaan ah maahmaah reer-magaal inay tahay, maxaa yeelay aqal quraarado lagu dhiso, magaalo uun baa u aano ah.

Sidoo kale, maahmaahda tiraahda, 'bad-dhac male ayuu ku hurdaa' waxaad garan kartaa bulshadii ay ku dhex-dhalatay inay ahayd jillaabato dhaqaalaheedu uu badda ku xiran yahay, waxa ku dhex-qarsoonna ku xisaabtanta.

\* \* \*

Waxay maahmaahdu in badan inooga iftiimin karaysaa ummadda ay kolba ka soo jeeddo dabeecadaha kuwa la fiican iyo kuwa ay darrowdo. Waa tilmaamaha qofkii laga helo ay ku maamuusto, kii laga waayona ay ku ceebayso.

---

Markaad maqasho: “geesi dhereb kuma jiro” oo aad haddana maqasho: “geesi Alle ma xilo” ayaad garanaysaa bulshadii hore ee Soomaaliyeed inay geesinnimada tilmaan wacan u tigiinnay, geesiguna uu dhexdeeda maamuus dheeraad ah ku lahaa.

Dhinaca kale, maahmaahda ayaa waxaa loogu irkan karaa garashada xiriirka iyo hab-dhaqanka ‘ummad hebla’ qaybaheeda kala duwan ka dhexeeya. Waxaa laga ogaan karaa sida uu raggeedu dumarka u arko, dumarkeeduna uu ragga u arko, culimmadu siday caamada u aragto, caamaduna ay culimmada u aragto, dhallinyaradu siday waayeelka u aragto, waayeelkuna uu dhallinyarada u arko, habka ay tahay inuu waalidku warasada ula dhaqmo iyo, sidoo kale, sida ay tahay warasadu inay waalidka ula dhaqanto.

Dhankii aad ka eegtoba, maahmaahdu waa kitaab idil oo si hagar la’aan ah intuu isagu isugu kaa furfuro, isuguna kaa fidiyo aad in door ka ogaan

---

karayso taariikh-bulshadeedka ummaddeenna iyo horumarka dhinacyada kasmada iyo nolosha bulsho ee ay soo martay.

\* \* \*

Tix iyo tiraab-faneed<sup>(1)</sup> haddii ay suugaani u kala baxdo, waxay maahmaahdu raacsan tahay bahda tiraab-faneedka. Sidaas oo ay tahayna, waxaa jira, sida habdhaca iyo qaafiyadda, meelo ay maansada ka salsallowdo. Waxaaba lagu male weyn yahay maahmaah waliba kolkii ay baxaysey xaraf xarfaha ka mid ah inay ku baxday; shaqal ama shibbane kuu doono ha ahaadee.

Tusaale ahaan, maahmaahda ah: “Erayna la kala oran og, Eebbena la kala baryi og’ waxay

---

1- Tiraab-faneed markaan leeyahay waxaan ula jeedaa tiraabka suugaamaysan sida sheekooyinka qoran, riwaayadaha iyo maahmaahda. Waxaan ka duwayaa tiraabka ama hadalka caadiga ah ee dadku maalin walba uu wax isugu sheego; iyada oo aan suugaan loola jeedin.



---

ku socotaa xarafka alifka. "Waan baahanahay baqtiga looma cuno" waxay ku socotaa xarafka ba'da. "Hal nin la toosani nin la tuur leh" waxay ku socotaa xarafka ta'da. "Dhegi meel dheer bay ku dhacdaa, dhagaxna meel dhow" waxay ku socotaa xarafka dha'da. "Gees lo'aad kulaylkaa lagu gooyaa" waxay ku socotaa xarafka ga'da. "Kas naagood oo kadalloob rag kaaga dambeeyey kaad ku ogeydba ma aha" waxay ku socotaa xarafka kaafka. "Wiilkaaga walaal ka lahow, walaalkaana wiil ka lahow" waxay ku socotaa xarafka wowga. "Madax muuqda iyo mindi saawir ah midna lagama quusto" waxay ku socotaa xarafka miinka. "Subax iyo sadar subax baa badan" iyana waa maahmaah qaafiyadaysan oo xarafka siinka ah ku socota.

\* \* \*

Qaafiyadda maahmaahdu halka ay sida weyn uga muuqataa waa qaybta saddexleyda loo

---

yaqaan ee dad amase dabeecado isku mid ah inta la israaciyo tilmaan qura la wadaajiyo.

Bal u fiirso saddexleydan: "saddex baa rag ugu liita; ma-toshe, ma-tashiishe iyo ma-tashade." Tanna u fiirso: "Saddex lama raaco; ma-horreeye, ma-hanbeeye iyo ma-haasawshe."

Tan saddexaadna u fiirso: "Saddex baa boqornimo kaa qaadda; gar leexsan, gacan guran iyo guddoon jilicsan." Dadka macnaha qaafiyadda yaqaani markii ay saddexdaas saddexley maqlaanba waxay garan karaan tan hore inay ku socotey xarafka ta'da, tii labaadna xarafka ha'da, tii saddexaadna xarafka ga'da. Waxaa la heli karaa boqollaal kuwaas la mid ah sidaas aan soo tusaaleeyey qaafiyad u leh; astaantaas iyada ahna maansada la wadaaga.

Dhinaca kale, waxaa iyaguna jira boqollaal dhiggooda ah oo qaafiyad la'aan la isaga



---

maahmaaho, iyada oo ay suuraggal tahay sidii hore oo loo yiri inta la iska illoobey in dulucdii ay lahayd oo keliya lagu yoto'ay. Kuwa sidaas ah ayay, runtii, maahmaahda Soomaalidu u badatay, waxaana lagu tusaalayn karaa qaarka ay ka midka yihiin:

- Fiqi bahdi kama janno tago;
- Harag sagaaro 'iiga kac' mooyee, 'iiga durud' ma leh;
- Rag lama maleeyo;
- Lama-huraan waa cawska jiilaal;
- War la qabaa xiise ma leh;
- Nin qoyani biyo iskam adhawro;
- Geeljire isaga oo og usha meesha uu ka goosanaayo ayuu ku weyddiiyaa;
- Baadiyi nimaan lahayn bay ag-joogtaa;
- Ballan fiid jarmaado arooryo ayuu leeyahay;
- Raad arooryo dib looma raaco.

---

In badan oo kuwaas la mid ayaa maalin walba lagu maahmaahaa; iyada oo qaafiyad la'aantooda aan dan laga gelin. Taasi waxay ku tusinaysaa deelqaafka aysan soomaalidu maansada ugu dulqaadan karin inay maahmaahda ugu dulqaadato, waana sababta ay bahda tiraab-faneedka ugu tirsan tahay, kolka qaybaha suugaanta bah-bah la isu raaciyo.

---

## I I

### Maahmaahda qofkii curiyey weli la yaqaan

Dadka intiisa badani siday og yihiin, gabayga, geeraarka, jiiftada iyo dhammaan qaybaha kale ee maansada waxaa, kolka la marinaayo, lala xusaa ciddii tirisay. Waxaa la yiraahdaa, 'gabay sidaas iyo sidaas ah ama geeraarkii hebel ahaa waxaa tiriyeey hebel-hebel, wuxuuna yiri...'

Ma jirto maanso inta la mariyo aan hal-abuurkii lahaa la sheegin, in kastoo mararka qaarkood laga kor-dhaco qaar magacyadii curiyey la halmaamay. Markaas oo kale waxaa, kolkii la dhammeeyo, la raaciyaa, 'hebel-hebel baa inuu tiriyeey loo malaynayaa' ama 'ciddii

tirisay lama yaqaan.'; taasina waxay ku badan tahay, sida Soomaalida, ummadda waxqoriddu ay ka soo raagtey.

Maahmaahda qudheeda waxaa hubaal ah inay jireen dad sida maansada u curiyey oo markii ugu horreysey iyaga uun laga maqlay, dabadeedna inta la jeclaystay lagu dhegey, murtideeda darteedna ay bulshadu halqabsi uga dhigatay. Sida ay u badan tahay, muddo gaaban ayaa la xusuusnaadaa murtidaas ciddii laga dhaxlay, waayaha dambese waxaa la adeegsadaa iyada oo aan la isweyddiin qofka hortii hore laga maqlay.

Ugu dambaysta, waxay noqotaa dhaxal ummadeed oo aan la kala lahayn, marka la sheegayona waxaa curiye looga dhigaa Soomaalida oo idil; iyada oo laga hormarinaayo: "Soomaalidu waxay ku maahmaahdaa" ama Soomaalidu waxay tiraahdaa..."

\* \* \*

---

Taasi inay run tahayna waxaa kuu caddayn kara maahmaahda qaarka haddaba lagu maahmaaho; iyada oo qofkii iska lahaa iyo sababtii ■ ku keenayba weli la xusuusan yahay. 'Hebel-hebel wuxuu yiri' ayaa kuwaana laga horraysiiyaa, kolkii in lagu maahmaaho la doono.

Tusaaleyaasha soo socda sidaynu ka arki doonnona, maahmaahihii ay ka tageen ragga weli la xusuustaa waxay u badnaayeen qaar bulshadii ay ku dhex-noolaayeen ka soo mur-baxay oo caan ku ahaa dhinaca madaxnimada siyaasadeed ama dhinaca maansada ■■■ dhinaca hoggaaminta tolalkii ay u kala dhasheen.

1. Aan u horraysiiyo halgamaagii weynaa; Sayid Maxamad Cabdille Xasan oo, maansadiisa quruxda badan ka sokow, murti door ah oo maahmaah noqotay ay Soomaalidu ka dhaxashay. Waxaa laga hayaa inuu yiri, 'wax fudud oo aan

---

fardo ahayn baan nacay'; isaga oo, sida loo badan yahay, hadalka u qusurinaayey dumarkii u dhaxey qaar ka mid ah oo uu fudayd ku darraabaayey. Murtida lagala soo bixi karaana waxay tahay, dumarkuba ha u darraadee, dad oo idil inaan fudaydku u wanaagsanayn, ha yeeshee uu fardaha lagama-maarmaan u yahay.

\* \* \*

2. Mar kale, waxaa la yiri: gabar gashaanti ah oo uu si uun ■ danaynaayey ayaa waxaa xog ka siinaayey Daraawiishta nin ka mid ahaa; kaas oo hadalkii ugu soo gebaggabeeyey, 'Sayidii, way gaaban tahay uun mooyee, sida kale gabadhu ■ ■ qurxoon tahay.' Qof dumar ah oo gaabani inaysan qurux u aano ahayn ayay Sayidka la ahayde, wuxuu Darwiishkii ku yiri, 'maandhow, way gaaban tahay iyo way qurxoon tahay kala daa!' oo noqotay maahmaah la xusuusto kol walba oo bilic haween ay sheekadu marayso.

\* \* \*

---

3. Nin la oran jirey Kaahiye Gaarey Axmed Warfaa ayaa isna ka mid ahaa murtida weli lagu maahmaaho qaarkeed raggii inoo reebay. Wuxuu ahaa dood-yaqaan ■■■ weligiis gar lagaga adkaan, sida qareen tababbaran oo kalena dacwiga cidda ka soo hor-jeedda dabaysha u raaciya!

Soomaalidu siday qabto, ninka sidaas ku caan-baxaa wuxuu halis ■ yahay inay illaaco ku dhacdo. Waxaa isha la hela garta maalintaas geedka la keenay intii goobjoogga u ahayd ee aftahannimadiisa la ashqaraartay. Sidoo kale, waxaa iyana la qabaa isaga ama ragga ■■ dhalay inay eersan karaan habaarka dadkii uu afkiisa xaqoodii ku duudsiyey; kuwii ■■ inta marinkooda seejiyey uu gartoodii gardarrada ka dhigay!

Ninkaas, waa Kaahiye, ayaa berigii dambe

---

xanuunsaday. Waxaa ku dhacay cudurka ay Soomaalidu 'shinbirka' u taqaan ■ waxyeelladiisa uu afku la marooro. Nin ay wadey ahaayeen oo soo booqday ayaa ku yiri: "Maxaa, Kaahiyow, afka kaaga dhacay?" Kolkaas buu ugu jawaabey erayo aad ■ tiro yar, asii si wacan inoogu soo koobaya wixii ay Soomaalidii hore ka rumaysnayd aftahanka geed-joogga ah iyo halista ilaysiga iyo habaarka ■ bulshada qaarkeed uga iman karaysa. Wuxuu ninkii wax weyddiiyey ku yiri: "Afku afkuu eeday!" oo uu uga jeedey dhibaataada afkiis aka muuqatey inuu isla afkiisu u keenay. Waxay noqotay maahmaah markii ay ku soo dhacdoba ay dadka yaqaani Kaahiye Gaarey ku xusuustaan, waxna ay isku tusaaleeyaan.

\* \* \*

4. Murtidii ay reebbeen raggii dabadood

---

maahmaahda laga dhigtay, welina ■■■■■  
yahay ■■■■■ ka mid ah Aadan-dirir Faarax-  
cadde nin lagu magacaabi jirey, bartamihii  
qarnigii dhammaadayna soo gaarey. Wuxuu  
ahaa nin xoolo-raacato ah oo, habkaas dadka ku  
nool sida cadada ■ ah, inta badan lugeeya oo  
cagihisa maala. Wax ugu wacnaaba, wuxuu  
ahaa ugaarta nin ka caaggan ■■ aan hilibkeedu  
oonta xalaasha ah ugu jirin! Sidaas ■■ ay  
ahaydna, hadduu xoolihiisa toomaha la joogo  
iyo dhabbeyaasha ceelka iyo carshinta loo  
qaado hadduu hayoba, waxaa mar walba  
malluuggiisa ka carari jirtey sagaarada oo ka  
mid ah ugaarta ay dabatada Soomaalidu  
xargaha ■ dhigato.

In badan bay iyada iyo reer-miyigu iska soo  
hor-baxaan, ha yeeshee, ■■■ joogsatee,  
hathaleel bay uga baxsataa, qof u dan leh iyo  
mid aan ■ dan lahayna uma kala soocdo.

---

Wuxuu Aadan-dirir sagaaro ugu garaabi  
waayey, mar alla markii ay aragtoba, inay ka  
cararto; isaga oo ■■ weligiis dabinno u dhigan,  
weligiis hilibaheeda afkiisa saarin, weligiisna qori  
iyo bur toona ku tuurin! Wuxuu malaha isyiri,  
'boqollaaal jeer ka badan adiga iyo sagaaro  
haddii aydun cidla' ku kulanteen ■■ ay habsatay  
qabsigeeda iyo dilkeeda inaad dan ka lahayn,  
maxay, waa yaabe, weli ay muuqaaga uga  
cararaysaa?!

Maalintii dambe, isaga iyo nin kale oo duleedka  
reeraha iska taxaashaya ayaa, waa tabteediiye,  
raxan sagaaro ahi intay jaanqaadkooda dareentay  
indhaha ku dhufatay, isla markiibana hortooda ka  
faclaysay oo cagaha wax ka dayday. Kolkaas buu  
ninkii la socdey inta milicsaday haddana ka soo  
jeestey oo ugaartii ■■ sii cararaysa indhaha la sii  
raacay. Isaga oo aad mooddo inuu isla hadlaayo

---

ayaa waxaa afkiisii laga keenay, 'sow sagaaro ima barato?!'; weedhaas oo noqotay maahmaah la soo qaato sheekadii ay ku baxday tu' la mid ah markii lala kulmoba. Sidoo kale, markii lagu maahmaahayoba, waxay dadka u yaqaani ka hor-mariyaan magaca Aadan-dirir oo ahaa ninkii markii ugu horreysey laga maqlay.

\* \* \*

5. Raage Ugaas<sup>(2)</sup> oo Soomaali badani maansadiisa qirada iyo quluuddaba leh ay ku jeceshahay ayaa waxaa isna naga soo gaadhey murti ilaa maanta aynu ku maahmaahno, garasho-dheeraantiisiina wax inooga sheegi karaysa.

Waxaa la yiri: reerihii uu ka dhashay oo, duddo ahaan, meel u deggan ayay qaylo-dhaani

---

2- Raage: Ina-Ugaas Warfaa. Wuxuu ahaa gabayaa weyn oo noolaa bilawga ilaa bartamaha qarnigii 19d. Waxaa la rumaysan yahay isagu inuu qaabeeyey habka uu gabayga Soomaalidu u dhisan yahay.

---

ku soo dhacday. Rag soo orday oo xuurtaayan, cidahana dhiillo u sidey ayaa bartamaha aqallada kolba dhan u dillaamaya oo ruuxii ka soo hor-baxaba digniintii ay sideen dareensiinaya. Ma col soo aaddan baa? Ma qardoofa sokeeyaha ka dhex-dhacday oo in degdeg loo maareeyo ■ baahan baa? Ma geel la qaaday oo raacdadiisa loo rag urursanayaa? Ma gabdhaha reeraha qaarkood oo footka xoolaha lagu faro-xumeeyey baa?

Sababta qaylo-dhaanta weriyeyaashu ■ ay sheegin, waxayse sheegeen geed qurac ah in harkiisa lagu soo uruuray, si arrinta soo derriday wax laysaga yiraahdo. Laamaha xoogga badan ee quraca middood waxaa saaran oo marna ka laalacashoobaya, marna qun ugu fariisanaya Raage Ugaas oo maalintaas da'diisa toban-jir lagu sheegay. Wuxuu maqlay raggii digniinta keenay mid ka mid ah oo isaga oo weli

---

xuurtaysan cod dheer ku leh, “War waayeel ha la sooco, war waayeel ha la sooco..” Raage ayaa kolkaas cod sida kii ninka u dheer, asii aan xuurtaysnayn waxa uu ku yiri, ‘War waayeel ha soocina e, waxgarad sooca!'; weedhaas oo intii geedka maantaas joogtey amankaag ku riddey; markay dulucdeeda shishaysa iyo da'da wiilku ay isu qaban weydey.

Weedhiisa gaaban waxa uu Raage inagu baray nin walba oo da' weyni inuusan garaadka fiican aano u ahayne, ay jiri karaan lixdan gu' qaar kor u dhaafay oo loogu dhibcin! Waxa kale oo weedhiisa laga garanayaa waxgaradku inta aan garku caddaan iyo dhallinyaradaba inuu ka buuxo. “Waayeel ha soocina e, waxgarad sooca” waxay noqotay maahmaah qoto dheer oo inoo muujinaysa Raage qudhiisu garaadkii la yaraa, ka hor, bulshadii hore ee Soomaalidu, li'i,

---

intii aanay hormuudka maansoyahannada Soomaalida ugu aqoonsan.

\* \* \*

6. Murtida weli lagu maahmaaho raggii inoo reebay waxaa isaguna ka mid ahaa Garaad Xirsi Garaad Faarax oo ay 'Wiilwaal' u taqaan. Wuxuu ahaa muddo dheer nin tolkii uu ka dhashay ( Bartire ) madax ahaa oo, weliba, gacan adag ku maamuli jirey. Sheekooyinka naga soo gaarey haddii ay wada yihiin, wuxuu ahaa nin cid kale waxba ogeyn oo weedhiisu, si ay meelmarto, rag badan laayey amaba dulleeyey. Waxaa lagu sheegay nin geesinnimadiisu ay geesinnimo dhaaftay oo dharaarta oo idil ay seeftiisu galka ka maqnayd, weligiisna in laga il-helo aan oggolaan.

Mar kale, sheekooyinka laga weriyaa haddii ay run yihiin, wuxuu ahaa madaxdii Soomaaliyeed



---

ee la xilliga hayd iyo kuwii ka dambeeyeyba nin si walba uga duwanaa. Odayaal guurti ahi talo ay soo gooyeen nin guddoomiya ■ ahayne, wuxuu ahaa nin ay taladiisu qasab ku fusho, haddii kalena la eedo! Waxay inoogu tilmaameen nin aan ragga garabkiisa ka deyine, gondihiisa ka daya oo habeenkii aan gogoshiisa ku ledi jirin ilaa uu hubiyo, waabberiga kolkay tahay, rag oo idili inay isaga ka goojin doonaan!

Ninka sidaas ku tilmaannaa ayaa beryihii dambe waxaa ku soo baxay dar inay ■ bareeraan isu biir-qoolay; rag inta qooqiisa ■ adkaysan waayey ka gilgishay oo inay iska reebaan ku dhaar-galay. Waxay ahaayeen qaar habsaday dulleysiga ragga kale ninka qaayiba iyo fuleyguba inay, maalin walba, dhawr kol geeriyoodaan, halka geesigu mar qura uu ka god-galo. Waxay ahaayeen dar aqoonsanaa nin waliba inuu *waran muggiis* yahay oo birta afka lihi dadka aanay qaarna ruuban, qaar kalena ka soo noqon!

---

Raggaas iyaga ah ayaa waxay ku guuleysteen dabayaaqadii xukunkiisa inay Wiilwaal kibir-jebiyaan oo miyirkii mudda ka maqnaa in weyn oo ka mid ah ay madaxiisa ku soo celiyaan. Waa raggii ■ daraaddood ku ogaadey, awood kasta aad lahaatide, rag inaan cadaadin iyo muquunin muddo dheer lagu hayn karin, haddii aad madax u tahayna ay habboon tahay tixgelin iyo hadal qabow inaad ku hoggaamisid. Murtidii ■ Garaad Wiilwaal arrintaas ku soo koobay ayaa waxay ahayd, “Rag hooyadiina ■ hayey oo ‘walaalow’ wuxuu ku dhaamo waan waayey!”.

Waxay ahayd gefafkii uu geli jirey murti uu kaga toobad-keenay, waxayna noqotay maahmaah xusuusteenna ku soo dhacda kol walba oo taliye jiitaa<sup>(3)</sup> ahi uu dalalka dunida midkood ka soo baxo, kuna amar-ku-taagleeyo.

\* \* \*

---

3- Taliye jiitaa ah waxay Soomaalidu u tiihin ninka cido madax u ah ee isaga oo aan la tashan go'aammo iska gaara, dadkana ku dirqiya. Ninkaas oo kale waxaa hadda lagu tilmaamaa *keligi-taliye* ama *diktatoor*.

---

7. Maahmaahda weli dhexdeenna ku nool, raggii lahaana la garanaayo waxaan ugu dambaysiinayaa middan soo socota ee laga hayo nin ka mid ahaa madaxdii hore ee Soomaaliyeed, lana oran jirey Muuse-cawl. Waxaa la iigu sheekeeyey nin isna madax ahaa oo ay isku qolo ahaayeen, asii ay kala jilib ahaayeeni inuu sodcaal ugu yimid, dabadeedna agtiisa beryo ku negaadey. Waxaa isna la oran jirey Fooley Aadan Cali, wuxuuna ahaa, sida Muuse-cawl nin magaciisu u dheeraa oo qoladii uu u dhashay iyo derisyaduba ay cadkiisa u oggolaayeen, hiilkiisana la doono, la iskuna halleeyo.

Laba nin oo isku qolo ah, madaxna ah ha ahaadeene, maalintaas ka hor ■■ ay kulmin oo, sheeko mooyee, shaahid isuma ay arag. Maalintii dambe siday u sheekaysanayeen ayaa

---

Fooley wuxuu Muuse-cawl ku yiri: “Muusow, ina-adeerow, waad og tahay oo hadda ka hor, ismaqal mooyee, isma ■■■■ arag. Wax badan baase war igu saabsan lagu keenay, haatanna muddo aad igu barato waa kula joogaye, inna wax ceeb ah oo aad igu aragtay maad ii sheegi?”.

Muuse-cawl wuxuu aad ■ dhawray Fooley oo inta dhab ugu fiirsaday ka il-bogtey. Lugihii odayga ayay indhihiisii cabbaar ku dul-hakadeen, mase wuu cago cad yahay. Show waa nin ■■ weligiisba kabo illan oo cagaagga iyo saydhada qodaxdu ay ka meel waayeen! ‘jilif weynaa, ■■ cago geel baa?!’ ayuu hoos iska weyddiiyey.

Mar kale ayuu isla cagihii Fooley dib u eegay, ■■ maxaa habaas iyo boor saaran?! Waa cago indhowaale iyo in la xuso toona ■■ biyo la marin. ‘Waa cago ninka lihi haddii uu tukan

---

lahaa nnn siday yihiin bacad iyo basaas u yeesheen' ayuu Muuse-cawl mar kale naftiisa ku war-geliyey. Kolkaas buu inta su'aashii uga jawaabey wuxuu Fooley ku yiri: "Inta nnn wax kaleba la gaarin, haddeer oo la joogo, adduunna u kabo li'id, aakhirona u salaad li'id!"

Waxay noqotay murti maahmaah isu rogtey oo dadka yaqaan ku soo dhacda mar walba oo ay la kulmaan ceebihiisa oo caadyaal ah qof iska indho-tiraya, isla markaasna in ■■ lagu dareemin u hanqal-taagaya.

---

## III

### Maahmaahda la hayo sheekadii ■■ ku baxday, ciddii tirise ■■ la ■■

Sidii ■■ meelo hore ku soo tusaaleeyey, maahmaahdu markeeda hore waa murti uu qof ku tiraabay oo waayo-aragnimada ■■ nolosha ka helay iyo garaadka dheeraadka ah ee uu Eebbe ku galladay ay ka soo if-bixiyeen. Xilliga uu isagu nool yahay dadka nool ayaa, dabadeed, inta jeclaysta ku dhega, halqabsina ka dhigta; iyaga oo sheekadii ay ku timid iyo curiyihiiba yaqaan, mar walbana magaciisa ku laraya. Muddo kolkii la joogo ayaa magaca curiyaha la iska illoobaa, marar badanna sidii uu u yiri ayaa wax laga beddalaa oo murtidii ay

---

xanbaarsanayd uun inta lagu mintido lagu maahmaahaa.

Magaca curiyaha in la halmaamo ■ u badnaatee, waxaa haddana jira maahmaaho aan tiro yarayn oo sheekooyinkii ay ku dhasheen weli ay bulshada soomaalidu si wacan u xusuusan tahay. Kuwa caynkaas ah inta ■■ lagu maahmaahin ayaa ■■■■ laga horraysiiyaa sheekooyinkii ay ku dhasheen. Qofka inuu yiri loo tirinaayo oo ■■ la aqoon darteed, ■■■■ la sheegaa lab ama dheddig kuu ahaa. Da' ahaan, dhallinyaro iyo waayeel kii uu ahaa ama qaybaha bulshada kolba midda ■■ ku abtirsado. Halkii laga oran lahaa, 'hebel hebel ■■■■ yiri', waxaa la yiraahdaa: "ninkii wuxuu yiri ■■■■ naagtii waxay tiri" ama "odaygii wuxuu yiri" ama "wadaadkii wuxuu yiri" iyo wixii la mid ah. Sheekadii ay ku timid iyo maahmaahda

---

markii la sheegona, waxaa loo gondo-degaa arrinta lagu xusuustay ■■ markaas lagu keenay.

\* \* \*

Maahmaahaha caynkaas ah ee sheekadoodii la hayo, curiyihiise la iska halmaamay ma tiro yara, waxse aan ku tusaalayn karaa qaarka soo socda, aniga oo mar walba - waa siday ku macaan tahaye – sheekada iyo maahmaahda ka hadhay sheekada hor-marin doona:

1. Waxaa la yiri: waxaa jirey qoys ka tirsanaa bulshada soomaaliyeed ee bad-ku-nooshaha ah. Waxay degi jireen xeeb ay kalluunka iyo wixii ■■ Eebbe ugu daro ay ka daban jireen. Maalin walba cirka oo xiddigo leh ayaa waxaa hawshaas isu raaci jirey odayga reerka iyo wiil uu dhalay oo barbaar ahaa, iyaga oo ku hilaq qalabka nafleyda badda ku dhaqan lagu

---

jillaabto. Badda dadka ka xoogsadaa ■■■ ay  
og yihiin, taasi ■■■ hawl dhib badan oo loo  
baahan yahay qofka meherad ka dhiganayaa  
inuu ku tilmaannaado adkaysi iyo dulqaad  
dheeraad ah. Waxaa suuraggal ah maalin ■■■  
iyo ka badanba shabaagtii aad tuuratay inaan  
waxba kuugu dhicin, dabadeedna adiga oo,  
gacmo ■■■■■ ■■ duluglaynaya aad fiidkii  
gurigaaga ku soo noqoto!

Hawshaas ■■ kale waayeelka ayaa ■ adkaysta  
■■ dhabar u yeelan karee, dhalinyaradu ■■  
jecla, kumana raagto. Sidaas darteed, inankii  
barbaarka ahaa ■■■■■ aabbihiis la kallahoba,  
waagii dambe ayuu baddii iyo kalluunkediiba  
jinnigii isha caddaa ka necbaaday.

Galabtii dambe, qararka xeebta qar ka ■■■  
ah labadoodii ■■ dul-dhakoola, sugaayana  
qalabkii ay saaka badda dhex-dhigteen inay

---

wax ugu dhacaan ayuu wiilkii su'aal uusan  
filanayn odaygii ku tuuray. Wuxuu yiri:  
"Aabbow, aakhiro shabaag ma la dhiganayaa?." Odaygiina intuu dulucdii su'aasha gartay ayuu kaga jawaabey: "Maandhow, ninna maan la'aan meel uma fadhiyo!"; taas oo noqotay maahmaah wax la isku tusaaleeyo, markii la sheegayona laga hor-mariyo, 'odaygii wuxuu yiri...'.  
\* \* \*

2. Waxaa la yiri: nin iyo barbaar uu dhalay oo reer-miyi ah ayaa kal-dambeed xilli diraaceed ah reerkoodii ■ sahamiyey. Xalay fiid hore hillaac taag darani meel uu ka bilig lahaa, ayna ku oddoroseen ayay saddex caanommaal ka dib goor gabbal-gaab ah dhex-joogsadeen. Si ay u ogaadaan roobka helay inta uu le'eg yahay ayay qodeen, mase waa calaacal. Kuwa waaweyn oo sansaankoodu cirka ka muuqdo kob lagu sugi

---

karo inay tahay ayuu odaygii isku tusay. Berri iyo saaddambe naqa soo bixi doona inay xoolaha irmaani ugu darari doonaan ayay ahaatay. Waa Alle mahaddiye, kolka inuu reerkii ku soo raraa lama gudboonaan? Ma laballabayn.

Waxay talo kaga dhammaatay inuu, raree, wiilkana cidda u diro, isaguna berrimmadii uu ku furi lahaa u sahamiyo, xoolahana xeryo uga sii maageero. Wiilkii oo anbo-baxaaya ayuu la sii ballamay oo ku yiri: "Maandhow, tag oo reerka halkan u soo rar, habeen dambe, geeddiga ka hor, kolkii aad gaadhona, waxa aad qalataan wanka weyn oo ina-heblood ah."

Inankii ballankii aabbihis si xusuusan ayaa reerihii gaarey, wuxuuse ugu tegey isaga iyo odaygu sidii ay ku ogaayeen si ahayn.

Marka kowaad, abaar bay kaga tageene, intii

---

ay sahanka ku soo maqnaayeen ayuu roob mahiigaan ahi, si hagar la'aan ah, ugu dulhabsaday. Ballidii ayaa wada ceegaagta, meeshii godan oo idilna rah baa ka 'jiiq' leh!

Marka labaad, wankii uu odaygu kala soo ballamay mid aan ahayn, asii ay isku fil ahaayeen ayaa shalay galab jeeniga midig ka duulay. Edegta waxaraha meel u dhow ayuu caws loo dhigay ku labo-canlaynayaa, inuu kabmaana waa habeenkii xalay ahaa tegey, siday xoolo-yaqaanka qaarkood ku warrameen. Isaga iyo aabbihis ballankii ay isku ogaayeen inuu siday ahayd u fuliyo mooyee, wax kale oo idil ayaa inankii laga indho-saabay.

Wankii weynaa ee uu odaygu u soo magacaabay ayuu dhegta dhiigga u daray, intii aan waagii beryinna awrtii oo rarku dhan

---

yahay iyo xoolihii ayuu dhabbaha ku ridey;  
isaga oo u wada aabbihiis halkii uu ku ogaa ee  
roobka yari ku da'ay!

Reerkii oo geeddi ahi kolkii uu dul-geeyey,  
wixii dhacayna looga sheekeeyey ayaa, meel ay  
jirteyba, caloolxumo oo idili odaygii isugu  
timid. Wuxuu isu qaatay inaanu nin gablamay  
waxba dhaamin!

Ma wuxuu dad moodi karaa barbaarka garan  
waayey roobka mahiigaanka ahi halkii uu ku  
helay inuu reerka ku negeeyo?! Sidee buu u  
shinsan karaa, wanka jaban ee aan kabniinka  
looga rajo qabin ninka inta arki waayey kii  
bedda qabey gawracay?!

Nacasnimadaas markii ■ ku canaantayna  
waxaa barbaarkii laga waayey wax uu isku  
daafaco oo aan ahayn, 'waxaan fuliyey wixii aan,

---

aabbow, ku ballannay!' Kolkaas buu odaygiina  
haaraankiisii ku soo gebaggabeeyey su'aal aan  
habaar ka tagganayn oo ahayd: "Taladiis  
ba'dayow, sow talo kuguma dhalato?!"

Waxay noqotay maahmaah dadka ku soo  
dhacda mar walba oo ay arkaan duruufaha  
kolba soo cusbaadaa ruux aysan ka fekarsiin,  
■ ■ ■ ku dhaline, isaga dhega uun hadal waa  
hore la isku ogaa, wax badanise iska beddaleen.

\* \* \*

3. Malahayga, dhaqankii hore ee Soomaalida,  
ceebta ugu daran ee qoyska la soo  
gudboonaataa waxay ahayd inantooda oo  
qaadda ilmo aan guur iyo meher ku dhalan.  
Iyadana waxay u ahayd guur la'aan joogto ah,  
reerka ay ka dhalatayna magac-xumo iyo xan  
aan kalaggo' lahayn.

Gabadha kale ee tan gartatay ay walaalaha



**Gabar gabdhihii hore ee Soomaalida ka mid ah markay arrintaas oo kale ku timaaddo looma garaabi jirin. Nolosha ayay bulshadu ■ dacarayn**

Xilliyadaas aan ka hadlayno, degaannada Soomaalida qaarkood ayaa haweeneyda la qabo oo inta foolata degdeg u ummuli weyda waxay daliil uga dhigan jireen ilmaha ay dhali

---

la'dahay, ninka qaba mooyaane nin kale inuu ka dhalay! Iyada oo geeri iyo nolol geeri u dhow ayaa waxaa lagu qasbi jirey inay sheegto, inuusan jirinba nin ay u badan tahay oo aan kii qabey ahayn. Waxaa laga dhaadhicin jirey haddii ay sidaas yeesho oo dhabtii canugga ninka dhalay ay magac-dhawdo inay soo kala fududaanayso oo ay ilmuhu sahal ku soo dhaafi doonaan!

\* \* \*

Bulshadaas ■■■ soo tilmaannay ayay inan yari ku dhex-garcatay. Gabdhihi ay asaagga ahaayeeni wixii ay markaas oo kale u bareeri jireen way ku dhici weydey. Malaha way fulayowdey. Waxay ku dhici kari weydey dhuunkaal intay maggawsato inay isku disho, dabadeedna ay isku dhimato. Waxay go'aansan weydey nafteeda inay habardugaag u hibeyso.

Kolka, maxay yeeshay? Waxay ku tashatay intii ay qarin kartona inay qariso, reerahana ay

---

sideedii hore isaga dhex-joogto. Tu' kale oo walaasheed ahayd, korna uga weyneyd ayaase hagaag u garatay waxa gabadha ku soo kordhay. Waxay la sheekaysato iyo waxay xuuraantoba, ugu dambaystii ayay runtii ka ogaatey. Waxay u qiratay ilmo nool oo aan meher xalaal ah ku beermin inay uurkiisa leedahay! Waxay u raacisay: "Walaaley, ha i sheegin." Codsigaas ■■ ay iyana kaga jawaabtey: "Anigu ku sheegi maayee, yaan shan bilood ku sheegin!".

Waxay noqotay maahmaah la xusuusto ■■■ walba oo lala kulmo ruux ay la tahay inuu qarin karo amaba ay cid kale ■ qarin karto arrin ■■■ la qarin karin; arrin uu isagu eeddeeda leeyahay oo kolley uu eelkeedu gadaalka soo if-bixi doono, wax badanna aan daboolka qarsoodiga lagu hayn karin!

\* \* \*

---

4. Isla xilliyadaas aan hadalkooda hayno, dumarkii iyo raggii hore ■ Soomaaliyeed waxay ka dhawrsan jireen inay carrabka ku dhuftaan laboodka iyo dheddigoodka dareenka isu soo jiida ee 'jacaylka' loo yaqaani inuu hayo amaba haleelay. Si kasta ha isu rabeene, dhif bay ahayd ama maba dhici jirin meel fagaare ah in 'jacaylka hebla' ama 'jacaylka hebel' afmuggiis lagaga qirto.

Iska daa laba ruux oo isu cusube, ninka iyo haweeneyda tobanka isu dhalay ayaan ■■■■ 'waan ku jeclahay' debnahooda la soo marin karin. Ninka erayo sidaas oo kale ku tiraaba *jilicsani* iyo *liidnimo* ayay ku xaman jireen, dumarkana, tii laga maqlo, waxay ku canbaarayn jireen 'nin jacayl' oo bulshadaas iyada ah aan gogoldhaafka waxba qumman uga sokayn!

---

Xataa maansoyahannadii raacatada ahaa kuma ay dhiirran jirin inay hiddahaas ka bayraan. Sidas darteed ayaa maansada jacaylka ah waxaa lagu tilmaami karaa inay tahay ujeeddooyinka maansadeenna midda ugu baaxadda yar. Waxay tiro lahaayeen, jacayl dhab ah wax ku ala'laday, maansadoodana ■■■ kala xishooni waa Raage Ugaas<sup>(4)</sup> iyo Weerar Bulxan<sup>(5)</sup> oo nooga tegey gabayo qurux badan oo, haddii aysan ka sarrayn, la garab-dhigi karo maansada caalamiga ah ee jacaylka lagaga hadlay.

Xilligaas isaga ah ayaa, isxodxodasho dheer ka dib, waxaa la isa siiyey barbaar iyo gashaanti

---

4- Raage Ugaas: arag sharaxa 2d.

5 Weerer Bulxan: gabayaa noolaa bartamaha qarnigii 19d. Waxay walaalo ahaayeen, korna uu uga weynaa gabayaagii isaguna caanka ahaa ee la oran jirey Qamaan Bulxan. Waxaa Weerar lagu xusuustaa tixo jacayl ah oo uu u tiriyey gabar Mullaaxo la oran jirey, nin kalena uu kula loollamay.

---

uu calmaday. Meherkoodii iyo aqal-galkoodii oo biyo gu' ku muddaysan ayaa inankii waxaa lagu daray col dhalinyaro badan ka kooban oo reero godob hore ka hayey lagu duuliyey. Dhiig iyo geelba way u duuleene, Rabbi garabkoodii ayuu ka baxay! Inta laga digniin-helay ayaa wax la diley, wax la dhaawacay iyo wax la baqe-eryey laga dhigay!

Qaar ka mid ah fiiggii jabkaas ka nabad-galay ayaa goor galab-gaab ah reerihii ku soo noqday. Kolkii la waraysatay ayay tiriyeen raggii laga diley, waxayna ku dareen, bilo ka hor barbaarkii gabadha la siiyey, guga dhowna la aqal-geli lahaa! Gabadhiina geerida barbaarkeeda markii ay maqashay ayay is-hayn kari weydey. Dareenkeedii dhabta ahaa ayay qarin kari weydey. Iyada oo aan ku tashan ayay ilmo waaweyni indhaheeda ka soo burqatay. Markii dambena, 'yaan lagula yaabin' intay istiri ayay aqalkii hooyadeed dalaq tiri oo, boohin iyo baroor, af labadii yeedhay! Aaabbahood oo

---

meelaha ka dhowaa ayaa inta u galay wuxuu weyddiiyey waxa ay la barooranayso. Iyada oo weli 'hihiq' leh ayay, sababta runta ah illeen mm sheegi kartee, waxay ugu jawaabtey: "Aabbow, orgigii ina-heblood ahaa sow shalay dawaco ma cunin!."

Odaygii ■ gartay waxa ay gabadhiisu la barooranayso, isla markaasna ■ dooneyn inuu ugu garaabo iyo inuu ku canaanto toona ayaa, isaga oo aqalkii ka sii baxaya, wuxuu yiri: "Maandhay baroortu orgiga ka weyn!"; taas oo noqotay maahmaah ay Soomaalidu xusuusato mar walba oo ay la kulanto ruux waxa murjiyey wax aan ahayn ka sheeganaaya; ruux isku deyaaya dareenkiisa dhabta ah iyo halka laga soo galay inuu qariyo, sabab kale oo aan jirinna dadka u sheegaya!

\* \* \*

5. Labada qof ee qoys kasta tiirdhexadka u ahi waa aabbaha iyo hooyada ama sayga iyo oorida.

---

Waxaan, haddana, cidna ka qarsoonayn inay jiraan hawlo uu mid waliba gaar u leeyahay oo uu Eebbe-weyne u fududeeyey, markii uu abuurka aadanaha guddoonsadey.

Hawlaha muruqa u baahan amaba nolosha halis gelin kara, ragga ayaa lagu halleeyaa, ■■■ iyaga ayaa ka bixi karee. Haweenkuna, dhinacooda, waxay ku jaadan yihiin hawlaha hoose ee reerka oo, in kastoo aanay muruq badan u baahnayn, halis weynina ugu sugnayn, aan iyaga mooyee cid kale ■ babac-dhigi karin. Marka ■■■ sidaas leeyahayna waxaan maskaxda ku hayaa qoyska Soomaaliyeed, gaar ahaan kii reer-miyiga ahaa ■ sayga iyo afada ay sida caddaanka ah hawluhu ugu kala qaybsanaayeen.

Hawlaha hoose ■ reerka kuwa aan haweeneyda loogu tegin waxaa ka mid ah

---

korinta carruurta. Waa hawl dhib badan, raggana waxaa ka garaabi kara oo keliya ninkii intay afadiisu ummul-raacday, isaga iyo kii ■■■ tii ay dhashay ay ismuteen, rajona koriyey! Dhabtii, aabbuhu waa kaaliye uune, hooyo ayaa carruur korin karta oo, iyada ■■ aan 'hah' iyo 'hub' midna oran, dadab ■■■ indhaha kala hayn barbaar ka soo saari karta.

In kastoo ay arrintu sidaas tahay, waxaa haddana jira rag Soomaaliyeed ■■ aan taas dumarka ku tix-gelin. Waxayba ■ haystaan kaalinta ay iyagu qoyska ugu jiraani inay midda dumarka ka culus tahay, reerkuna uu iyaga qura ku taagan yahay. Waa ragga mar walba dumarka dhalliila oo iyaga iyo carruurta, xagga garaadka, indho keliya ku wada eega!

Ragga sidaas ah nin ku jirey oo reer-miyiga Soomaalida ka mid ah ayaa waxaa beri ka il-

---

heshay haweeney u dhaxdey. Waxay ahayd haweeney, mar walba oo uu u fiirsado sida ay ilmaha ula dhaqmayso, uu doqonnimo ku caayi jirey.

Wiil aan weli gugiisii hore dhammaysan ayay haysataa. Hadduu aqalka u dhex-jiifo, hadday xanbaarsan tahay iyo hadday naaska u dhigayso; mar walba way la hadlaysaa oo sidii qof weyn bay ugu sheekaynaysaa!

Mar intay su'aal weyddiiso ayay jawaabtii uu oran lahaa 'hooyo dheh' intay ku tiraahdo iyadu u tiraahdaa. Mar way kilkilaysaa oo af aan ilko lahayn inta banneeyo ayuu qosol dhagdhag ah ka wareegaa. Mar isaga oo hurda intay ku foorarsato ayay uga warrantaa waayaha reerkooda dhacdo maantaas cusub oo ay soo maqashay. 'Hooyo, hebelow, waadigan iska hurdee, waxa dhacay ma moog tahay?' intay ugu bilawdo ayay wixii dhacay oo

---

teelteel ah af-carruureed ugu sheegtaa. Markuu ooyo way u heestaa. Jacaylka ay ■ hayso ayay dhegaha ugu shubtaa. Cimri dheer iyo rag oo idil inuu ka soo baxo ayay ugu ducaysaa. Markaas buu aamusaa oo sida waxa ay leedahay qof garanaaya xaggeeda u wada jeestaa, cabbaar ka dibna, kor iyo hoosba intuu ka xasilo, hurdo 'dhag' yiraahdaa.

Haweeneydaas ninkii qabey waxaas oo idili way la silloonaayeen. Wuxuu rumaysnaa carruurta oo lala hadlaa carruurnimo uun inay tahay! Iyada oo wiilka la hadlaysa markuu arkoba, wuu caayi jirey. Wuxuu ku tilmaami jirey dhallaammo isa sita iyada iyo canuggu inay yihiin! Wuxuu garan kari waayi jirey sabab loola hadlo ilmo dadab ah oo af kale daaye aan 'hooyo' iyo 'aabbe' weli baran!

Maalintii dambe ayay ku tashatay inay tusto

---

inay iyadu ka gar leedahay, dhaleecayntiisuna ay gardarro tahay. Waxay goosatay, maalin gelinkeedna Allaha ka dhigee, isaga iyo wiilka yar inay isaga tagto.

Oo sidee bay yeeshaa? Dhaqankii hore ee reer-miyiga Soomaalida markaynu milicsanno, suuraggal ■ ahayn ilmo da'daas ah inay hooyadu aabbaha uga tagto, ninkii yeelaana wuxuu ahaa nin dumarka ku tirsan! Neef la qalo, ari la liso iyo, isaguba ha dhalee, ilmo yar oo la hayo; saddexduba ■ ahayn ninkii Soomaaliyeed ee xoolo-raacatada ahaa waxyaabo laga ■ karayey amaba ay cid kale kula dhici karaysey. Sidaas darteed ayay haweeneydii inta wiilkii seexisay ninkeedii oo geed harsanaaya ugu tagtay. Waxay ku tiri: "Reerahaas muuqda ayaan riyo iiga goosmay ka soo soocanayaa, degdeгна waan u soo noqone, wiilka iiga war-qab; hadda ■ hurdaaye, hadduu tooso."

---

Haweeneydii oo ■ weli indhihiisa ka qarsoomin ayay boohintii wiilku dhegihiisa ku soo dhacday. Dan uma uu gelin. Sidii wax ■ maqlayn buu iska dhigay. Marba marka dambaysa boohintu way sii kordhaysaa. Dumar iyo carruur uu u diro ayuu hareeraha ka eegay, mase, isaga mooyee, qof kaleba carradaba kama dhowa. Mar kale ayuu iska dhego-tiray, isaga oo filaaya, kolkuu daalo, inuu iskiis isaga aamusi doono.

Waabase ka sii daray! Markaas buu isyiri: "War waxani wax ka badane, ■ wiilka halaq qaniinay?." Kolkaas ■ buu xagga aqalkii uu ka ooyaayey u dhaqaaqay oo inta ■ galay halkii uu jifey kor uga soo qaaday, jilbahana, si qaab-darro ah, ugu dul-qotomiyeey. Waabase ka sii daray! Imaanshihii aabbe, oohin



---

buu ka sii qaaday! Suu wuxuu garan waayey wax uu yeelo. Mar wuu la sare-joogsadaa. Mar wuu la fariistaa. Marna wuu la socsocdaa.

Dabadeed, markuu si walba ku aamusiin kari waayey ayuu isaga oo afadiisii ■ naqsanaaya wuxuu isweyddiiyey: "War wuxu sidee bay qofkan u hayn jirtey? Bal waa tii la hadli jirtaye, aan aniguna la hadlo, doqonnimo waa laga war-doonaaye!."

Markaas ayuu canuggii oo beer-bararay magaciisii ugu yeeray oo 'hooyo waa socotaa' ugu celceliyey. Haddiiba boohintii way yaraatay. Markuu arkay inuu hadalku wax taraayo ayuu u dhurwaayeeyey oo siday hooyadiis ugu hunbaalleyn jirtey ugu hunbaalleeyey. Heesihii ay ku seexin jirtey middood ayuu ku sasabay. Kolkaas buu 'shib' yiri oo hagaag dhabtiisii ugu xasilay!

---

---

Casar-liiqii kolkay ahayd ayay haweeneydii wiilka dhashay soo noqotay. Tallaabo aan shanqar lahayn ayay aqalkii ku soo hor-joogsatey. Hadalka gudaha ka yeeraaya ayay dhegta u dhigtay. Mase waa ninkii ku caayi jirey oo wiilkii gabanka ahaa u sheekaynaya, ■■■ walbana sheekada dhex-gelinaaya weedha ah, 'nin hayaaba hadal...nin hayaaba hadal!'

Waxay ahayd hawraar markhaati u ahayd inay iyadu gar lahayd, gadaalkiina noqotay maahmaah korinta dhallaanka cashar lagama-maarmaan ah ka bixinaysa.

Waa cashar ay hooyooyinka Soomaalidu kaga horreeyeen barbaariyeyaasha Reer Galbeedka ee hadda uun ina baraya ilmaha yari inuu, sida dadka waaweyn, sheeko iyo la-hadlidba u baahan yahay!

\* \* \*

---

6. Soomaalidu waa dad muslin ah, siday u badan tahayna si wacan ayay u maamuusi jirtey wadaaddada kitaabka Eebbe xanbaarsan ■ gudbinta farriimihiisa u jeebban. Waxyaabaha ay bulshada ugu filan yihiin dartood ayaa lagu weyneeyaa; kuwaas oo ay ka mid yihiin barashada Quraanka kariimka ah, ka-jawaabidda wixii bannaan iyo wixii xaaraan ah, wacdiga, sheegista sida ugu wanaagsan ee Eebbe loo caabudo, isu-meherinta ragga iyo dumarka isguursanaya, diin-ku-akhrinta wixii buka, u-xirsi-xirka reeraha iyo xoolaha iyo dhammaan wixii waxyaabahaas la mid ah ee, culimmo mooyee, aan caamadu waxba ka aqoon.

Markay soo muuqdaan ama dikri-salaantooda<sup>(6)</sup> meel fog laga maqlo ayaa fadhiga

---

6- Dikri-salaan: qasiido Carabi ah oo badanaa nebi-aminaan ah. Wadaaddada Soomaalida iyo xertooda ayaa wadajir ugu luuqeeya kolka ay ku socdaan amaba ay u muuqato kolba degmada ay habeenkaas martiyi doonaan.

---

looga kici jirey. Xoolaha reerku haysto neefka ugu buuran ayaa loo loogi jirey. Cidda ay martiyaani cid ay barako u soo hoyatey ayay isu haysan jirtey, inta ay la joogaanna wixii ka soo oodma oo masalooyin diineed ah ayay caamada ka jaahil-bixin jireen. Maalinta ay tegayaan, waxay u badnayd, xoolo nool oo ay sii kaxaystaan in la guddoonsiiyo. Nin habaaran mooyee nin kalena wixii ay afka ku kala qaadaan uma diidi jirin, kumana gacan-sayri jirin.

Bulshada nn idil ayaa u haysatey wadaaddadu inay yihiin koox cabsida Eebbe ku weyn tahay oo wixii ay ka durraantaan ka heli og, ciddii ay u duceeyaanna laga aqbalo.

Arrintu, guud ahaan, iyada oo sidaas u ah ayaa, haddana, mararka qaarkood waxay bulshadu dareemi jirtey ragga qaar dharka culimmada sita ■ tusbaxa iyo kitaabka aan,

---

waana, gacantooda laga waayin, hase ahaatee  
aan cabsida Rabbi ku weyneyn! Muuqaalka  
wadaaddada ha lahaadeene, sida caamada ayay  
u dhaqmaan. Boolida kama caagganaadaan,  
wixii uu Eebbe reebay inay ku dhacaanna caano  
uu kabbadaan! Uur iyo af kala duwan markii  
lagu habsadana, quursiga culimmada toosan  
ayay mutaan, xanta caamaduna u dheer!

Sayid Maxamad Cabdille Xasan, jahaadka ka  
sokow, wuxuu qudhiisu ka mid ahaa culimadii  
waaweyneyd ee carriga Soomaalida ka soo  
caan-baxday dabayaaqadii qarnigii 19d iyo  
horraanka kii 20d.

Wuxuu kaloo ahaa deeqsi si gaar ah  
wadaaddada ugu roonaa. Ha yeeshee, gabayadiisa  
midkood ayuu inoogu sheegay sida uu ula kala  
dhaqmaayo wadaadka dhabta ah ee waddada  
toosan ■ Eebbe ku socda iyo *wadaad-iska-yeelka*

---

dharka mooyee aan culimmada meel kale ka  
saawayn.

Wadaad Ina-Walabban la oran jirey oo  
Daraawiishta la col ahaa isaga oo maskaxda ku  
haya ayuu yiri:

1. Wadaadkii kitaabbo leh inaan wan u  
qalaa weeye
2. Walanqihiyo dhaydaba inuu walamsadaa weeye
3. Weylaalis meel wacan inaan ugu wadhaa weeye;
4. Ina-Walabban<sup>(7)</sup> ■ kale inaan 'weger' idhaa weeye
5. 'Wax I sii' hadduu yadhi inaan waran  
daraa weeye

---

7 Sababta tooska ah ee Ina-Walabban gabayga ku soo  
dartay sida soo socota ayaa lagu sheegay. Waxaa la  
yiri: koox Daraawiish ah oo ilaalo ahaan dhulka u  
maraysey ayaa, iyaga oo isqarinaaya, waxay ku soo  
hoydeen cid ka mid ah Soomaalidii gumeysiga  
Ingiriiska taageersanayd, Sayidkana colaadin jirtey.  
Mar dambe oo la sooryeeyey ayaa waxaa ■ yimid  
wadaad Ina-Walabban la oran jirey oo ka tirsanaa  
reerihii ay ilaaladu martiday. Intuu malaha ka shakiyey  
ayuu ku yiri: "Weger! War armaad Daraawiish tihiin!." Hadalkaas  
markii loo tebiyey ayuu Sayidkuna dhacdadaas gabayadiisa  
midkood sidaas ugu daray.

---

6. Wecelkaas-cadaabeed inuu weero  
yahay weeye!

Wadaaddada danaysiga silloon lagu bartaayi,  
badanaa, bulshada kuma dhex-qarsoomaan.  
Markii magacooda la soo qaado iyo markii la  
arkoba, farta ayaa lagu godaa, caamaduna,  
sheekooyin dhacay iyo kuwo ■ dhicinba, way  
ka werisaa.

Haddaba, ■ jira wadaaddada qaar  
barbarriiqda ■ dantooda iyo xaq, dhinac  
dantooda u xagliya. Kuwaas ayay Soomaalidu  
waxay ku tusaalaysaa sheekooyin maahmaaho  
reebay ■ saddexdaan soo socdaa ay ka midka  
yihiin:

I. Malahayga la wada maqal, gabadhii  
gashaantida ahayd ee iyada oo wadaaddadu ay  
ragga kala sarreeyaan uu, goor habeen ah, wadaad-  
iska-yeelku ku soo guureeyey, dabadeedna ula

---

yimid dhaqan aan caamana ku badnaan jirin,  
culimmana ay ka caagganayd! Habeenkii oo  
idil yaab iyo filan-waa waxay la ledi weydoba,  
waagu kolkuu ■ beryey waa gashaantidii  
dumarka iyo hablihii ay isku ayniga ahaayeen  
kula soo kallahday weedhii halhayska noqotay  
ee ahayd: "wadaad waa nin!"; taasoo ay ula  
jeeddey, hadday hortii wax kale u haysatey,  
inay xalay la kulantay wadaad raggii kale ee  
ay tiqiin la mase ah, lana dhaqan ah!;

II. Tan labaadina waxay ku saabsan tahay  
wadaadkii ninka buka oo muddada dheer  
dhulyaalka ahaa reeraha ku maqlay, dabadeedna  
ku carraabay. Aqallada iyo halkii uu ninku ku  
xanuunsanaa intii aanu soo gaarin ayuu soo dhex-  
maray arigii reeraha oo xeryihiisii meel aan ka  
fogeyn ku mayracanaaya. Riyo iyo ido, orgi iyo

---

wanan, sabeeno iyo ceesaamoba, si wacan buu indhaha ula raacay. Wuxuu cabbaar ku dhaygagay, una bogey wan *joogaa* ah oo idaha ku jirey; wan galaalan oo baridu intay ballaarkii ka badatay ay xaglaha ku dhowdahay.

Isaga oo aan is-ogeyn ayuu 'jug' siiyey candhuuf ay hamuuni ka keentay. Wuxuu ku taamay neefkaas inuu caawa hilbo ka cuno!

Reerkii markuu gaarey oo raggii joogey ay isnabdaadiyeen ayuu ka waraysatay ninkii ka xanuunsanaa siduu ku dambeeyey. Waxay u sheegeen shalay iyo maantaba inuu ka soo daraayey, waxayna ka codsadeen bal inuu u galo oo, isagaa shiikh ahe, wixii lagula tacaali lahaa uu, dabadeed, iyaga ula soo noqdo.

Sidaas buu yeelay, wax yar ka dibna intuu aqalkii ka soo baxay ayuu xigtadii sugaysey wuxuu ku yiri: "Waxaa u daawo ah wan

---

galaalan oo isla caawa laga fuud-siiyo iyo Quraan intaas iyo intaas ah oo berri lagu bilaabo, saaddambena lagu dhammeeyo." Dabadeed, wadaadkii inta meel la fariisiiyey oo caano loo keenay ayaa raggii nin ka mid ah arigii loo diray, si wankii galaallaa ee wadaadku sheegay uu uga keeno.

Show, wananka galaalan ee ariga ku jiraa, miduun ma ahee, waa badan yihiin! Show, kuwo waaweyn iyo kuwo aan baraar waxba dhaaminba waa leeyihiin!

Cabbaar ka dibba, wan yar oo galaalan oo aan ahayn kii uu wadaadku madaxa ku hayey ayuu ninkii loo dirayna la soo orday. Waa gar oo inuu wan yahay iyo inuu galaalan yahay mooyee, da'diisa iyo shishlaantiisa midna, shiikhu isba carrabka kuma dhufan. Halkii

---

gogosha loo dhigay wadaadkii oo weli fadhiya ayaa wankii la hor-geeyey, si kii loo baahnaa inuu yahay looga hubiyo. Isna wuu gartay inuusan ahayn galabta kii uu ariga ku soo dhex-arakay.

Talo ayaa ku caddaatay. Tilmaamihii uu reerka u sheegay wuu leeyahay oo wanku waa kii uu sheegay, wankuse wankii ma aha! Waxaa la yiri: wax kale oo uu yiraahdo intuu garan waayey ayaa waxaa afkiisa ka soo booddey: "Subxaanallah, bal intuu le'eg yahay oo galaalan yahay!" oo noqotay maahmaah la xusuusto markii la arko wax la filaayey oo inta baaqsaday wax ■■■ la filayni ka soo soke-mareen!

III. Sheekada saddexaadi waxay iyana ku saabsan tahay wadaadkii nimanka dacwada isu haysta u gar-naqay ee inta kitaabbada ■ furfuray xukunka ridey. Isla goobtii isaga oo

---

■ ka kicin waa wadaadkii dacwadii ku noqday oo xukun kale ka soo saaray, ka dib markuu ogaadey isaga qudhiisu dhinacii eedda qaaday inuu ka mid yahay!

Waxaa la yiri: nin baa beer tabcaday, dabadeedna meseggo fiican ayaa uga baxday. Isaga oo aan weli goosan ayaa inta soo gashay waxaa nag ka dhigtay lo' aan lala joogin oo meel aan u dhoweyn ka soo foofatay. Ninkii beerta laga daaqay iyo kuwii lo'da lahaa ayaa, dabadeed, arrintii ku kala bixi waayey oo hadalkiina ka taagtaagmey.

Raggii halkaas joogey ayaa markaas labadii dhinac kula taliyey inay shareecada iyo diinta Eebbe ku kala baxaan. Waxay farta ugu fiiqeen wadaad geyiga wax ka degganaa oo halka wax ka dhaceen aan reerkiisu waxba qumman ka fogeyn.

---

Markii loo warramay, dhinacyadii is-hayeyna uu si wacan u dhegeystey ayuu wadaadkiina nin meesha fadhiyey waran ■■■ sitey inta ka qaatay dhulka ku joojiyey, xukunkiina ku dhawaaqay. Wuxuu yiri: "Waxaan xukumay lo'da beerta cuntay nimanka lihi warankaas jooggiisa oo meseggo ah inay siiyaan ninka beerta leh."

Hadalkii oo ■■■ afkiisa ka dhammaan ayaa qoladii lo'da lahayd nin ka mid ahi wuxuu la soo boodey: "Hadda shiikhow, lo'da beerta cuntay taaduna waa ku jirtaaye, ogow!" Markaas buu wadaadkiina inta warankii laacay dhulka jiifiyey oo xukunkiisii hore inta mid kale ka dambaysiiyey intii dhegeysanaysey wuxuu maqashiiyey: "La jiifiyaana bannaan!" oo gadaalkii noqotay maahmaah markii garsoor-xumo la dareemo xusuusta Soomaalida ku soo dhacda, lagana hor-mariyo, 'Wadaadkii wuxuu yiri...'

\* \* \*

---

7. Marnaba waxa ■■■ muran la gelin karin koritaanka carruurtu inuu ugu ■■■■■ yahay markii aabbe iyo hooyoba ay u wada joogaan oo jacaylkooda iyo daryeelkooda ay ku hoos-barbaaraan. Ilmaha labadooda isla helaa ■■■■■ ku koraa caafimaad oogo iyo mid maskaxeed oo markuu 'nolosha waayeelnimo' dhex-muqurto wax weyn ugu fillaada. Waxay u badan tahay waalidkiis oo dhego dhani canuggii ay soo wada koriyaani inuu isku-kalsooni iyo qeesinnimo ku weynaado, marka la barbar-dhigo kii yaraan ku agoontoobey ama ku rajoobey ■■■■ ay labada guuldarroba isu raacday.

Iyada oo labadooduba ay si walba lagama-maarmaan u yihiin ayaan, haddana, aabbe iyo hooyo la isgarab-dhigi karin, gaar ahaan heerarka hore ee koritaanka inta uu ilmuhu maraayo: markuu dhasho ilaa marka uu toban-jirsanaayo.



---

Heerarkaas iyaga ah, hooyo lala mid ■■■ aha. Inta badan aabbe wuu maqan yahay oo xoolaha iyo hawlahooda ■■■ sodcaal ganacsi ayuu qoyska uga fogaadaa. Qofka canugga ka war-qaba ee, cudur iyo caafimaad, wixii uu ku sugan yahay la socdaayi waa hooyada. Iyada ayaa wax siisa.

Iyada ayaa, bal inuu baahi ku seexday, markuu gam'o bogga iyo beerka ka taabata. Iyada ayaa hadal barta, socodkana ku tacliimisa. Iyada ayaa wixii u daran u sheegta, wixii u roonna ku hanuunisa. Markuu tiiraanyaysan yahay iyo markuu faraxsan yahayba, waa halka uu ku ■■■ ordo. Waa gaashaan adag oo tabar-yaridu intay hayso belo oo idil uga gudban. Dulucdu waxay tahay, haddii aanay kolley labadoodu u wada joogeyn, waxaa canugga u roon inuu agoontoobo, intii uu rajoobi lahaa!

---

Iyaga oo dhabta iyo dhabarka lagu hayo, waa nasiib badan yihiin carruurta inta rajowda ka noolaataa. Aabbahoodna, Allaha ka dhigee, xannaanadii hooyo cid u hidisa ■■■ helaan, wax halkeedii u geli karaana ma jiraan.

Si, haddaba, ilmahaasi ay daryeel wacan u helaan, waxay Soomaalidii hore soo rogtey dhaqanka 'xiskiisanka' lagu magacaabo. Hooyadii carruurta rajada ah ka tagtay ayaa aabbihii la siiyaa, si ay gabbaad ugu noqoto carruurtaas ay habaryarta u tahay, kuwa ay dhali doontana u walaal noqon doona. Taasina waxay dhacdaa haddii ay carruurtaasi nasiib leedahay oo habaryartood loo guursado.

Haweeneydii dhimatay gabar walaasheed ah oo lagu xiskiisimaa haddii aanay reer-xididkiis u joogin, wuxuu aabbuhu carruurta u geyn jirey haweenka kale ee uu qabo mddood; haddii ay

---

jiraan. Haddiise aysan jirin oo haweeneydii ka dhimatay uu xilo ka lahaa, mid cusub oo ilmahaas rajada ah la korisa ayuu u guursan jirey. Iyada oo kuwaas haysa ayay iyana kuwo kale dhashaa, markaas baana kuwii rajada ahaa dhibaata doodu bilaabataa!

Badiba siday Soomaalidu rumaysan tahay, aayada waxaa lagu xantaa ilmaha uu ninkeedu dumarka kale ka dhalo ■■ ay hayso inay gacan-bidixayso ■■■ aysan u roonayn. Ilmahaas iyaga ah, hooyo dhimatay ha ka tagto ama haweeney la furay ha laga reeb, waxay markii ay koraan u badan yihiin inay aayooyinkood ka sheegtaan, siyaabihii ay ula dhaqmi jireenna ku eedeeyaan.

In kastoo aysan dhammaantood sidaas wada ahayn, haddana waxay aayooyinka ku xantaan carruurta aysan dhalin ee kuwooda la walaalaha ah inay hawsha ku badiyaan. Inay

---

iyaga wax walba u diraan. Gefaf aysan gelin inay u maleegaan. Caano iyo calalis ■■■■ carruurta la siiyo inay iyaga ku yareeyaan. Kuwaas iyo kuwa ay dhaleeni haddii ay diriraanna way ■ garab-goryeeyaan oo kuwooda ay u hiilliyaan.

Waxaa ka daran dagaal-maskaxeedka kale ■■ carruurta rajada ahi ay aayooyinka haya qaarkood ka mutaan. Waxaa lagu eedeeyaa ilmaha aysan dhalin inay ka dhaadhiciyaan inay yihiin doqommo wada salleello ah, halka kuwa ay dhaleenna ay ku sheegaan diricyo miiran oo geesinnimo iyo caqli meel dhigtay!

‘Maxaa sidaas ugu wacan?’ iyaduna waa su’aal meesha ku jirta oo *culimmada nafta* jawaab uga baahan.

Silica iyo saxariirta canugga yar ee rajoobaa uu aayadiis ka mudan karo - waa aayo ■■■ xilkas ahayn haddii ay tahaye - waxaa inoo muujiyey

---

hormuudkii maansoyahannada Soomaalida: Raage Ugaas ■ tixihiisii jacaylka ahaa middood ku daray:

1. Sida inan yaroo hooyadeed aakhiruu hoyatey
2. Oo aabbaheed aqal mid kale meel illina seexshey
3. Hadba waxaan la urugoonayaa uurkutaallada e!

\* \* \*

Sheekooyinka gacan-bidixaynta aayooyinka ku saabsan waxaa ka mid ah middan soo socota ee la weriyey inay dhex-martay wiil yar oo rajay ah iyo aabbihis. Waxaa la yiri: inan yar oo gabannimo ku rajoobey ayaa aabbihis wuxuu u geeyey haweeney kale oo u dhaxdey. Meesha la joogaa waa miyi, waxa la haystaana waa caanaha oo maalintiiba laba-saddex jeer carruurta la siiyo. Waa sed la yaqaan oo canug waliba og yahay goorta la siin doono iyo tirada ay le'eg yihiin. Rajaygii wuxuu dareemay

---

caanaha ay aayadiis siisaa, maalinba maalinta ka dambaysa, inay soo yaraanayaan. Haruub kala baran ■■ qar-madoobe ah ayay isaga ku taagtaa, halka kuwa ay iyadu dhashay haruubkoodu uu milaalan yahay oo caanaha ku jira xoortoodu ay meel fag ka muuqato!

Rajaygii wuu fekarayey. Wax buu maamiyey. Wuxuu falo ayuu garan waayey. Hadduu iskala hadlo ■■■■ ka baqay inay aayadiis disho ama ay ilmaha ku dhex-caydo, dabadeedna ay ku oriyaan. Wuxuu ka cabsaday inay ku ceebayso inuu hunguri badan yahay amaba uu cir weyn yahay; labadaas tilmaamood oo, yar iyo weynba, Soomaalidii hore ee reer-miyiga ahayd in lagu sheego aysan jeclaan jirin.

Galabtii dambe ayuu u tegey aabbihis oo duleedka reerka meel ah awr uu soo hooyey ku

---

dabraya. Wuu u dhowaadey, odaygiina intuu madaxa u salaaxay ayuu weyddiiyey waxa uu rabo. Kolkaas buu ku yiri: “Aabbow, wax aan adigana wax kaa dhibin, anigana wax ii ah, aayaday **■** ii oran?!”

Culayska hadalka isaga oo la yaabban ayuu odaygiina la soo boodey: “Oo waa maxay?” Kolkaas buu rajaygii ku jawaabey: “Wiilka haruubka u buuxi ku dheh!”; taas oo noqotay maahmaah la soo qaato kolkii laga sharqamiyo rajay waxa aayadiis ka haysta!

---

## IV

### Maansada ■ maahmaahda

Taxanahan qaybtiisii koowaad sidii aan ku soo xusay waxaa jira meelo maahmaahdu ay maansada ka salsallowdo sida qaafiyadda iyo habdhaca. Taas ka sokow, waxaa jira xiriir kale oo ay labadu leeyihiin; kaas oo ah hal-abuurrada Soomaalida oo in badan maahmaahaha caanka ah maansadooda ku darsada.

Sidaynu og nahay, geedjoogga ama geed-ka-hadalka doodaaga ahi wuxuu hadalkiisa ku badiyaa maahmaahiba maahmaahda ay ka quluud iyo murti badan tahay. Wuxuu taa uga gol leeyahay ujeeddada dooddiisa in madaxa loo ruxo, lagana rumaysto.

---

Tabtaas oo kale ayuu marmarka qaarkood hal-abuurkuna maahmaahda u adeegsadaa; isaga oo taas ka filanaaya, 'waa runtiis' dadka kolba maansadiisa dhegeysanayaa inay yiraahdaan, dabadeedna farriimihiisu ay maankooda ku xasilaan.

Inta badan, hal-abuurku maahmaahda oo sideedii ah tixihiisa kuma daree, wuu farsameeyaa. Mar wuu furfuraa oo macnihii ay xanbaarsanayd ayuu ku sheegaa erayo uu leeyahay, marna gogoldhig gaaban intuu ka hor-mariyo ayuu iyadii oo la garanaayo markhaati ka dhigtaa. Sideedana waa la kala adeegsan og yahay oo gabayaaga farshaxanka ahi maahmaahda ayuu tixdiisa ku mili karaa, dabadeedna, aadba ha loogu fiirsadee, waa la kala sooci kari waayaa, markaas oo waxa oo idili ay noqdaan curis uu isagu leeyahay.

\* \* \*

---

1. Aan u horraysiiyo maahmaahda caanka ah ee ay Soomaalidu tiraahdo, 'doofaar ficil la'aan baa loo cadaabaa', hase ahaatee sidii ay maansoyahannadu u adeegsadeen inta aanan hoos ugu daaddegin, bal doofaarka qudhiisa aan erayo ka iraaqdo. Waa nafley jaadad badan ah oo, muslinka iyo Yahuudda maahee, dadka kale uu xoolo ahaan u dhaqaalaysto; kan Soomaaliya joogaa wuxuu leeyahay guud yar iyo gano waaweyn, kolkuu ordaayana dabada ayuu kor lig ■ siiyaa. Dadka qaar 'karkarre' ayay u yaqaannaan, qaar kalena waxay ugu yeeraan khaansiir oo ah eray afka Carabiga ka soo jeeda.

Hilibkiisu muslinka waa ka xaaraan; taasina waxay cuskan tahay suuradda 5d ee quraanka kariimka ah aayaddeeda 3d, halkaas oo uu noolahaasi ku xusan yahay, isaga ■ ka mid ah

---

saddex iyo toban waxyaabood oo inay xaaraamoobeen iskummar uu Eebbe-weyne aadanaha u sheegay.

Malahayga, xaaraantaas uu yahay ayaa doofaarka iyo Soomaalida muslinka ah isnacsiyey. Aad ayuu reer-miyigu u neceb yahay, isaga oo raxan ah markuu ka soo hor-baxana way dhagxiyaan, cayradana ugama tuuraan. Nacaybkaasi wuxuu Soomaalida geyeysiiyey adduunka inta ■ joogo noolahaas inay hagardaamo ugu dedaalaan, agahoodana ka dheereeyaan. Ka sii darane, aakhiro haddii la tagona, waxay ugu dardar-weriyaan in la naari doono oo sida ma-kastada kale aan isaga carcaraafka lagu hayn doonin!

Maxayse, tolow, arrinta dambe u cuskadeen oo daliil ah? Jawaabtu maahmaahda ayay ka muuqataa. Siday qabaan waa ficil li'idiisa sababta uu cadaabka ku galabsaday, halka wax-

---

ma-garatada kale ay ka bedbaadi doonto. Taas si ay inooga dhaadhiciyaanna waxay sheeko-yaqaannada Soomaalidu ku warramaan laba jeerba ficil li'ida doofaarku inay caadyaal tahay, cid walbana ay u muuqan karayso.

Marka hore, kama ficiloodo dheddigga isaga u asoollan ee oorida ■ ah haddii doofaar kale uu ka soo damaaciyo, kana kaxaysto.

Marka labaadna, isaga oo raxan ah haddii ku' ka mid ah dugaag kala haro, inta kale uma diirto, dibna uma dhugato, wayna isaga cararaan, kii oo la hiigaayo, hiilkoodana u cabaadaya.

Soomaalida oo ah bulsho toltol ku dhisan, had iyo jeerna u dagaallantaa waxay aad u tixgelisaa ficilka iyo isu-soo-hiillinta, qofkii laga waayona waxay ku maleeyaan inuu dabeecad doofaar leeyahay!

---

Sidaaas darteed, iyaga oo macnahaas maanka ku haya ayay maansoyahannada Soomaalida qaarkood maahmaahdan ugu soo darsadaan tixahooda, mar walba oo keli ama koox, ay cid kale ficildarro ku haaraamayaan.

Samatar Baxnaan oo ahaa gabayaa da'dii hore si walba ugu tirsan, hase ahaatee isaga oo aad u cimriyey dhowaan soo gaarey, geeriyoodeyna sannadkii 2000 ayaa wuxuu maahmaahdaas ku darsaday gabay uu tiriyeey. Wuxuu gabaygaas u tiriyeey Cismaan Baxnaan oo walaalo ahaayeen.

Laba dumar ah oo raggii qabi jirey ka dhintay ayuu Samatar iska dabo-guursaday, isaga oo aan dumaashooda lahayn. Taas o kalena Soomaalidu waxay u taqaan dumaal-dhac, xeerar bayna ka leedahay. Haweenkaas oo kale hadba dumaashooda ragga iska leh ayaa la

---

siiyaa xoolo samirsiis ah, [redacted] looga qaadaa, isaga oo [redacted] gar u lahayn, kolba [redacted] guursada. Labada jeerba, guurtidii garta naqday waxay Samatar ku xukuntay inuu bixiyo geel ganaax ah. Isna wuu yeelay, dhaqan ahaanna, sidaas bay dumarkii ugu xalaaloobeen.

Waxaase jirtey intii aanu xoolahaas bixin inuu u tegey Cismaan oo walaalnimada ka sokow, arrimaha guurka iyo ganaaxaba ay xeer ka lahaayeen, inay iska kaaliyaanna uu axdi uga yiil. Wuxuu ka durraantay geela lagu xukumay inuu la bixiyo; taasoo markaas [redacted] Cismaan ka garaabin.

Ha yeeshee gugii xigey ayuu [redacted] kale isla sheekadii ula tegey. Wuxuu weyddiistey inuu wax ku soo celiyo, isaga oo weliba abaal hore ku tirsanaayey, lana bixiyey geel xaal ah [redacted] lagu xukumay, jeer Cismaan qudhiisu haweeney rag

---

kale u doonnanayd ■ ka guursaday. Moogganna, siduu Samatar ku warramay, wuxuu Cismaan soo siiyey hal duq ah oo badho ah oo naasaha, horaaddada mooyee, aan dambeeddo lagu ogeyn! 'Debec' baa la oran jiraye, hashii nirig bay dhashay, waxaana la isu daayey iyada iyo hooyadeed oo cid kale caano ■■■ doonan jirin.

Maalintii dambe ayuu Samatar Debec u gabyey. Wixii ay ahayd ayuu ku tilmaamay, ujeeddaduse iyada way dhaafsiisnayd oo Cismaan buu tixda ula dan lahaa.

Cismaan qudhiisu taas wuu gartay. Wuu ka carooday, wuxuuna kaga jawaabey tix, hashii uu bixiyey ammaanteeda ka sokow, uu Samatar ku eedaynaayo dumaal-dhaca uu hiddaha ka dhigtay iyo u-hanqal-taagga dumarka aanu mutayaha u lahayn ■ dharaar walba uu u tafo-xaydan yahay!

---

Meersiyadii halqabsiga noqday ■ txdii Cismaan ku jirey waxaa ka mid ahaa:

1. Weligaa dumaal kaa fog baad duub u xidhataaye
2. Dadkuna haatan waa yaabban yahay daqaqankaagiiye
3. Danina kuuma keenine adaa doonta eedaha e!

Kolkaas ayuu Samatarna tiriyeey gabay aad u culus oo 'nin dellegan' ay bulshadu u bixisay. Dhaqankiisa xagga guurka markuu daafaco ayuu walaalkiis Cismaan wuxuu ku haaraamayaa inuu yahay nin aan walaalnimadu waxba ugu fadhiyin; nin aan ficilba daarin oo dumarka uu dhaca ku helay intii uu ku garab-geli lahaa ka hiilinaaya, rag kalena wax la doonaaya. Wuxuu xusuustay ficil li'ida ay soomaalidu doofaarka ku sheegto iyo maahmaahdii ay ka tiri, kolkaas



---

ayuu tuducan ■■■ socda gabaygii ku darsaday.

Wuxuu yiri:

1. Daaraan walaalkaa ku taal daqarka guudkiisa
2. Waa loo daboolaa inaad danaqdo waa ceebe
3. Nimankaynu kala duufney baad igu diraysaaye;
4. Haddaad sida Darwiish iyo Amxaar dila ku sheekaysey
5. Duri iguma tarin hooyaday dahashadeediye
6. Doofaarna ficilkaagu waygala dambeeyaaye!

\* \* \*

3. Mar kale isaga oo maahmaahda doofaarka xusuusan ayuu Samatar u gabyey rag uu isku hallaynaayey oo goortii uu hiilkooda ■ baahnaa u soo gurman waayey, dhibaataadii uu qabeyna ku eegtay. Kuwaasna wuxuu ku yiri:

---

1. Nin walaalki deyrshoon rag kale dibed ku sooraynin

2. Oo aan shisheeyaha deyeyn uga darraanaaya

3. Diintiyo shareecaduba waa wada dulleeyeene;

4. Doofaar cadaabkii waxaa loogu dalaq-siiyey

5. Ay ula derseen Reer Fircoon derajo loo waaye

6. Oo loogu daayimay markuu diidey ficilkiye!

\* \* \*

3. Sida Samatar Baxnaan, waxaa jira maansoyahanno kale oo iyaguna dabuubihii ay bandhigayeen marag uga dhigtay maahmaahdii ahayd, 'doofaar ficil la'aan baa loo cadaabaa', dabadeedna tuducyada tixahooda ku googgooyey.

Raggaas waxaa ka mid ah Aadan Yuusuf oo Aadan-carab loo yiqiin, ahaana gabayaa weyn

---

■ dhowaan geeriyooday. Isaga oo iska rogaaya eed ficil la'aan daarran ■ xagga Samatar ka soo gaadhey ayuu tiriyeey gabay uu maahmaahdan u adeegsaday. Waxay ahayd jeer la dhacay rag isaga magan u ahaa baabuur ay labaayeen; markaas oo uu Samatar u soo gabyey, kuna eedeeyey inuu ka baaqsaday halkii ■■ ka filaayey oo raggii aabiga kula tegey uu gaarigii ka soo dhicin waayey.

Dabadeed, Aadan oo qaadan kari la' in lagu maleeyo ficil-darradii uu doofaarba ku naar-mutay ayaa tiriyeey tix jawaab ah oo uu isku daafacaayo. Waxaa meerisyadeeda ka mid ahaa:

1. Isagaan dembaab kale samayn 'digo qod' mooyaane
2. Doofaar hinaasiyo markii ficilba loo diidey
3. Waxa loo diyaarshaa ■ yiri dabaqa naareede!

---

4. Marna anigu roob kuma dardhado doog iyo abaare

5. Cidna maganta kuma duudsiyee waa ka diriraaye.

\* \* \*

4. Gabayaa isna Khaliif Sh. Maxamuud la oran jirey oo bilawga 1900 iyo siddeetannadii geeriyooday ayaa ka mid ahaa hal-abuurrada sida farshaxannimada leh maahmaahdan markhaatiga uga dhigtay. Gabay dheer oo dhalliil iyo guubaababa xanbaarsan ayuu ■ diray niman uu gurmalkooda ka tashanaayey, hase ahaatee ■ soo dhaqaaqi waayey. Markaas buu ficil la'aantooda iyo midda doofaarka lagu sheego inta isku maseeyey wuxuu yiri:

1. Meel daris leh doofaarku waa duul walaalo ahe

---

2. Mid haddii dhurwaa dawdaboo  
docaddocaynaayo

3. Uma daqaqamee kiisa kale waa  
durduriyaaye;

4. Bahalkaas dibnaha buuranoo labada  
daan weyn leh

5. Digiigixad la'aantiinnu waw daaraf  
dhowdahaye!

\*\*\*

5. Maahmaahda doofaarka intaan halkaas ku  
dhaafo aan ku noqdo Ina-Baxnaan; kuna  
raaxaysanno mar walba maansadiisa murtidu  
ku shaqlan tahay. Aan farta ku fiigo sida  
quruxda badan ee tixihiisa qaarkood uu ugu  
adeegsaday laba maahmaahood oo aad ay  
Soomaalidu u taqaan:

I. Midda koowaadi waa tii ahayd: 'bawdyo  
rageed midba maalin qaawan' ■ ah maahmaah

---

ina baraysa inay dunidu meerto tahay oo jabka  
iyo guuladarradu aanay ninna gaar ahaan ugu  
xukunnayn, barwaaqo iyo baraare joogto ahina  
aanay mid kale u qorrayn. Maanta qofka ladani  
berri iskuma hubi karo, haatan kii laallaadana  
ma aha inaynu u malayno sidiisaas inuu ku  
waari doono. Sidaas darteed, waxaa habboon  
inaan marnaba waayaha la isa siin oo kii  
baraare joogaa uu kan tabaalaysan u gurmado,  
dhulkana uu ka qaado.

Murtidaas maahmaahdu xanbaarsan tahay  
isaga oo garawsan ayuu Samatar u gabyey niman  
ay hilbo ahaayeen oo kol isagu tabaalaysnaa iyagu  
barwaaqo ku sugnaa; niman uu hiil iyo hooba uga  
baahnaa; ha yeeshee ■■■ midna ula soo ordin.  
Nabsiga intuu fadhiga ka kiciyey ayuu ugu  
dardaarweriyey halka uu maanta joogo inay  
iyaguna ku dambayn doonaan.

---

Sidoo kale, wuxuu ku ducaystay goor aan fogeyn nimankaas ■ dandarraysani inay u soo baahdaan, iyada oo markaas uu isagu ka soo kabtay dhibta hadda haysata ee ay ku fiirsanayaan. Gabay uu maalintaas tiriyey tuduc ka mid ah oo maahmaahdaas aynu ka aqoonsan karayno ayaa wuxuu ahaa:

1. Bawdada raggaba maalin bay dani bannaysaaye
2. Nin barwaaqo seexdaba wed baan laga bariinayne
3. Idinkoo bukoodiyo anoo baarax nabadeeda
4. Oo aan bogsaday shuushku waa naga baxaayaaye
5. Rabbi waxaan ka beegsanahayaa biligta dayreede!

---

II. Maahmaahda labaadi w■ tii ahayd, 'lafo maroodi iyagaa la isku jebiyaa' oo loola jeedo maalinta la is-hayo, qofba qofkii u dhigmi kara ayaa lagu beegaa. Waxaa kaloo laga yaabaa in loola jeedo: qofba qofkii uu xigo ayaa laga horgeeyaa, si, labadooda maahee, ay inta kale u bedbaaddo.

Gabayadiisa midkood xilligii uu Samatar maahmaahdan u adeegsanaayey waxaa Buuhoodle iyo agagaarkiisa ka aloosnayd colaad maanso ■ la isku ilko-beelay, intooda badan hal-buurradii Reer Ciideedka ahaana ay ka qayb-qaateen. Waxay ahayd horraanta sannadihii lixdannadii qarnigii 20d, labada dhinacna waxaa kala hogaaminaayey Aadan-carab iyo Cumar Cigaal oo midkood walba ay kooxi u sacab-tumaysay.

Samatar oo intii muddo ah aan silsiladdaas wax ku darsan ayaa tiriyey tix uu dhexdhexaad

---

isaga dhigaayo, ha yeeshee ay dhab u muuqatay inuu ugu hiilinaayey Aadan-carab oo ay xigto dhow ahaayeen. Wuxuu Aadan ku tilmaamay libaax ba'an ■ Buuhoodle oo idil looga cararay, isaga Samatar ah mooyee cid u babac-dhigi kartaana aanay jirin!

Maansoyahannadii ay is-hayeen intuu u bajiyo oo weliba biirebbiire ku wada sheego ayuu haddana kula talinayaa aarkaas hamaansaday inay naftooda kala baxsadaan oo, isaga oo qura ayuun baa u bareeri karee, ay labadooda isu daayaan.

Arrintaas gabaygii uu ka tiriyeey tuduc ka mid ah oo maahmaahda *lafo maroodi* uu ku shaqlay ayuu ku yiri:

1. Bawdada maroodiga markay bedowdu dhuuxayso

2. Ma burburiyo nabarkii kalee bidixdu qaaddaaye

- 
3. Biixida tagoogada horaa lagu budeeyaaye
  4. Ogow beloba beladii xigtaa la isku beegaaye!

\* \* \*

6. Sannadkii 1979kii dunida qaybteeda Bariga Dhexe loo yaqaan ayaa waxaa ka dhacday arrin lala yaabay oo, jeer ay caddaatay ■ hor, ■ la rumaystaa ay adkayd. Waxaan u jeedaa 'kacaankii dadweyne' ee ka qarxay dalka Iiraan; Shaahii dhulkaas xukumi jirey kacaankii lagu xididdo-siibay; kacaankii Al-Imaam Khomeyni iyo dadweynihii taageersanaa ay duhur cad maamulkii kula wareegeen, iyaga oo ■ xabbad qura ridin, dhibic dhiig ahna u daadin!

Gabayaaga Reer-Jabbuuti ee la yiraahdo Xaashi Cabdillaahi Orrax ayay dhacdadaasi ka fekersiisay, dabadeedna sababta ay ku

---

suuraggashay inoo macneeyey. Isaga oo markaas ku jirey xabsi dalka Jabbuuti ku yaal oo Muluxle lagu magacaabo ayuu gabayaagu arrintaas maqlay.

Kolkaas buu la ashqaraaray wadaaddo iyo dadweyne aan hub wadani siday shafka ugu dhigeen, ugana saayid-caleeyeen boqorkii boqorrada ee xoogga iyo xirrixtaba sheegan jirey. Wuxuu la amankaagay sida looga adkaaday, shaahii ■ moodaayey, tiisa ka sokow, awoodda Reer Galbeedka inuu ku gaashaaman yahay. Sababta ■ doondoona, wuxuu ka badin waayey inay tahay cadaadiska oo, ugu dambaysta, ummadda lagula kaco geyeysiiya inay baqi weydo oo cabsiduba ay dubaaqeeda ka tiranto!

Waxaa ku soo dhacday maahmaahdii ahayd, 'dheriga maxaa karka ka keenay? Saa la ye

---

kulaylka'. Dabadeed, wax ugu wacnaaba, isaga oo faraxsan ayuu maalintaas waxa uu tiriyeey tix ay maahmaahdaasi ka dhex-muuqato oo, sidaan soo sheegay, layaabka dhacay sababtiisa uu inoogu sheegaayo. Wuxuu yiri:

1. Nin keyfiyo nin kiin<sup>(8)</sup> sheegta oo kaadso laga waayey
2. Iyo koob madow inuu kabbado kibis nin loo diiday
3. Kabooliyo nin kibir saaqay baa loo kifaaxtamiye
4. Karka dheriga la ye waa kulayl waxa ka keenaaye!

....taasina sidaas bay ahayd.

\* \* \*

7. Had iyo jeer waxaa hagaagsan amaba ay ceeb la'aantu ku jirtaa wixii la wada leeyahay

---

8- Kiin: eray afka Ingiriiska ka soo jeeda oo la macne ah 'boqor'.

---

cidda markaas gacanta ku haysaa inay iska ilaalisoo; inaanay xalaalaysan oo si gaar ah ugu tagrifalin. Maxaa yeelay isha ayaa lagu wada hayaa oo kii wax bursada way fududdahay in lagu ogaadaa. Maalintaas ■■■ sannadkaas haddii aan lagu garanna, waxay u badan tahay maalmaha iyo sannadaha xiga in lagu garto; markaas oo dadkii uu waxooda ka sagsaagay ay farqaha iska laallaadiyaan.

Si kasta wax ha ■ daboolee, mardaddabaanka ammaanada loo dhiibtay isdabo-mariyaa ma qarsoomo. Noloshiisa iyo midda qoyskiisa ayaa laga gartaa, dabadeedna fagaare-ceebeed inta la soo joojiyo ayay cid waliba wixii ay ku lahayd ku qaan-nabtaa!

Arrinta sidaas ah waxay Soomaalidu ka leedahay maahmaaho aan yarayn, waxaana ka mid ah midda la yiraahdo, 'macal-cune muuqan doonee'. Maahmaahdaas ayaa 1980kii

---

isla Xaashi Cabdillaahi uu gabay ku darsaday, isaga oo weli xabsiga Muluxle ku sugan. Wuxuu ahaa gabay uu ugu dardaarwerinaayey rag uu u haystey hanti la wada leeyahay inay ka dibbireen. Goor ay noqotoba in lagu ogaan doono isaga oo raggaas ku cabsi-gelinaayey ayuu yiri:

1. Nin ku mamay mud<sup>(9)</sup> iyo mayraq-geel<sup>(10)</sup>  
sararo moofaysan
2. Milliqsade          ninkii          maalannaas  
malafsadee ruugey
3. Macal-cune inuu muuqan sow lagama  
maahmaahin!

\* \* \*

---

9- Mud: hilibka xoolaha cad ka mid ah oo shafka iyo candhada u dhexeeya. Wuxuu isugu jiraa tahar, baruur iyo jiir.

10- Mayraq-geel: saddexda feerood oo sararta geela u hooseeya iyo hilibkooda.

---

8. Daafaha dunida ummadaha ku dhaqan oo idil libaaxu waxa uu yahay 'astan geesinnimo.' Boqorka kaynta ayaa lagu magacaabaa, maansada iyo maahmaahda Soomaalidana aad buu ugu jiraa. Geesinnimada ka sokow, waxa ay reer-miyigu u aqoonsan yihiin inuu leeyahay wax-garasho xoogaa ah oo uu dugaagga iyo duurjoogta kaleba dheer yahay.

Ka hor intii ■■■ la reer-magaaloobin ■■ si dhab ah ay nolosha Soomaalidu xoolaha ugu xirnayd ayay kolkol waxay reer-miyigu la kulmi jireen libaax dool ah ■■ laga soo xeraysan waayo, dad iyo duunyona huf ka dhiga. Maalin ama laba kolkuu maqnaado ayuu soo noqdaa oo wixii uu arkoba warjeefaa. Kolkaas baa mararka qaarkood waxaa is-urursan jirtey koox dhalinyaro ah oo inta raad-qaadda duljoogsan jirtey neef uu xalay dishey hilbihii uga haray

---

isaga ■■ barkan. Fallaaro maliidaysan ha siteen ama rasaasi shakadaha ha uga buuxdee, inta aanu raqda ka dul-kicin ayaa wixii la haysto lagu asiibaa. Isna markaas ayuu boodaa ■■ dirir u qaanshaystaa. Waxay, haddaba, Soomaalidu qabtaa, dhaawaca kolkaas gaarey haddii aanu halis ahayn inuu si ulakac ah u abbaaro nabarka ku yaal ninkii iska labaa; kaas oo, waa yaabe, ragga ku soo duuley uu ka dhex-garan karo. Isagaas ayuu jeenyaha dhexdooda soo gashadaa oo inta micliyaha geliyo isku axmaa!

Arrintaas iyada ah waxay Soomaalidu ka leedahay maahmaahda ah, 'libaax nin ganay iyo nin galladayba og' oo uu ku maahmahi karo meelo kala duwan qof ay waxyeello ka soo gaadhey, ha yeeshee si gaar ah maanka ugu haya waxyeellayntiisa ciddii ugu darrayd amaba ■■ irdo-bixisay.



---

Haddaba, 1900 iyo dhawr-iyolabaatankii ayaa waxaa gabay tiriyey nin Reer Xarardheere<sup>11</sup> ahaa oo **in** oran jirey Faarax Cismaan Kawto; kaas oo dhinacyo dhawr ah ka tirsanaayey gaboodfal badan iyo gulufyo isdabajoog ah oo **uu** loogu turin. Gabaygii uu maalintaas tiriyey oo *madax-dhul-ka-ceshad* iyo gooddiba isugu jirey intii **uu** ka faro-xalan ayay la noqotay inuu carrabka ku dhufsto, tabaalaha loo geystey looma wada sinnayne, nimankii ugu darraa amaba halakayntiisa ugu hormaray. Aar dhaawacan inuu yahay ayuu isu arkay, kolkaas buu inta maahmaahdaas xusuustay u adeegsaday tuducyadii gooddiga ahaa ee gabaygiisa. Wuxuu yiri:

---

<sup>11</sup> Xarardheere: magaalo ku taal gobolka Mudug oo abuurantay xilligii ay talinaysey Saddanadii Reer Keenadiid ee xarunteedu ay Hobyo ahayd.

- 
1. Libaaxuba nin ganay **uu** yaqaan guutaduu timide
  2. Gibilkiisa nabarkii ku dhaca geyrti loo dhimaye
  3. Hadduu soo gadaal-kaco asuu nolol cid gaarsiiyo
  4. Gashigiisa wiilkii qabuu foodda geliyaaye!

\* \* \*

9. Soomaalida reer-miyiga ahi waxay kaloo qabtaa libaaxu inuu laba jaad yahay: jaad aamusan oo jaanqaadka mooyee **uu** wax sharqan ah lahayn. Sida loo joogo ayaa lagu war-helaa isaga oo xoolihii ku dhex-jira, mar horena **uu** qaar calooshiiba ka soo ridey oo uusku meel walba daadsan yahay. Jaadka kale waa midka hinraagga badan ee kolkuu inta gaajoodo wacdaraha maaggan yahay **uu** afka isku darin.

---

Labadaas jaad ee uu libaaxu kala yahay ayay Soomaalida xoolaleyda ahi kala door-biddaa. Kolley haddii aan la hurayn waxay 'roonaan' ku sheegaan midka soo hinraaga oo inta la maqlo laga tabaabushaysto, oodda laga dheeraysto, dab laga shito oo si walba loogu toog-hayn karo. Waxay dhab u neceb yihiin cabaadka xoolaha uu keliya midka lagu dareemo, wixii uu dili lahaana markuu dilo oo qurana la ogaado. Arrintanna Soomaalidu way ka maahmaahday oo waxay tiraahdaa, 'libaaxa aamusan iyo midka dhawaaqa midka amusaa daran' oo loola jeedo cadawga laga digniin-helo ama ay colaaddiisu caddahay inuu ka roon yahay midka qaylo la'aanta kugu soo gala ee, adiga oo aan iska jirin, dhan walba kaa wareema.

Macnahaas maahmaahdu xanbaarsan tahay ayaa waxaa jeclaystay, dabadeedna gabay ku

---

darsaday maansoyahanka caanka ah ■ la yiraahdo Cabdullaahi Macallin Axmed oo 'Dhoodaan' ay Soomaalidu ku garan og tahay.

Ujeeddadiisu waxay ahayd dad uu markaas hogo-tusaalaynaayey inuu u kala dooro laba qaran oo ay ku dhex-jireen, isaga aragtidiisa, midka u roon ee inay dhinaca saaraani ay u eg tahay. Maahmaahdaas labada libaax isaga oo dooddiisa iyo taladiisa markhaati uga dhiganaaya ayuu yiri:

1. Haddaan reerka deyrku u adkayn dagagar mooyaane
2. Libaaxii dinnaahshee ciyaa waaba kuu digaye
3. Markaasaad duddada oodataa nn dab shidataaye;
4. Marse hadduu duleed kaaga yimid diilalyona hayso

---

5. Isagoo dibnaha kaa xidhoon maalka didinaynin

6. Hurdo-dakharta leylkiya iyo duhurka mooyaane

7. Intaad dibedda joogtaba hadduu soo daf odhan waayo

8. Oo duunyadii eber ka dhigo ■■■■ dad kaa laayo

9. Labada aarka dalandoolayee ■■■■■■ darane<sup>(12)</sup>!

\* \* \*

10. Ragga sheegta falaadka libaaxa iyo dhaqankiisa inay ■■■■ badan ka og yihiini waxay ku sheekeeyaan ■■■■■■ badan inuu bahalkaasi

---

12- Dadka uu gabaygan kula hadlayaa waa kuwa Soomaali-galbeed. Libaaxa aamusan wuxuu ula jeedaa dawladda Soomaaliya, midka hinraaggiisa la maqlona Itoobiya oo ay isaga la tahay inay dadweynaha gobolkaas u roon tahay.

---

maagga dadka u dul-qaato. Waxay sheegaan kolkol halka uu joogo inta lagu soo doonto oo weliba la tuurtuuro inuu haddana goobtaba isaga dhaqaaqo, isaga oo aan umlin, wixii lagu falayna ■■■■ ka xafiif-qaadan.

Hase ahaatee, haddii aan intaas looga harine, la sii dabo-galo sidii lagama fisho, waana la eedaa. Sidaas daraaddeed, Soomaalidu waxay ku maahmaahdaa, 'libaax laba geed lagama wada kiciyo' oo ah murti ina baraysa inaan la isku hallayn karin dulqaadka hore ■■■ qofka awoodda badan lihi uu muujiyo markii lagu gardarroodo ama wax aan qaban lagula kaco.

Samatar Baxnaan oo rag uu dhawr jeer gardarradooda ugu dul-qaatay u gooddiyaaya, libaax maaggiisa lagu rakaatayna iska dhigaaya ayaa gabay uu tiriyey wuxuu ku daray:

---

1. Dirrimihiyo kaymaha haddii dacaddi loo dhaafsho

2. Dugsiguu gelaayiyo haddii duurka laga saaro

3. Dib buu shicibka ugu soo noqdaa aarka daallanuye!

\* \* \*

11. Libaaxa ■■■ ka gudubno, soona qaadanno maahmaahda Soomaaliyeed ee ah, 'gacmo wadajir bay wax ku gooyaan.' Waa maahmaah dhiirri-gelinaysa midnimada iyo in koox ahaan wax loo qabsado intii keli-keli iyo nintooxsi wax lagu qabsan lahaa.

Waxaa isna maahmaahdaas adeegsaday oo si aad u qurux badan uga soo saaray murti ay Soomaalidu badiba taqaan gabayaagii Reer Burco ee la oran jirey Cab dillaahi Muuse<sup>(13)</sup>.

---

13- Cabdillaahi Muuse oo geeriyooday bartamaha 1900 iyo toddobaatannadii qarnigii 20d waxa uu ahaa afadii u dhaxdey gabayaagii uu tiriyey tixdii cayda ahayd ee ka bilaaban jirey:

*"Naug yahay dannood baa ■ weyn harada Doolloode!"*

---

Isaga oo malaha rag ■ dhalay amaba ay xigto ahaayeen waaninaaya ayuu Cabdillaahi tiriyey gabay uu ujeeddadiisa maahmaahdan tiir-dhexaad uga dhigay.

Markiisii hore inuu le'ekaaba, waxay Soomaalidu ka qabsatay saddexdaan meeris ee caanka noqday. Waxay ahaayeen:

1. Is-taageerid bay laba gacmood tamar ku yeeshaane

2. Tiska<sup>(14)</sup> waxa laga qaadaa markay tiirisaa bidixe

3. Hadday midigtu keli taagan tahay tahar ■■ goyseene!

\* \* \*

12. Maansoyahannadii hore ee magaca weyn lahaa, maahmaahda Soomaalidana u markhaati doontay waxaa ka mid ah gabayaagii Reer Hargeysa ee la oran jirey Faarax Nuur.

---

14- Tis: ood la gooyey oo is-haysata; jebis.

---

Muddo dheer ayay Faarax isu gabyaayeen maansoyahankii isna caanka ahaa ee magaciisu ahaa Qawdhan Ducaale Suldaan. Waxay ahaayeen laba nin oo isku beegmi karey, geeridoodii ka dibna inooga tegey 'silsilad maanso' oo hodontooyada suugaanta Soomaalida wax badan ku soo kordhiyey.

Maalintii dambe ayaa waxaa Faarax Nuur loo keenay gabay loo soo tiriyeey, hase ahaatee aan xagga Qawdhan uga imaan. Wuxuu ahaa gabay ka yimid inan dhalinyaro ah<sup>(15)</sup> oo ay Qawdhan isxigeen, ayna muuqato inuu labada gabayaa u kala hiilinaayey.

Faarax Nuur waxaa, malaha, ka degi weydey inankan yari sida uu ugu soo dhiirraday oo weliba tix ay afxumadu muush ka tahay uu ugu soo mariyey. Kolkaas buu isweyddiiyey: bal

---

15- Waxaa la oran jirey Ina-Warfaa Suldaan.

---

haddaan ka weynahay, bal haddaan ka gabaysanahay oo geyiga oo idil magacayga lagaga haasaawo, bal haddaan ahay af-ku-leeble daymadiisu aanay dhulka dhicin, bal intaasba inaan ahay haddii muran ka taagneyn, waa axdare, sidee inankan yari ii soo salooshay, ma mid ay xigaaladiisu nacday baa!?

Wuxuu xusuustay maahmaahdii ahayd, 'gal dad-liqa ula baa lagu dayaa' oo loola jeedo ballida iyo harooyinka ay biyuhu ceegaagaan la iskama galee, horta waa la iska hubiyaa. Si aan loogu hafan, moolkooda ayaa la sugtaa, ul dheerna waa la isaga hilaadiyaa. Faarax waxa ■ isu arkaa inuu yahay gal dad-liq ah oo inankii u soo gabyey, ogaal la'aan, uu ugu soo dhex-dhacay!

Gabay jawaab ah oo uu tiriyeey ayuu ku bilaabay murtida shishe ee ay maahmaahdu ina

---

barayso, ahna inta aan halista madax-madax la isugu tuurin in la dhudhumiyaa inay wanaagsan tahay. Wuxuu yiri:

1. Gal dad-liqa ul baa lagu dayaa laga dambeeyaaye
2. Weligiinba ceel dawlis laad dalaq tidhaahdaane
3. Dirkaa kula dhashiyo aabbahaa kuguma daayeene
4. Malaa miduu Warfaa<sup>(16)</sup> dayriyoo daahan baad tahaye!
5. Aarkii Daboolaan<sup>(17)</sup> ahoon dibedda joogeyne
6. Duddada geela wiilkaan sidii dawri kala boodi

---

16- Warfaa: inankii Faarax u soo gabyey aabbihiis.

17- Daboole: magac ay Soomaalidu u isticmaayeen libaax laga soo xeraysan waayey oo waqtiyadaas koofurta Hargeysa joogi jirey.

---

7. Ama doon yaxaas uga dhacaa waa dad aakhiro e!

Sida muuqata, meerisyada saddexda ah ■ dambe waa kuhaan uu maansoyahanku ku halgaadey inankii ku soo dhiirraday. Gabayaagii la oran jirey Cabdi Iidaan Faarax siduu ku warramay, kuhaankii Faarax dhulka ■■ dhicin, wiilkiina lama uu seegine, wuu la helay!

Waxaa la yiri: goor ay fiid tahay oo markaas geelashii la soo xeraystay ayaa libaax aan cid kale wax yeelini yarkii dusha kag13a dhacay oo geeljirihii kale kala dhex-baxay.

Dabadeed, dadkii dhacdadaas goobjoogga ■ ahaa in door ah oo ka mid ah ayaa waxay rumaysnayd bahalka inanka la tegey inuu ahaa Faarax Nuur qudhiisa oo libaax isaga soo dhigay; taasoo muujinaysa af-ku-leebnimada iyo

---

awoodaha dahsoon ee ay bulshada Soomaalidu gabayaaga u oggoshahay amaba u qirsan tahay.

\* \* \*

13. Sidaynu og nahay, hiddaha Soomaalidu wuxuu muddo qarniyo ah ku salaysnaa, welina ka dab-qaataa miyiga iyo hab-nololeedka xoolo-raacatannimo ee lagaga dhaqmo. Habkaas oo ah mid dhib iyo canaab badan waxa uu lagama-maarmaan ka dhigayaa xubnaha qoyska oo idili inay ciidamiyaan.

Waayeelka iyo dhalinyarada ka sokow, carruurtana waa la adeejiyaa. Wiil ama gabar, kuu doono ha ahaadee, canuggu markuu afar-jirsadoba waa lagu tashadaa. Waxaraha ayaa la raaciyaa oo lagu halleeyaa. Waa lagula xisaabtamaa oo hadduu ka seexdo ama si kale ■ dayaco waa lagu canaantaa, kolkolka qaarkoodna waa lagu dilaa.

---

Maqal-raacista mooyaane, hooyada Soomaaliyeed ■ reer-miyiga ahi si gaar ah ayay dhallaankeeda u adeegsataa. Hawsha hoose ee reerka inta ay kala agaasimayso ayay ciidansataa. Iyada oo xerada ku jirta ama ardaaga fadhida ayay gudaha aqalka wax uga baahataa, kolkaas bay, ■■ kacdee, gabannada midkood ■ yeerataa oo 'hebelow sheygaas ii keen' ku tiraahdaa, isna, waa hadduu dhego-fudud yahaye, haddiiba waa ula soo ordaa.

Ha yeeshee, carruurta qudheedu isku mid ma aha. Laba walaalo ah ayaa mid baarri yahay oo waalidka ■■ innaba hadal ku soo celin, midna uu dhego-adag yahay oo, sida la yiraahdo, dabkaas igu soo dheji' aan lagu karin! Haba dhego-adkaadee, kaas qudhiisa haddana waa la adeegsadaa, gaar ahaan kolka ay carruurta kale maqan tahay oo isaga qurihi ■■ meesha joogo.

---

Iyada oo aan rajo badan ka qabin ay u dirsanayso inuu yeeli doono ayay hooyadiis ugu yeedhaa magaciisa iyo mid kaloo kool ah oo ay ku sasabanayso. Waxa ay rabto inay u dirsato markay u sheegto ayuu, waa siday filaysaye, isa soo taagaa oo inta gunuunuco foolkeedaba ka dhaqaaqaa! Iyana ma habaartee way la yaabtaa uun, qudheeduna way isla yaabtaa. Waxayse isu garawdaa marka ay xusuusato maahmaahdii ahayd, 'madax muuqda iyo mindi saawir ah midna lagama samro' oo aan filayo inay tahay maahmaahaha qaarkooda ay xaawaleydu soo kordhisay. Waa maahmaah lagu xusuusto had iyo jeer qof indhahaaga hortooda ka muuqda oo in badan intaad mudatay aad ku hungowdey, hase ahaatee, mar walba intaad is-illowdo aad u hanqal-taagto inuu kuu dan-qumiyo.

---

Si kastaba ha ahaatee, maahmaahdaasi waxay si wanaagsan ugu shaqlan tahay saar uu tiriyeey hal-abuurkii la oran jirey Carays Ciise Kaarshe. Inta aan soo gaarin baa loola dan leeyahaye, wuxuu, Allaha u naxariistee ahaa, hal-abuurkii saarka dhulka ka soo qaaday ee milgada u yeelay. Wuxuu ahaa ninkii meekhaanka gabayga soo gaarsiiyey iyada oo isaga ka hor, xilliyada aaranka ah, ay dhallinyaradu xodxodo iyo caytan oo qura u adeegsan jirtey.

Saar ku magacaaban 'Waa murugee og tihiin?' ayuu lixdannadii qarnigii 20d Soomaalida dhab ugu waaniyey. Wuxuu ku waaniyey midnimadeeda, qabyaaladdana wuu ka waaniyey. Wuxuu ku guubaabiyey inay cadawgeeda gaashaan ka yeelato, wuxuuna farta ugu fiiqay inay ku dhaqaaqdo si walba oo ay asaaggeed ula soo sinmi karayso.



---

Hase ahaatee, meel dhexe kolkuu marayo ayuu iscululubtey. Waxay la noqotay murtidiisu inay dhego awdan ku dhacayso. Waxa uu isweyddiiyey: “Waanadiisii horeba haddii ay wax ku qaadan waayeen, ma tan bay wax ku qaadanayaan, ■■■ maan isaga aamuso?!” Markaas buu xusuustay maahmaahdii ka bilaaban jirtey, ‘madax muuqda....’, dabadeedna ■■■■ yiri:

1. Soomaali aan maan lahayn
2. Intaas maandhooyow iyo
3. Miliix baan ula hadlaa
4. Illaa madax muuqda iyo
5. Mindida tii saawirihi
6. Waqaa kama maarantide
7. Maruun baa loo mohdaa?!

\* \* \*

14. Ragga gabya ■■■ markii ay ■■■ tirinayaan adeegsiga maahmaahda ku falan ■■■■ ■■■ mid ah Cabdullaahi-dhoodaan gabayaaga lagu magacaabo.

---

Malahayga, ■■■ dhif gabay uu leeyahay ■■■ ■■■■ maahmaahdu ku googgo’nayn; taasoo aad mooddo marar badan inay ka tahay *dhoollo-tusad* uu ku ban-dhigaayo aqoonta dheer ee uu dhaqanka dadkiisa u leeyahay, gaar ahaan dhaqanka reer-miyiga iyo murtidooda darfaha ballaaran.

Dhawr tusaale ■■■ gabayadiisa faraha badan ■■■■ ka soo xulay aan u horraysiiyo maahmaahdii ahayd, ‘cadawgaa dhuux sagaaraa loogu soo dhaashadaa’. Waa murti inagu waaninaysa darxumada markaas ina haysa inaan qarsanno oo ■■■■ cadawgeennu foolkeenna ka daalacan. Si aanu inoogu wiirsan, waa inuusan jileec inaga garan oo markii uu inaga hor-yimaado ■■■■ u muujinno dhereg iyo ladnaan ■■■■ jirin!

Haddaba, gabay ‘Dhugad’ ■■■ yiraahdo oo 1900 iyo lixdannadii ■■■ Soomaalida ku guubaabinaayey ayuu Dhoodaan maahmaahdan ku soo qaatay, isaga oo weliba ujeeddadeeda shishena inoo sii kala dhig-dhigaaya. Wuxuu yiri:

1. Raggiise aabbeyaasheen dhalaa dhaafay hadal weyne
2. Maahmaahyaday noo dhigeen midaan ka soo dheegay
3. Intaad sacabbadow dhigan lahayd cadow ku dhuudaaya
4. Si aad dhoomo inaad buuxsatood dheregtey kuu moodo
5. Dhafoor xun iyo cadwgaagu yuu dhuubni kaa garane
6. Waxaaba loogu soo dhaashadaa dhuux sagaaro ahe!
7. Markaad hadalku geestuu u dhici sii dhadhamisaanna
8. Dhudhunkeeda taa lama lahayn dheef ka raadsada e
9. Macnuhu waa dhiggaa lama baryee ceeb ka dhawrsada e!

\* \* \*

15. Isla xilliyadaas ayuu Dhoodaan tiriyeey gabay isagana uu Soomaalida ku waaninaayey. Tixdaas ayuu waxa uu inoogu muujinayaa sida farshaxannimada miiran ah ee uu maahmaahda maanso ugu rogi karo; iyada oo inay dhib ku tahay aan innaba laga dareemayn. Wuxuu soo qaatay afarta maahmaahood ee kala ah:

1. Dhagax taabasho iyo tuujini waa isaga too;
2. Hal nin la toosani nin la tuur leh;
3. Waano abuur baa ka horreysey, iyo
4. Saddex baa rag ugu liita: ma-tabcade, ma-toshe iyo ma-tashiishe.

...dabadeedna inta isxijiyey ayuu ku soo koobay toddoba meeris oo qayb ka ah gabaygiisii uu 'tusaale' ■ bixiyey. Wuxuu yiri:

1. Dhagax taabashiyo tuujin iyo inaad tantoobayso
2. Saddexdaa midkaad ula tagtaa waa isugu taage

---

3. Nin wixii la toosani mid buu tuur la leeyahaye

4. Waanada abuurkaa tirtira oo ka tabar roone;

5. Qofkaan tirinse maalkiisu waa inuu tasooabaaye

6. Maradiisa kaan tolan dhaqsay uga tifmaysaaye

7. Ka tashiilan waayana ma dhalan suu u taajiro e!

\* \* \*

16. Waxay kaloo Soomaalidu tiraahdaa, 'hasha labada geel jecel dhexdoodaa bahal ku cunaa'. Waxaa loogu maahmaahaa, keli ama koox, kolba ciddii aan go'aan adag lahayne, laba dhinac oo xinifi dhex-taal waaba dhinac iska raaca, kuna raas noqota. Cidda sidaas ■ dhaqanta ayay maahmaahdu u dardaarwerinaysaa, waxayna Dhoodaan ku soo dhacday mar uu u dan lahaa

---

niman ■■ barbarrayn ku arkay, malahayga uu jiirkuna ■ danqanaayey. Kolkaas buu ku yiri:

1. Sarsarkiyo hashii labada geel soof ku wada raacday

2. Ee bahalku seeraha ku diley kama sokaysaane!

\* \* \*

17. Sidoo kale, waxaa iyaduna jirta maahmaah saddexley ah oo la yiraahdo, 'saddex Eebbe waa karaa, mase yeelo: 'Allow dhisan maayee dhal i sii', 'Allow xoogsan maayee xoolo I sii' iyo 'Allow camal-falan maayee ha i cadaabin'

Isla gabaygaas siinka ah ayuu Dhoodaan maahmaahdaasna ku xusay, isaga oo nimankii uu canaananaayey markaas quus ka jooga. Waxaa u muuqatay inay ka soo reeyaani riyo uun inay tahay, ayna u eg tahay saddexda arrimood ee ■■ Eebbe kari karo, hase ahaatee aanu yeelin, sidaas darteedna ■■ marnaba dhicin.

---

## Markaasna wuxuu yiri:

1. Saddexdii ■ yiri Eebahay suuraggelin maayo
2. Sancadiinna saawayn kartaa laga saliilyoone!

\* \* \*

18. Cilmiga barbaarinta, in kastoo aanay magacaas u aqoon, haddana Soomaalidii hore wax weyn baa uga bilawnaa. In badan oo ku saabsan hababka korinta dhallaanka iyo kobcinta garaadkooda ayaa laga helayaa suugaanta qaybaheeda kala duwan iyo weliba sheekooyinka hiddaha ee da'iba da'da ka dambaysa ay dhaxalsiin jirtey.

Taana waxaa tusaale wacan u noqon karta maahmaahda ah, 'awrba awrka ka horreeya saanqaadkiisa ayuu leeyahay' oo macnaheeda muuqdaa uu yahay: haddii laba awr ama ka badan la isku xiriiriyo inuu mid waliba yeelanaayo midka ka horreeya saanqaadkiisa; hadduu dheereeyo iyo hadduu gaabiyoba.

---

Dulucda shishe ee maahmaahduse waxay ina baraysaa cashar barbaarinta ku lug leh oo ah had iyo jeer inay ■ badan tahay kolba curadka qoyska u soo hor-mara in wiilasha kale ee ka yaryari ay ku daydaan, waaga dambena ay ku dabeecad noqdaan.

Badanaa waalidka ayay maahmaahdaasi ku soo dhacdaa mar walba oo ay arkaan qaar carruurtooda yaryar ka mid ah oo tabta kuwa ka waaweyn u dhaqmaya.

Cabdullaahi-dhoodaan oo maahmaahdaas gabayadiisa midkood u soo daliishadayna wuxuu yiri:

1. Mergi-balaqa awrkee hoggaan lagu makaabbeeyey
2. Ka xidhiidhka laysugu maraye dabo-mushaaxaaya
3. Tallaabadiyo miidaanka socod ways matalayaane!

\* \* \*

---

19. Dhoodaan intaan halkaas ku dhaafo aan u weecdo rag kale oo iyaguna gabayadooda markii ay ku doodayeen maahmaahda ciirsaday, daliil la cuskan karna ka dhigtay. Bal aan eegno maahmaahdii ahayd, 'khayr wax kaama dhibee shar u toog-hay' oo ah tu' wax inooga iftiiminaysa bulshadii hore ee Soomaalidu dhiilladii joogtada ahayd ee ay ku noolayd.

Waa maahmaah sawir cad inaga siinaysa dhaqan-colaadeedkii si walba bulshadaas ugu dhex-fiday iyo falsafaddii ka abuurantay ama laga dhaxlay. Waa falsafadda inagu guubaabinaysa kala-shakiga iyo qof waliba inuu col kuu yahay ilaa uu caddeeyo inuusan kuu ahayn! Sida ay maahmaahdu ina farayso, ruux waliba waa inuu waran-la-yuur yuurur ahaadaa, waa inuu rikaab-ku-joog ku waabberiistaa, waa in warmaha iyo gaashaankuba ay gacmihiisa ku

---

negaadaan, mar walbana waa inuu ka digtoon yahay cadow uusan ogeyn bal horta inuu jiro iyo in kale, goor uu soo aaddan yahay iyo afarta jaho tan uu ka imaan doono!

Maahmaahdan, 'khayr wax kaama dhibee shar u toog-hay' ayaa toddobaatannadii qarnigii hore waxaa gabayadiisa midkood ku soo daray gabayaaga lagu magacaabo Axmed Maxamad Shirwac oo 'Dhuuracaso' lagu naanayso. Waxay ku jirtey gabay ■■■■■ u badan oo uu ula jeedey nin markaas madax ahaa, isagana ay xigaalo ahaayeen; kaas oo, siduu gabayaagu rumaysnaa, aad uga demmanaa halis ku soo fool lahayd iyo shirqoollo badan ■■■ cadowyadiisu ay u maleegayeen.

Tuduca ay maahmaahdaasu ka muuqato ayuu gabayaagu ku yiri:

---

1. Ruuxii wanaag kuu taraa samo la taartaaye

2. Kuma-taakuleeyaha ku neceb looma xiro taabe

3. Nimaan kuu tureyn weligi waa la iska tiirshaaye

4. Khayr wax lama tagee wax la yiri belo u toog-dhawre

5. Tub lagaaga soo digey ku joog talo miyaad mooddey?!

\* \* \*

20. Ari iyo ishkinba, xoolaha reer-miyiga Soomaalidu uu dhaqdo iyo siday u kala jecel yihiin markaynu u fiirsanno waxaan ogaanaynaa dheddigoodka iyo laboodka inay dheddigoodka jecel yihiin. Waxay jecel yihiin hashu inay nirig dhasho intii ay qurbac dhali

---

lahayd, sacu inuu weyl dhalo intii uu dibi dhali lahaa, ri'du inay waxar dhasho intii ay orgi dhali lahayd, laxduna ay nayl dhasho intii ay wan dhali lahayd.

Sababta in la gartaana ■■■ cusla oo waxay daarran tahay tirada guud ee xoolaha qoysku leeyahay iyo caanaha ay ka maalaan oo kordha mar walba oo dheddigga xeryaha ugu jiraana uu kordho. Ganacsiga xoolo-dhoofinta intii aanay Soomaalidu baran, waa ■■■ muddo ■■■ sidaas uga sii badnayne, awrta, dibida, wananka iyo orgida wax weyn laguma fali jirin, in badan oo ka mid ahina reeraha leh intay ku dhex-gabowdo ayay, waa dambe, dar Alle isaga baqtiyi jirtey! Waa run oo way qalan jireen, wayna raran jireen, hase ahaatee tirada joogta ayaa goor walba waxay ka badnayd tirada uu qoysku u baahan yahay.

---

Sidaas daraaddeed, xilliyada abaaraha iyo biyo-waaga waxay reer-miyigu dhab ugu mintidaan xoolaha kuwooda dheddigga ah bedbaadintooda. Hasha, saca, ri'da iyo laxda ayay, biyo iyo baadba, u buriyaan. Maalinta ceel, iyaga ayay hor-mariyaan, jeer ay wabxaanna laboodku darka ma soo galo. Weylaha iyo ariga doonka ah wixii uu jiilaalku jilciyo, aroor dheer uma kaxeeyaan. Sida dadka ayaa haamo loogu soo dhaamiyaa, halka la deggan yahay ayaana biyaha loogu keenaa oo lagu waraabiya.

Xilligaas oo kale dan kama ay yeeshaan dibida iyo orgidu inay oon u go'aan, haddii sabeenaha iyo ceesaamuhu ay u soo doogaan oo xilli roobaad ay naftu ku sinto.

Arrintaas ku saabsan reer-miyiga Soomaalidu siday xoolahooda u kala jecel yihiin waxaa inoo sii iftiimin karaysa maahmaahdii ahayd, 'dibiga

---

Doollood dhegihiisu wax san bay maqlaan, indhihiisuse ■■■ arkaan.' Oo, tolow, maxaa loola jeedaa?

Wax la yiri, 'maalinta ay kalkan tahay oo berri oo kale la shubi doono habeenka ka horreeya, lo'du waa isku wada mid oo dheddigood iyo labood looma kala sooco. Wayeelka iyo dhalinyaraduba waxay ku hawshoon yihiin aroorinteeda iyo uruurinta agabkii lagu shubi lahaa; dar, wadaan iyo dawlis intaba. Rag iyo haweenba, 'lo'da berri goor hore ha la arooriyo' ayaa la isku guubaabiya, taasoo ah oraah uu dibigu jecel yahay, habeenkaasna dhegihiisa ku soo noqnoqota. Kolkaas buu, illeen lo'da wuu ku jiraaye, isna farxaa, waaga berigiisana sugi waayaa.

Ha yeeshee, barqadii kolka ceelka la tago ayuu candhuuf dib u liqaa. Lo'da 'darka la gal' markuu maago ayuu wax kale la kulmaa. Kaalinka iyo agihiisaba looma oggolaado,

haddii uu ku soo dhowaadana, sida dugaaggii, baa looga yureeyaa. Kolba sac baa biyaha loogu yeeryeeraa, isagna waa laga celiyaa. Bur weyn bay kurayadu ku hor-joogaan, markuu soo qamaamona geeska ayay baduugaha kaga dhigaan. Isaga oo weli la gees-garaacayo ayaa wixii dheddig ah la rakaadaa oo qabaal loo buuxiyey kolba lagu soo duwaa.

Goor uu oon la golongolay, biyihii ceelkana aan wadaan qurihi ku harin ayaa usha laga daayaa. Dabadeedna, isaga iyo dacda ayaa loo kala tagaa. Weli isaga oo harraaddan ama qarraac ah ayuu lo'dii uu la soo arooray iska dabo-galaa oo la fulaa!

Kolka, wixii uu xalay oo dhan maqlaayey iyo maanta wixii uu arkay sow kaaf iyo kal-dheeri ma aha?!

Maahmaahdaas 'dibiga Doollood', waxaa 1974kii gabay dheer oo uu tiriyey ku darsaday gabayaaga caanka ah ee la yiraahdo

Cabdulqaadir Xirsi Siyaad oo "Yamyam" lagu naanayso. Gabaygaas uu 'Weriye' ku magacaaban iyo weliba laba kale oo ay isku mar soo baxeeni waxay xanbaarsanaayeen dhalliil xoog leh iyo uu jeedinaayey xukuumaddii Kacaanka ee xilligaas Soomaaliya ka talin jirtey<sup>(18)</sup>.

Tuduc gabaygaas ka mid ahaa ayuu gabayaagu, isaga oo magaca bulsho-weynta ku hadlaya, wuxuu kaga cawday ballan-qaadyadii faraha iyo quruxda badnaa ee madaxdu ay ummadda dhegaha ugu shubi jirtey, hase ahaatee ay waxa yari ka hirgeli jireen. 'Dibigii Doollood' oo 'dibigii Wardheer' isaga oo dadweynaha ku simaya ayuu Yamyam yiri:

18- Inta la xusuusan yahay, Yamyam wuxuu ahaa gabayaagii ugu horreeyey ee si bareer ah u weeraray xukuumaddii ciidammada ka dhisnayd ee madaxweyne Maxamad Siyaad Barre uu hogaaminaayey intii u dhexaysey 1969kii ilaa 1991kii. Gabaygaas iyo laba kale oo 'Run dhegeyso' iyo 'Qaran' la kala oran jirey ayuu ku dhalliilay waxqabadkii Kacaanka.



---

1. Dibigii Wardheer wuu maqlaa weli  
wanaaggiye

2. Waxyeellada darkana wuu arkaa tan  
iyo waaqiise

3. Weylaha lo'dii ■■■ dihnnoo waa  
'Allow maqane'

4. Waxaruhu mareegtii qabkay kula  
dhex-waasheene

5. Faras wagaradkiisii go'aan weli ku  
joognaaye

6. Gogoshii wiriiriga badnayd ■■■ ku  
hurudnaaye!

\* \* \*

21. Indheergaradka waayaha nolosha u  
dhuun-daloola mooyee, dabbaalka maalintaas  
ladani wuxuu moodaa nin kaleba inuu la mid  
yahay. Markuu dhergoba, wuxuu u maleeyaa  
dad oo idil inay calooshu u wada buuxdo.

---

Kulaylka milicda iyo dhaxanta dayro-  
dhaafyada gabbaad uu ka galo kolkuu isku  
hubsado ayay la noqotaa cid dibed ku hoyataayi  
inaanay ifkaba saarrayn! Waxaa ka dhaadhici  
weyda, isba waa kan faraxsane, dadka qaarkiis  
waxa ay la il-go'an yihiin ee ay ■  
murugoonayaan! Ninka uu garaadkiisu caynkaas  
yahay waxa uu Soomaalida xusuusiyaa sheeko  
waa hore baxday oo lagala haray murti, isaga oo  
kale, loogu maahmaaho.

Waxay ku sheekeeyeen: xilli abaar gaag-ma-  
reebto ahi ayaa geyiga wada saabatay ayaa hogol  
aad u biyeysani waxay si wacan ugu dul-hoortay  
jees keligiis meel degganaa iyo, galab-gaabkii,  
ruumanka ay xooluhu ugu mayracdaan. Waxay  
ahayd daruur aan meel kale ku di'in, markii ay  
biyo-dhigtayna aan soo noqon. Hase ahaatee,  
jeeskaasi isagu wuu ka naallooday ■ xoolihii

baa si ■■■■ ugu waraabay, meel walbana xareed bay ka buuxsadeen.

Dabadeed, kolkuu waagii beryey ayaa waxaa dadkii u ■■■ hor toostay duqdii reerka ■ weyneyd. Waxay indhaha ku dhufatay dhawr jidhaamood ■■ ay biyuhu ceegaagaan. Kolkaas bay inta rayrrayn la kala badatay, iyadoon is-ogeyn, waxaa Rabbi ka keenay, 'meel waliba daad wararac. Allow mahaddaa!' oo ay ula jeeddey dad oo dhan in xalay roob u da'ay, saakana xareedda meel walba waran lagu wada il-doogsanaayo!

Maahmaahdaas iyo sheekadeeda ayaa ■■■■ waxay ku ■■■ dhacday oo jiipto uu tiriyey ku darsaday hal-abuurkii la oran jirey Cabdi lidaan Faarax.

Waxay ahayd silsiladdii ■■■■■■ ■■ Deelley la baxday xilligii ay socotey; silsiladdaass oo hal-

abuurro badani ay isaga hal-celinayeen arrimaha dalka guud ahaan, gaar ahaanna qabyaaladda iyo siyaabihii ay u saamaysay nolosha siyaasadeed iyo midda bulsho ee qaranka. Hal-abuurradaas qaar ka mid ah oo ay kala aragti ahaayeen ayuu Cabdi ku eedeeyey hantida ay ivagu haystaani inay ka indho-tirtay dadweynaha faraha badan ee darxumada iyo dandarrada ku nool, gobollada dalkana meel walba ku baahsan.

Raggaas ayuu kala mid-dhigay islaantii inta roobku keligeed ■ da'ay u malaysay cid kasta ■ kalena inuu ■ da'ay! Wuxuu yiri:

1. Habartii docdeediyo
2. Degelkay ku noolayd
3. Daruuruhu ku hooreen
4. Dadka wada hel mooddoo

5. Daad wadhadhac bay tidhi!
6. Misna talada kuma darin
7. Inuu duub abaariyo
- . Gobol lagu darleefiyo,
9. Degmo lagu harraadiyo
10. Darxumooyin muuqdaan
11. Dirqi-ku-nool u badan tahay
12. Danyartiyo shaqaaluhu
13. Daasad garow ah gadan karin!
14. Malaa talada kuma darin
15. Waase dumare yeelkeed!

\* \* \*

22. Isla maahmaahdaas islaanta ayaa waxaa jiipto ku darsaday hal-abuurka isna caanka ah ee la yiraahdo Mustafe Shiikh Cilmi. Taas ka sokow, wuxuu soo qaatay labada maahmaahood ee iyaguna kala ah, 'carrab qoyani hadal ■■■ daayo' iyo 'maroodigu takarta ■■■■ ma arkee,

kan kale midda saaran buu arkaa', kolkaas buu saddexdoodiiba ■■■■ u rogey. Wuxuu yiri:

1. Dadku waxay yiraahdaan:
2. Dibno ■■■ xishoon iyo
3. Afka labada daan lihi
4. Illeen hadal ma daayaan!
- . Wax kalooy ku darayeen:
6. Maroodigu ■■■ daawado
7. Dusha ■■■■ ka fuushane
8. Midka kale diqsigu kora
9. Ayuun buu dareemaa!
10. Wax kalooy ku darayeen:
11. Habar roob ku da'ayaa
12. Waxay dunida mooddaa
13. In barwaaqo laga degey!

\* \* \*

23. Miyi iyo magaalo, meel la joogoba, tacabka xoolaha iyo biirinta qoysku waa hawl

---

aan fududayn. Waa hawl qof qura xooggiisa iyo xirribtiisa aan ku geli karin, kuna hirgeli karin.

Xilka ugu weyni madaxa reerka oo aabbaha ah ha saarraadee, waa hawl aanu keligiis ka soo dhalaali karin. Waa hawl isla-qabasho joogto ah uga baahan, dhallinyaro iyo waayeel, rag iyo dumar, dhammaan xubnaha uu qoys waliba ka kooban yahay. Badanaa, dedaalka odaygu waxbana kuma toorraado haddii afadiisa iyo carruurta u kacdaa aanay noqon kuwo talooyinkiisa dhego u leh, danaha reerka indho u leh, wixii kolba soo gacan-galana aan ku dheeline, dhaqaaleeya.

Laba barbaar baa iskummar tabar-gala. Dabadeed, way guursadaan oo mid waliba wuxuu dhistaa inan uu isagu doortay ■■■ ay dar kaleba kula taliyeen. Xil culus baa fuulaye, labada mid waliba wuxuu u xusul-duubaa sidii

---

uu ku yeelan lahaa hanti isaga u gaar ah oo maantaas la joogo reerka cusubi uu naf ka dhigto, berri-ka-maalinna uu u baxsado. Muddo ka dib, labadooda mid walba carruur baa u dhalata; carruur, sida ay u korinayaan, hadday wiilal yihiinna barbaarro noqda, hadday gabdho yihiinna ahaada gashaantimo timo tidcan oo guurdoon ah.

Maalintaas bay labadaas reer ee isku waaga udubkooda la taagey kala hor-maraan. Siday u badan tahay, hodantooyo iyo baraare ayaa waxaa ku naallooda labada nin ■■■ oori firfircoon intuu Rabbi ku beegay uu haddana warasada xilkaska ah ka siiyey. Isaga ayaa bulaala oo hanti adduuni ay u gacan-gashaa, halka uu kii kale ka luufluufo oo, sida la qabo, saboolnimadu ay sed u noqoto.

Macnahaas ayay ■ jeedeen Soomaalidii hore markii ay suugaanta ku soo dareen hawraarta

---

ah, 'Ilaahay ninkuu xoolo la maago dadkeed buu siiyaa' oo ah maahmaah isku xiraysa dedaalka odayga reerka iyo, karti iyo xilkasnimoba, xubnaha qoyskiisu kolba tayada ay leeyihiin.

Gabay ay maahmaahdaasi ka dhex-muuqato ayaan ku arkay buug lagu magacaabo: 'Guur iyo garaad' oo uu qoray gabayaaga la yiraahdo Khaliif Ashkir Diini-xoosh. Waa buug ku saabsan hiddaha guurka Soomaalida, ayna ka buuxaan sheekooyin curis ah oo isla arrintaas ku lug leh.

Tix uu qoraagu afka ugu tiraayo Samatar Cawl oo jileyaasha sheekooyinka buugga ka mid ah ayay oraahdani ku jirtaa. Wuxuu yiri:

1. Ninkii maal Ilaahay la rabo inuu mihiibsiiyo
2. Marka hore dadkeeduu helaa waana loo marage;
3. Inta Maxamad iyo Mayran iyo Muuse ii korayo

---

4. Ama ay mataanaha yaryaru maqasha raacayso

5. Mucsir maahi ee taajir aan muuqan baan ahaye!

\* \* \*

24. Dhaqanka Soomaalida markaynu dib u eegno, waayeelnimadu waxay astaan ■ tahay garaad dheeri ah iyo waayo-aragnimo kolkii ay murugto loo baxsado. Waxay oran jireen, 'nin da' yari intuu geed ka boodo ayuu talo ka boodaa', hase ahaatee odaygu xaajada ■ ■ miyiriyaa oo hadba tii lagu meelmari karo ayaa loogu irkadaa. Dhacdooyin badan ayuu soo maray, abwaanno door ah ayuu la soo fariistay, guuldarro iyo foolxumadeed ayuu u soo joogey, siyaalihii lagu furdaamiyeyna goobjoog buu ■ ahaa. Wanaagga nabadda laga helo ayuu garanayaa. Ba'a colaadda loogu tago ayuu yaqaan. Haddii laga dhegeystona, labada midba

---

waxa laga dhaxlo ayaa ■ hubban. Wixii ku soo kordhaaba waxay xusuusiyaan wax awel hore ■ soo arkay. Markaas buu ka saadaalin karaa dhacdo waliba, shar iyo khayr, wixii ay soo jiidi karayso amaba laga filan karo.

Waayeelku, bulshada hareerhiisa ku dhaqan waayaheeda waa qof wax badan ka og, waxsuu ka sii og yahay waxa isaga naftiisa ku soo kordha ■■■ ka dhaca. Cudur iyo caafimaadba, siduu shalay ahaa iyo maanta sida uu yahay waa qof isbarbar-dhigi kara oo dharaariba wixii ay kala dhacday ogaan kara. In kastoo aqoon dhab ah ■■■ u yeelan karin maalinta uu uun-aakhiro ku tirsami doono, haddana, isaga iyo xabaaluhu inta ay isu jiraan waa qof malayn kara!

Sidaas ayaa waxaa loogu maahmaahay, 'nin weyni wedkiis waa yaqaan' oo loola jeedo: waayeelku cudurka uu u dhiman doono cudurrada

---

inuu ka garan karo ama, guud ahaanba, qofka da'da weyni halka ay dhibaataadu uga iman karto inuu si wacan u saadaalin karo.

Maahmaahdaas iyada ah ayaa hees uu curiyey oo miisaanka dhaantada ku samaysan waxaa u adeegsaday hal-abuurka caanka ah ■ la yiraahdo Axmed Saleebaan Bidde. Waxay ahayd hees ku jirtey riwaayad uu Axmed sameeyey oo ay Soomaalidu aad u daawatay, lana oran jirey 'Alle'aammin ■■■ iisho<sup>(19)</sup>.

Maxamad Yuusuf iyo Seynab Xaaji Cali oo 'Baxsan' ku magac dheer, beryahaasna ka mid ahaa hornuudyadii heesta casriga ah ee Soomaaliyeed ayaa riwaayaddaas xiddig iyo xiddig ka ahaa.

Heesta ay maahmaahdu ka muuqato iyaga ayaa si darandoorri ah isugu hal-celinaayey mar

---

19- Waxay soo baxday. markii ugu horreyseyna la dhigay sannadkii 1962kii.

---

ay niyaddoodu sii kala jeeddey oo Maxamad uu daacadnimada Seynab ka shakisanaa, aadna uu u qawadsanaa!

Baxsan oo markaas inta nabsi soo ridey heshiis-doon ah ayaa waxay oranaysaa:

1. Markuu waqtigiisu ■■■■■ yahay
2. Wuxuu isyidhaa: adaa wadanoo
3. Dadkuba waayo waa illaawi jiree
4. Ma waa raagtey baa war kaa yahay?

.... ..

Kolkaas buu Maxamadna ku gacansayrayaa, una sheegayaa inuu yahay nin weyn oo garan kara cidda waxyeellaynaysa oo iyada qudheeda ah!

Kolkaas buu ugu jawaabayaa:

1. Nin weyn waa og yay wedkii dilayee
2. Inaad weecataan warkaagi helee
3. Waraystay ku ogaadey halkaad ku waddoo
4. Haddaad wiiq islayd wax maan noqon!

.... — ... — — ... — ... — ... — ...

- V -

## Maahmaahda dugaagga, duurjoogta iyo halaqa

Maahmaahda Soomaalida waxaa iyana ka mid ah qayb dhan oo dugaagga iyo duurjoogta loo saariyo, inay iyagu curiyeenna lagu been-hawaaso.

Marar badan ayaynu maqallaa iyada ■■■ la leeyahay, 'waraabaa wuxuu yiri', 'abeesaa waxay tiri', 'biciid baa wuxuu yiri', 'gorayaa waxay tiri', 'dawacaa waxay tiri' iyo ■■■ la mid ah. Waa la og yahay dugaagga iyo duurjoogtu inaanay aadanaha ku war ahayn oo aanay af-soomaaliga ku hadli karin, iska daa inay ku maahmaahaane!

Ujeeddadu waxay tahay in murti lagula baxo, waxna la isku tusaaleeyo, taasina waa tab-

---

suugaaneed aan Soomaalida ku ekayne, ummado badan ay la wadaagto.

Mar walba ■ maahmaahda jaadkan ah la adeegsanaayo sheeko gaaban oo gogol-xaar ah ayaa laga horraysiiyaa, dabadeedna waxaa la israaciyaa bahalka loo saarinaayo magaciisa iyo maahmaahdii afka loogu tiray. Si loo rumaystona, Soomaalidu kolka ay sheekadaas oo kale marinayso waxay tixgelisaa bahalka maahmaahda iska leh dabeecaddiisa, waxyaabaha ka suuroobi kara iyo fikradaha guud ee ay bulshadu ka qabto.

\* \* \*

Haddaba, dugaagga iyo duurjoogta ay Soomaalidu murtida kula baxdo waxaaa, malahayga, ugu maahmaah badan dhurwaaga oo ah bahalka reer-miyiga Soomaalida ay isugu badiyaan. Wuxuu ka mid yahay dugaagga

---

tirada yar ee, hilibka mooyee, aan oomati kale ku hanbaasin, geedahana, doog iyo abaar toona, aan afka saarin.

Sidaas darteed, waa bahal mar walba xoolaha reer-miyiga isha ku haya oo Eebbe-weyne saami ugu daray, noloshiisuna ay ku xiran tahay. Abaar iyo aaranba, kama fogaado halka ay xooluhu daaqaan ■■■■ habeenkii lagu xeraysto. Had iyo jeer isaga iyo xoolo-raacatada waa ■ halgan: mar uu isagu raayo oo uu neef kala tago iyo mar ay iyagu raayaan oo ay waxaddooda ka ceshadaan.

Isu-dhowaanshaha dhurwaaga iyo Soomaalida reer-miyiga ah waxaa ka abuurmay fikrado bahalkaas ku saabsan oo maanka bulshadeennii hore ku samaysmay. Giddigoodba, waa fikrado xumo mooyee, aan wax wanaag ah lagu arag! Xagga dhaqankiisa, waxay ku tilmaamaan inuu



---

yahay wax ay gunnimo dilootey ■ hunguri-xumo, diihaal joogto ah iyo quus li'iba lagu ibtileeyey!

Dhaqankaas aysan jeclayn waxay gabarab-dhigaan dhaqan-gobeed ay ku sheegaan libaaxa oo si walba dhurwaaga uga dabeecad geddisan.

Marka hore, inuu dhab u gaajoodo mooyee libaaxu xoolaha iskama laayo, halka uu dhurwaagu, markii ay u dagtaanba, uu ka warjeefo.

Marka labaad, haddii uu ka dhergo, libaaxu raqda kuma dul-negaadee, wuu ka tagaa. Wuxuu u daayaa dugaagga kale ■ duleeddada halka uu wax ku cunaayo ka soo dhaguugaya. Dhurwaaguse, xataa haddii uu dhergo, hilibaha hoos yaal kama ag-dhaqaaqo, raxantiisa mooyee cid kale wax ugama oggolaado, ilaa uu lafaha jajabsadana kama dul-tago!

---

Marka saddexaad, neef uu isagu disho mooyee, libaaxu baqtiga wax ma moodo, umana hawoodo. Dhurwaaguse waa xaab-qaad aan xalaal iyo baqti ■ kala soocnayn oo wixii uu ka soo kor-dhacoba gaajo u qabato, calooshana ku hubsada.

Dhaqankaas gunnimo ka sokow, xagga abuurtana, dhurwaagu Soomaalida waa astaan foolxumo. Socodkiisa, midabkiisa iyo lugihiisuba waa la silloon yihiin. Ragga kii foolxumo loo qarinaayana magaciisa ayay kiisa ku laraan, kolkaas bay 'hebel-dhurwaa' ku naanaysaan.

Aqoonta dheer ■ Soomaalidu ay dhurwaaga u leedahay waxaynu ka garan karaynaa magacyada iyo naanaysaha tirada badan ■ ay ■ taqaan. Inta annu hubno, waxa uu af-soomaaliga ku leeyahay labada magac ■ kala ah: dhurwaa iyo waraabe, waxaase u dheer naanayso sagaal gaaraya oo dhammaantood

---

tilmaan ka bixinaaya sida uu u abuuran yahay. Waxay kala yihiin: Qaaryare, Ciiro-dambas, Qaar-xabaal, Dhurruq-dhaylo, Ciiro-muruqla', Lug-dhammaajo, Cagey, Huluul iyo Cumar-luglaawe.

Naanaysahaas qaar ka mid ah ayaa laga helayaa qaar ku tirsan hawraar-dhaqameedyada ay bulshadu wada taqaan iyo maansadii hore labadaba; taana waxaynu ku tusaalayn karaynaa saddexdan kala ah: Cagey, Huluul iyo Cumar-luglaawe:

A. Naanaysta *Cagey*: Jiilaalka kolkay tahay oo xoolaha qoyska reer-miyiga ahi ay nacfiyareeyaan ayay hooyadu caanaha carruurta u tashiishaa. Waxay ku dedaashaa inay si siman ugu qaybiso.

Xerada ayay gashaa, iyada oo sidata haruubbadii ay ariga ku lisi lahayd, yaryarkuna

---

meel aan oodafada ka fageyn ayay isa tubaan. In fadhida iyo in taaganba, waxay kala hororsadaan kolba haruubka ay soo taagto ay caanuhu ku jiraan.

Isku dabeecadse ahee, ku' carruurta ka mid ah ayaa kolkaas afka qaylo ku shubta oohin iyo dhul-galgalasho isku dara, isaga oo 'hooyo caano i sii' ku celcelinayaa. Ma wuxuu ka baqayaa inay illoowdo? Ma hamuun-gorgor buu leeyahay oo sidaniba waa u dabeecad? Mase gaajo xun baa ka dhawaajinaysa?

Wax ugu wacanba, cabbaar hadday iska dhego-tirto ayay marka dambe xaggiisa jeensataa oo habaar aan hoosta jirin oo gacalcun ah inta ku tuurto ku tiraahdaa, 'iga aamus, caano kuuma hayee, cantaliigso oo *Cagey* ka bariye!' Waaba *Cagey* iyo caano! Waa 'caano-waa' sarbeeban, saa *Cagey* iyo caano isma galaane!

---

B. Naanaysta *Huluul*: Galabnimadii kolka ay geeljiruhu geelasha carraabinayaan ee goleyaashiisa ay ku wadaan way u heesaan, markaas bay tubtu u macaanaataa. Heesahaas ay ku carraabin jireen ayaa waxaa ka mid ahayd tii ay ■■■■ jireen:

1. Hulaay bahalkii
2. *Huluul* la lahaa
3. Waa ka 'haw' lehe
4. Yuu ku heerine
5. Horowga carrow!

Bahalka 'Huluul' ■■ lahaa ee hasha lagu cabsiinayaana waa dhurwaaga.

C. Naanaysta *Cumar-luglaawe*: Gabayaagii Darwiishka ahaa ee ■■ ■■■■ jirey Ismaaciil Mire oo laba dhinac oo collowdey mid ahaan si dadban ugu garbaynaayey ayaa beri gabay tiriye. Dabadeed, dhinacii uu rabey inuu u hiilliyo ayuu ku tilmaamay libaax, kii uu ka

---

jireyna wuxuu, sarbeeb ahaan, ugu sheegay *Cumar-luglaawe* oo, sidaan soo xusay, ka mid ah naanaysaha dhurwaaga. Wuxuu yiri:

1. Curdadkiyo jugleydiyo haddaad cagaleydow yeedho
2. Oo habardugaag oo cammiran cudud lagu siiyo
3. Maroodiga cawaadhsaday hadduu ciidan kugu raaco
4. Wallee *Cumar-luglaawow* libaax kama cod weynaatid!

Sidii aan meel hore ku ■■■■ xusay, dhurwaagu waa bahal hilibka oo keliya ku nool oo, haba yaraatee, aan oon kale ku hanbaasin. Markuu inta dhasho dhulka ka kaco ilaa marka uu baqtiyona wuxuu ku raad-joogaa xoolo dagan oo ciddii iska lahayd ay u wadeecaysay.

---

Gobollada ay degto meelo ka mid ah waxay Soomaalidu dhurwaaga u qaybisaa saddexda nooc ee kala ah:

- *hintifaa* oo ah midka ariga habeenkii markay tahay xerada ugu dhaca;

- *qormo-haalig* ■ ah midka geela laaya, iyo

- *cayle-cataatir* oo ah harag iyo maqaar wixii uu arko degellada laga guuro midka ka unuunufa.

Sidaas darteed, ■ aha in lala yaabo mar walba maahmaahaha dhurwaaga laga sheegaa haddii ay ku wareegaan halganka joogtada ah ee uu ugu jiro helitaanka hilib uu ku noolaado.

### Maahmaahaha dhurwaaga:

1. Dhurwaagu, xilligii la joogoba, intaas wuxuu jafayaa dhul qodaxdu sariiran tahay,

---

dhul dhagax iyo dul miiran ah; dhul cagaag badan oo ciddiyaha ka dhilqiya, dubkana ka murxiya. Hase ahaatee, uma fariisto, saa cidina ■■■■ maqna, umana xil-qabtee!

Jarmaado iyo boqoole, carraabo iyo guureba, waxa ■ ku qasban yahay inuu socod ku jiro. Foog iyo fiidba, wuxuu u tafo-xaydan yahay, jiir iyo caddiin, siduu hilib ku heli lahaa; si aanay nafta ■ kala dhaqaaqin.

Haddaba, maalin maalmaha adduun ka mid ah ayaa waxaa ugaarsi u soo kallahay dhurwaa duq ah oo toddobaadkii hore oo idil ku sari waayey. Cadduun ruubad ah oo kulayl badan ayuu dhex-jaqafsanayaa, suudiga daraaddiisna kolba cagaha ayuu ciidda kala boodayaa.

Barqo-harraacdii kolkay tahay ayuu daaley. Tallaababa wuu qaadi kari waayey. Dabadeedna inuu nasto ayuu tashigii kaga dhammaaday. Geed

---

qurac ah harkiis intuu ku leexday ayuu iska hiraanhiray, wax yar ka dibna cagihisii ayuu hoos u eegay. Mase maxaa dhiig ka da'aaya! Maxaa qodax ku mudan? Faraha, suulasha afarta ah iyo cirbaha; inta dhulka la dhigo meel waliba way haaraysaa. Xubin waliba way dhaawacan tahay!

Kolkaas buu hammiyey. Wuxuu naftiisa kula sheekaystay inuu ku rayn lahaa haddii uu heli lahaa saydhada iyo cagaagga wax ka xigsada oo sida dadka kabo loogu toli lahaa. Haddana wuu isla yaabay. Wuxuu garan waayey sida ay fikraddaniba ugu soo dhacday. Wuxuu xusuustay inuu dhurwaa yahay oo cagihisa dhiigga ka da'aaya aan cidina dan iyo daarad ka lahayn.

Dabadeedna, isaga ■ ku raalli ah, waxa ■ yahayna aqoonsan ayuu iska hilhishay oo inta hortiisa u dhaqaaqay ku tiraabay, 'haddii kabo

---

la ii tolona alxumdulillaahi, haddii aan la ii tolinna Rabbil-caalamin!' Taasina waxay noqotay maahmaah uu xusuusto wax inuu helo uu ku fiicnaan lahaa qof loo diiday ■ laga hagraday, isla markaasna naftiisa ku dhiirri-gelinaaya waxaas ■ waayey inaanu ■ ranbasin, dantiisana aanu uga harin.

\* \* \*

2. Sida laga yaabo dad badani inay u haystaan arrintu ma aha oo dhurwaagu mar walba geesi ma aha. Xoolaha haddii uu soo weeraro, reer-miyigu way kula diriraan, wayna ka dhacsadaan. Haddii lagu maahmaahay, 'libaax nin aan aqoon baa lax ka rita', dhurwaagu waa ka duwan yahay oo, lax iyo ri'ba, hadduu wax kala tago way ka dhigtaan. Dabadeedna, halgaad iyo dhagax siday ugu madayaan ayay *dhulow-geedaale* uga soo haraan, isaga oo diihaalkii uu qabey daalna ugu kordhay!

---

Taasi inay run tahay waxay Soomaalidu daliil uga dhigataa dhurwaagii ariga mayracanaaya ■ soo gaatamay ee, ido iyo riyoba, markii ay dareemeen ay dhagac yiraahdeen, cagahana ay wax ka dayeen. Dhinacii uu arigu u diday ayuu isna u afro-qaaday, hase ahaatee, wax yar ka dibba, si kedis ah ayuu kob cidla' ah isu taagey oo hortiisa ku dhaygagay.

Tolow, maxaa u muuqday? Waa lax shilis oo arigii diday ka hadhay, dhinaciisana ■ soo cararaysa! Intuu yaabay ■ amankaag dhammeeyey ayuu si degdeg ah dhabarka u jeediyey oo jahadii ■ ka yimid ■ farandulleeyey, iyada oo laxdiina ay ka dabo-jaran tahay, welibana ay ciyayso!

Show, isagu ma ogee, laxdu way indho la'dahay? Show arigeedii meel uu u diday iyo meel uu ka jiroba war ■ hayso? Show markii uu ■ soo dhowaadeyba, jaanqaadkiisa ayay

---

dareentay? Show arigii ay ku jirtey neef ka mid ah ayay u qaadatay oo dhurwaaga ay dabo-cararayso wehel bayba ka dhiganaysaa?

Wuxuu ka baxsado, iyana ay dabo-oroddaba, markii dambe oo malaha uu laba geeddi ka soo fogaadey ayuu gadaal eegay, mase laxdiiba ■ muuqato oo goor hore ayayba isaga hadhay. Welise wuu amankaagsan yahay, wuuna ku gar leeyahay, maxaa yeelay xoolo ka carara mooyee, weligiis xoolo xaggiisa u soo carara waa ■ maanta!

Galabtaasna, orodkii dheeraa weli isaga oo la xuurtaysan ayuu yiri, 'war ma Deyladaan ■ in islahaa baa aniga calaf iga dayday!' oo uu ku maahmaahi karo qof waxtar iyo waxsiin kaleba ka filaayey qof kale oo uu u han weynaa, hase ahaatee ku hungoobey, welibana isagii wax doonaayey wax la biday, halkii wax laga siin lahaana wax laga weyddiistey!

\* \* \*

---

3. Maalin kale, waxay ku sheekeeyeen: dhurwaa aad u gaajaysan baa wuxuu soo galay kayn uu markaas ka hor dhawr jeer ka loogsaday. Waxay ahayd kayn dayrtii hore uu ka liibaaney oo xoolo la baylihiyey uu marba neef kala tegey. Maantase, meel loola guureyba, ari iyo lo' toona laguma oga, in kastuu qashku isqabsaday oo geed hoose iyo geed sareba ay dhirtu hamashowdey.

Isaga oo tuuxaynaaya meelihii uu saabenaha iyo ceesaamaha ku layn jirey ayaa geedo dhaadheer oo hortiisa sariiran sharqani uga baxday. Mar qura ayay hididdiilo cusubi ku korodhay. Indhaha ayuu galka ka soo bixiyey miciyihii isku lisay. Wuxuu isu qaabiyey, waxa sharqamay, inuu haabto, qabsado. Isaga oo aan hurdin buu riyoon. Sharqantii iyo shababaxdii u baxday buu u dheg-taagi. Afarta

---

jaho ayuu midba indhaha ku fiifi, bal inay bidhaan dagani u muuqato.

Hase ahaatee, wax yar ka dib bay himiladiisii hoos u soo dhacday. Hankiisii baa dabaysha raacay. Show shanqartii u baxday waxay ahayd raxan daayeerro ah oo geedaha hareeriga ah midba mid uga boodeysa! Kamase dayriyeene, miyuu gaari karaa? Miyuu inta duulo dhirta dusheeda ugu tegi karaa? Waa maya.

Wuu murugooday, markaas buu hammiyey, 'Allow, aad i baratide, yaa daayeerow dhulka kaa hela!'

Isaga oo sidaas isaga murugoonaya ayuu ku hanbabaray laba daayeer oo ay laacdan uga caddahay, iyaga oo iscaaysanayana geedkii uu hoostiisa taagnaa dusha uga baxay. Markaas buu kor u dhawray, isaga oo calyada qubaaya.

---

Wuxuu indhaha ku joojiyey dibka guduudan ee daayeerta lagu yaqaan, duurjoogta kalena uu kaga duwan yahay. Saa waxaa Alle uga dhigay hilbo ay sitaan oo ay kol dhow cuni doonaan, isaguse uu qadi doono.

Kolkaas buu inta madaxa hoos u rogtey wuxuu ku cataabay, 'hilbo waa nin waayey iyo nin dabada ku warwartay!' Waxay noqotay hawraar uu ku maahmaahi karo wax uu aad ugu baahi-qabo qof si walba ku raadiyey, kuse heli waayey, isla markaasna arkaaya qof kale oo isla waxaas si xad-dhaaf ah inta ■ haysta aysan wax weynba la ahayn!

\* \* \*

Wax kaleba ha lagu sheege, dhurwaaga garaad-yari laguma xanto. Had iyo jeer, waa bahal aan dantiisa ka seexan, goor walbana u xusul-duuba. Waa bahal kala garan og xoolaha

---

dagan ■ uu wax kala dhici karo iyo kuwa ilaashan oo dadkii lahaa ku gadaaman yahay. Wuxuu xataa yaqaan xoolaha haweenka iyo carruurta lagu halleeyo. Kuwaas ayuu ku soo dhiirran og yahay, halka uu ka meermeero kuwa ay ragga waaweyni la joogaan ■ bartankooda uu bulaankooda ka maqlo.

Isaga oo siyaalahaas ku tilmaaman ayay, haddana, waxay ku sheekeeyaan laba jeer ■ keliya inuu nacasoobey, wixii la gudboonaana uu ka ilduufay. Waa labadii jeer ■ intuu doqonoobey uu gacmaha ku dhigi waayey xoolo nool iyo hilbo aanu innaba u hawshoon, isha baalkeedana u soo jirsaday.

Labada jeerba, sida aynu arki doonno, waxaa hodey rayrrayn xad-dhaaf ah oo caqligii kala tagtay. Farxad aan shinkeed gelin ayaa calaf-tirtay. Wuxuu garan waayey wax aan gacantaada



---

ku jirin inaan la isa siin, markaas buu habeen uu dhereg ku seexan kari lahaa gaajo ku seexday. Wuxuu illoobey hillaac fogaan badan jeer halkuu ku hooray ■ dego inaan laabta loo ruxin. Markaas buu waagii hundhur iyo caloolxumo ugu beryey, isaga ■ kari karey inuu baraare ku seexdo, bashbashna ku ■ tooso.

\* \* \*

4. Waxay ku been-hawaaseen dhurwaa muddoba qadsanaa inuu maalin maalmaha ka mid ah ugaarsi ■ baxay. Duhurkii markay tahay oo ■ waxba gacan ku hayn ayaa meel taag ah oo hortiisa ah waxaa uga bidhaamay wan keligiis ah oo iska daaqaya. Wan Allihiis Alle yahay oo aan arigiisiina ku dhex-jirin, cidina aanay la joogin!

Dhurwaagii yaab baa Rabbi ■ keenay. Wuxuu isu qaatay inuu hurdo oo ay waxani riyo tahay. Indhihiisii ayuu aammini waayey. Midig iyo

---

bidix ayuu jeedaaliyey, bal ciddii lahayd inay meelaha uga muuqato. Waxba kolkuu arki waayey ayaa farax maansheeyey.

Kolkaas buu damcay inuu qoslo, hase ahaatee kolkuu ■ hogbaday ayay feerihii xanuuneen. Intuu qosolkii isku celiyey ayuu, isaga oo aan halkiisii ka soo dhaqaaqin, wankii u tannaagoodey, kuna yiri, 'wanow yaa kula joogey?' Isaga oo baraad la' ayuu wankiina ku jawaabey, 'cidna!'

Dhurwaagii ■ jawaabta rumaysan la', asii inay run tahay og ayaa isna wankii ugu jawaabey, 'waryaa wanow, feerahaan qoon ku leeyahaye, ha iga qoslin!' oo inta illoobey xanuunkii hayey qosol iyo wirix isku daray. Wuuse eeday oo qosolkii badnaa ayaa sanbabbadii qarxiyey. Dhiig buu mantagay, wax yarna ka dibna jilbaha intuu u dhacay ayuu habsaday. Kobtiisii isaga oo

---

gorofsan, indhihiisuna shan yihiin ayuu wankiina iska dhaqaaqay, isaga oo iska laafyoonaya!

Waxaase sheekadaas ka hadhay hawraartii dhurwaaga ■ ahayd, 'feerahaan qoon ku leeyahaye, ha iga qoslin' oo uu ku maahmaahi karo qof loo sheegay arrin uu muddoba ku taamaayey oo gadaalkii dhabowdey, hase ahaatee, farax awgiis, ■ rumaysan la'.

Labada jeer mar waa markaas.

\* \* \*

5. Jeerka kale ee dhurwaagu doqonoobeyna wuxuu ahaa habeenkii uu inta waxbaba soo waayey uu isaga soo noqday halkii uu godka ku lahaa. Isaga oo quus ku dhow, markaasna bohoshii iska hor-yuurura ayuu meel agtiisa ah sharqan ka maqlay.

In kastoo ay dunidu mugdi ahayd, haddana, wax ka indho-curdoone, haddiiba meeshii ay

---

shanqartu uga baxday ayuu indho iyo dhegoba ■ wada jeediyey. Wuu arkay. Oo waa maxay? Waa dameer keligeed ah oo raran. Oo maxaa ku raran? Hilbo jaad walba ah; kuwo geel, kuwo lo'aad iyo kuwo ari' intaba! Wuu rumaysan kari waayey.

Qosol uu hayn la' yahay isaga oo isku celinaaya ayuu si deggan ■ dabo-tuuxeeeyey. Oo ■ iyadaa kolnaba ka baxsan karaysa, ■ orodka ku wata? Hilbihii buu kolba qaar eegaa. Markaas buu kala qorsheeyaa: kuwo uu duqda ■ geyn doono, kuwo uu isagu cuni doono, kuwa ■ gabnaha siisan doono, dameerta qudheeda sida ■ raxantiisa ula wadaagi doono. Weli wuxuu rumaysan kari la' yahay waxa hortiisa ■ muuqdaa inay tahay dameer hilbo ku raran yihiin oo baylah ah! Markaas buu qosol la dhacay oo boodboodey oo dhulka galgashay oo

---

kacay oo fariistay oo wirxay oo inta geddi cad u seexday xiddigaha la sheekaystay oo ayaankiisa uga warramay!

Hase ahaatee, waxay noqotay farxad cimri gaaban. Intii uu qosolka iyo faraxa ku maqnaa ayaa waxaa isqabsaday cirkii iyo dhulkii. Daruuro biyeysan baa isa soo doontay oo ay midiba mid ku biirtay. Onkod iyo hillaac ■■■■ kala-joogsi lahayn ayaa afarta gees isaga baaqay. Waa karar dusha ah iyo daad mulacyaynaya ■■ gal iyo goofba buuxiyey.

Isaga oo dhibicdana ka gabbanaya ayuu laba-laxaadsaday oo dameertii ■■ kol hore fogaatey tallaabo degdeg ah ku tiigsaday. Waxbase ugama naaso-caddaan. Mar wuu ordaa, ■■■■■ inta istaago ayuu sharqan-dhegeystaa. Mar midig, marna bidix; kolba dhinac buu ■ cararaa, iyada oo ay dhibicduna dhabannaaninayso.

---

Waxba wuu la' yahay. Raq iyo ruux toona; dameertii iyo hilbihii isma hayaan. Roobkiina, awel dhibic keliyuu ahaaye, dabayl baa ku soo korodhay. Wuu daaley oo haddana dardhaday.

Markaas buu inta geedo xir ah karartii kaga gabbaday wuxuu ku calaacalay ■■■■ kale haddii uu dameerta codkeeda maqli lahaa inaanay qosol iyo cayaayir ku dhaafteen! Iyada iyo wixii saarraaba in uu halhaleel gacanta ugu dhigi lahaa, kuna mintidi lahaa!

Laakiinse, sidaas ballaaran ■■■■ uu orane, ■■■■■ calaacalkiisii ku taariikheeyey oraah erayadeedu ay kooban yihiin oo ahayd, 'Allow yay ■■■■ u bururuf tiraahdaa!' Wuxuu ula jeedey, 'hadday ay dameertii mar kale ii sharqami lahayd sidii hore isuguma ladeen!' Waxay noqotay maahmaah ku soo dhacda wax uu aad u jeclaa qof uu ayaankiisu ■■ soo

---

dhoweeyey, dabadeedna goorteedii inta ku mintidi waayey kol dambena ay u soo mari weydey. Qofka ay sidaasi la soo gudboonaato ayaa waxaa badanaa ku soo dhaca sheekada dhurwaaga iyo maahmaahdii ka hadhay, 'Allow yay mar ■ bururuf tiraahdaa!'

\* \* \*

6. Sidaan hadda ka hor carrabka ku soo dhuftay, dhurwaagu waa hilib-ku-nool, wax aan hilib ahaynna wax kuma falo. Xoolaha la dhaqdo hilibka iyo caanaha dartood haddii ay dadku u dhaqaalaystaan, dhurwaagu hilibkooda oo keliya ayuu daneeyaa. Cadkooda ayuu u hamuuman yahay, caano inay leeyihiin iyo in kalena war iyo wacaalba uma uu hayo!

Habeenkii ayuu xeryaha xoolaha lagu soo xeraysto u soo gabbadaa, si uu inta ugu dhaco uu neef ugala tago. Inta uu ilbaadsiga ku jiro wuxuu arkaa dumar aryaha lisaya ■ kolba

---

haruub caano ka buuxaan qof kale oo dibedda taagan u dhiibaya, si ama carruurta loo siiyo ■ weel kale oo weyn loogu buriyo. Dhaqdhaqaaqaasi dhurwaaga ■ u muuqdaa, danse kama laha. Wuxuun buu sugayaa inta ay dumarradu xeryaha ka baxayaan oo inta sharqantu yaraato dhinaca dhulka la dhigo.

Si ay haddaba ■ tusaaleeyaan dhurwaa iyo caano siday u kala fog yihiin ayay Soomaalidu ku sheekaysaa in maalin maalmaha ka mid ah la waraystay oo lagu yiri: 'horta dhurwaayow, caano ma taqaan?' Markaas buu sidii wax kale looga sugaayey wuxuu ku jawaabey, 'ma waxa madow oo muska la isaga dhiibaa?!'; taasoo noqotay hawraar loogu maahmaaho wax uusan aqoon ■ lahayn ■■ aanu weligiis arag qof inta wax laga weyddiiyey kaga jawaabey jawaab aan loo joogin, aqoondarradiisana muujinaysa.

\* \* \*

---

7. Curufkiisa ragga yaqaani waxay sheegaan dhurwaagu inuu ka mid yahay dugaagga neefka uu markaas dilanaayo inta uu baqtiisanaayo aan u kaadine, orodka kaga dherga. Bal inuu caano-waaye yahay, hasha ama saca uu u cuni doono, wuxuu ka abbaaraa goljilicda iyo candhada oo ah dadka xoolaha dhaqdaa xubnaha neefka midda ay ugu jecel yihiin.

Taasna waxaad ku rumaysan kartaa sheekadii laga reebay dhurwaagii geela daaqaya inta soo weeraray ku hor-maray hal dhowaan dhashay iyo niriigteedii. Hashii ayuu haddiiba candhadii ka halakeeyey, markii ay ka baxsatayna niriigtii oo ■ kuftay ayuu faruuriyihii kaw ka siistay oo orodkii ku liqay. In kastoo cid bahalka ka reebta ay markaas heleen, labadii neef iyaga oo dhaawacan bay fiidkii guryo-tageen, waana la kala xereeyey.

---

Caweysin dambe kolkay noqotay oo xiskintii geela la gaarey ayaa odaygii reerka u weynaa oo war-mooge ahi wuxuu damcay hashii iyada ahayd inuu maalo. Intuu niriigtii dibedda ugu soo saaray ayuu ■ yeeyeeray.

Waxa galabta dhacay hadduu ogaan lahaa amaba iftiinadii hore ay wax u muuqan lahaayeen wuu dhaydhayi lahaa uune, isba caawa weel uma soo qaateen. Waxaase dareen galay markii uu arkay hashii iyo niriigtii isu ordi jirey oo kala ufoonaaya, haddii uu isu soo eryana sii kala durkaaya oo sii kala jeensanaya!

Wax la yiri, isla markaas uu odaygu hashi iyo niriigta isu soo duwaayo waxaa duleedka golaha geela taagnaa laba dhurwaa oo midi yahay kii galabta labada neef ilkaha daray. Odayga qudhiisa oo dhurwaayo-la-hadal ahaa wuxuu wax gartay markii uu maqlay dhurwaagii

---

lammaanaha halakeeyey ■ isaga oo qoslaya kii kale ku leh, 'maxay ku nuugtaa? maxasye ka nuugtaa?' Taasina waxay noqotay hawraar loogu maahmaaho cid, iyada oo aan ogeyn, dhib weyn loo geystey, isla markaasna guuldarrada lagu dhigay awgeed loogu wiirsanaayo.

\* \* \*

8. Mar kale, waxaa la yiri: dhurwaa baa goor fiid-horaad ah wuxuu soo dul-joogsaday qayro aad u dhaqan oo geel, lo' iyo ariba ay xero waliba u buuxdo. Wuxuuse ka yaabay bulaanka reeraha ka baxaaya iyo dhalinyarada faraha badan ee xoolaha ku dhex-jirta.

Intii muddo ah ayuu wax ilbaad ah ka waayey. Markaas ayuu istusay, iyada oo arrintu sidaas tahay, haddii uu neef la tago in markiiba laga ridan doono, lana eryi doono.

Isaga oo ay talo ku wansiixsan tahay ayaa reerkii uu dul-joogey waxaa u soo wareegtay

---

haweeney baadi-doon ah oo riyo maanta ka goosmay raadinaysa. Tii reerka lahayd ayaa ■ baytisay, kuna tiri, 'summadda aad sheegtay ariga leh ee xaynta ah waxaan goor aan fogeyn ku soo maray balli-hebel geedaha reydabta ah ee ku dhow.'

Dhurwaagii oo labada dumar ah sheekadooda dhegta u dhigaayey ayaa isgundhiyey oo ciddi isku jebiyey! Farax buu is-hayn waayey. Haddiiba go'aan buu gaarey. Reerkan uu raggu ka buuxo intii uu neef laga dhigo isku biimayn lahaa, maxaa u diidaya, reydabta la sheegay isba wuu yaqaane, xayntaas baylahda ah inuu ■ degdego oo haweeneyda iska leh uu uga hormaro? Waa waxba.

Orod buu istaabtay. Xagga iyo xagga isaga oo aan eegayn ayuu halkii la tilmaamay durbadiiba isa sii taagey. Geedihii reydabta

---

ahaa ayuu midba mar hoos-joogsadaa. Afarta jaho ayuu kolba mid jeedaaliyaa. Markay waxba u muuqan waayaanna dhulka ayuu isbilqaa. Dhegaha ayuu raariciyaa, bal inuu cida riyaha maqlo.

Kolkii dambe ayuu ka shakiyey geedihii ay haweeneydu haweeneyda kale u sheegtay inay kuwan yihiin iyo in kale, markaas buu daymo ugu noqday. Agagaarkooda ayuu eegay, mase xabagtii ka daadatay wax ■■■ ahayni uma ogog laha, kamana ago-dhowa!

Wuu quustay. Wuxuu hubsaday isaga iyo hilib inay caawa isa seegeen. Kolkaas buu calaacalay. Mar isagii baa is-haaraamay, marna geedihii buu haaraamay, marna haweeneydii xaynta ku baytisay ayuu haaraamay. Wuxuu yiri, 'ma anaan roorayn, mase reydabtaan

---

reydabtii ahayn, ■■■ rimmaygu-ka-soo-dhacdii baan run sheegayn?' Dabadeed, waxaa laga dhigtay hawraar ■■ ku maahmaaho dan uu lahaa qof aad ugu dedaaley, hase ahaatee ay waxba u hirgeli waayeen, in kastoo 'waa biyo-kama-dhibcaan' war uu islahaa uu markiisii horeba ku hawl-galay.

\* \* \*

9. Sida la og yahay, ragga Soomaalidu haweenkooda way xifaaleeyaan, haweenka qudhooduna shib ma aha oo dhalliilaha ay ragga u hayaani ma tiro yara.

Haddaba, waxyaabaha ay raggu dumarka ku tilmaamaan ayaa waxaa ka mid ah inaanay ka samri karin wax ay waa hore bixiyeen ama laga qaatay ama, iyaga oo aan raalli ka hayn, si uun ku dhaafay. Guyaal badaniba ha ka soo wareegeene, waxaa la qabaa mar walba

---

waxyaabaha sidaas u dhaca gocashadoodu inaysan dumarka ka dhammaan. Sida la sheego, goor kasta way xusuusan vihiin, dadka kalena way xusuusiyaan. Raggii hore ee Soomaaliyeedna waxay oran jireen: inanta la soo aroosaa haddii ay reerka dheri la soo gasho waa laga jebiyaa, maxaa yeelay ilaa maalinta ay habrowdo oo ay ayeeyo noqoto, 'dherigaygii' uun bay haynaysaa!

Fikraddaas iyada ah in raggu qabaa layaab ~~mm~~ laha, waxaase layaab leh dhurwaaguna inuu la qabo, sida sheekadan soo socotaa ay ina barayso.

Waxaa la yiri: dhurwaa baa goor habeen ah wuxuu u soo hilbo doontay duddo meel taal ~~■~~ inta xoolihii xeraysatay iska sheekaysanaysa. Xeryaha tii uu u dhici lahaa intii aanu go'aansan ayuu dhegta u dhigay haweeney tu' kale ■ sheekaynaysa ■ ka calaacalaysa laba gu' ka hor ido uu isaga qudhiisu ka laayey!

---

Wuu isaga tegey oo qoys kale oo isla duddada ah u cimil-galay. Haddana sheekadii dadka ayuu dhegeystey, mase waa haweeney kale oo iyaduna habaar ku daldalaysa dhurwaa beri ka candho-gooyey sac madi ah oo ay jeclayd! Taasina waxay ahayd dhacdo afar gu' ka hor ku sinnayd, dhurwaaga ay habaaraysaana waa isla isaga!

Afar qoys oo kale ayuu midba mar isdul-taagey, ku walbana wuxuu ugu tegey dumar isu tannaagoonaya oo, neefaf uu waa hore ka cunay dartood, hiif iyo habaarba u dhaandhaaminaya.

Markaas ayuu goostay, Ilaah baa wax siiyee, diihaalba ha qabee, duddadan iyo dumarradeeda gocoshada badan inuu isaga tago. Wuuna ka dhabeeyey. Ha yeeshee, markii uu goobtaas ka jiciiranaayey ayuu naftiisa waxa uu ku quusiyeey hawraar uu habeenkaas reebay, waayadii



---

dambena maahmaah laga dhigtay. Wuxuu yiri, 'xoolo dumar haddii aan xoolaha ka aqaan ma cuneen'; taasoo ay ragga Soomaalidu haweenkooda ku xifaaleeyaan amaba ay xusuustaan mar walba oo lexejeclada xaawaleyda ay sheekadu joogto.

## II. Maahmaahda dawacada

Maahmaahaha dhurwaaga laga sheego ka sokow, waxaa jira dugaag iyo duurjoog kale oo iyangana sheekooyin maahmaaho reebay ay Soomaalidu ka weriso. Waxaa ka mid ah dawacada oo ah bahal sida dhurwaaga xoolaha reer-miyiga ilbaadsada, gaar ahaanna ariga iyo baraarka aan laga soo gaarin.

Sheeko-xariirada Soomaalida iyo, guud ahaan, hiddaha dadweyne ee caalamiga ahiba siday qabaan, dawacadu waa wax dhagar badan oo dugaagga ka waaweyn sirteeda kaga

---

bedbaadda, haddii ay wax dhex-maraanna kaga bursata. Waa wax xoog yar oo tabar iyo taag ■■■ bahallada kale ugu babac-dhigi karin. Hase haatee, meesha inta kale xoogga laga siiyeey, sida la qabo, iyada xeel baa laga siiyey. Waxaa lagu tilmaamaa xirgi iyo xirrib ay dugaagga dheer tahay oo maalinta ay qiilqiil gasho ay dabinnada halista kaga fakato!

\* \* \*

10. Sheekooyinka dawacada ■ ay Soomaalidu taqaan, maahmaahdana reebay waxaa ugu caansan 'qayb libaax' midda ku magacaaban ee mar walba sirta iyada lagu galladay lagu tusaaleeyo. Wax la yiri: maalin maalmaha ka mid ah ayaa habardugaag oo aan cidi ka maqnayn waxaa soo dhex-maray neef geel ah oo ay disheen. Libaaxa oo ah boqorka kaynta, dugaag oo idilna u taliya ayaa dhurwaa u

---

yeeray, kuna amray hilibaha hasha inuu qaybiyo. Waa wixii hilib-jacaylka ku fallaaye, wuxuu yiri: 'hasha ■ bar, mase bar: bar libaaxaa leh, barka soo harayna dugaagga kale!'

Markaas buu libaaxii inta dhab u carooday waraabihii u gacan-qaaday. Wuxuu ku jiidey dharbaaxo xoog badan; dharbaaxo dhulka jiifisay, ishii midig oo kankoonsanna bannaanka soo dhigtay! Dabadeedna, isaga oo inta qawlalladii muujiyey ilkaha isku xoqaya ayuu dawaco u yeeray oo ku amray iyadu inay hasha qaybiso. Kolkaas bay tiri, 'hasha ma bar, mase bar: bar libaaxaa leh. Hasha ma dalool, mase dalool: dalool libaaxaa leh. Hasha ma waax, mase waax: waax libaaxaa leh. Hasha ma rimic<sup>(20)</sup>, mase rimic: rimic libaaxaa leh. Hasha oo dhan: libaaxaa leh!'

---

20- Rimic: 16 meelood wax loo qaybiyey meeshood; 1/16.

---

Aarkii oo siday wax ■ qaybisay aad ula dhacsan ayaa qosol farax ka keenay la dhacdiidsaday, dabadeedna intuu qun u soo toosay oo dawacadii eegay ku yiri, 'Dawooy<sup>(21)</sup>, yaa qaybta ku baray?' Kolkaas bay tiri, 'isha Cumar<sup>(22)</sup> ka lulata ayaan ku quustay' ama waxay tiri, 'dhaban-dhurwaa dharbaaxadii ku dhacday baa i bartay!'

Labada siyood sidii la doonoba ha loo yiraahdee, waa hawraar waagii dambe maahmaah laga dhigtay. Waxaa inta badan isku daafaca, cabsi awgeed, ruux gar-eexo naqay, dabadeedna intii uu ku gabood-falay ay ku qabsatay, kuna eedaysay.

\* \* \*

---

21- Dawo: magac kale oo dawacada loogu yeero.

22- Cumar ( Cumar-luglaawe ): mid ka mid ah naanaysaha ay Soomaalidu dhurwaaga u taqaan.

---

11. Waxaa la yiri: maalin kale ayaa dawaco waxay soo gashay aqallo duddo ah oo dadkii lahaa, ceel iyo carshinba, ay xoolihii kula maqnaayeen. Malaha, baraar ay cunto ayay edegtii waxaraha ka weydaye, aqalladii midkood bay inta dalaq tiri waxay caro kula dhacday, xargo iyo suuman, wixii yeel ahaa oo udbaha iyo dhigaha isku hayey, rarka gaadiidkana, dhaan iyo geeddiba, aan qoys ka maarmi karaa jirin. Nag bay ka dhigtay, jil yarna uma ay reebin, dabadeedna, yaan lagu soo gaarine, way isaga tagtay.

Fiid dambe goor ay tahay ayay ka soo ag-dhowaatey duddadii ay maanta cidla'da ku ogeyd, caawase, dad iyo duunyoba, loo soo wada hoydey. Waxay dhegta u dhigtay niman saaka reeraha u sahmiyey oo inta ku soo noqday u guddoominaaya waagu hadduu beryo in caynka

---

hoosta laga geliyo, xoolahana loo raro cosob iyo tigaad qoyan ruuman ay ku soo arkeen.

Dawacadii baa kolkaas isgundhisay oo qosol yaryar inta ku dhufatay waxaa ka soo fakatay, 'mindhaa reer aan ogahay ma guuro' oo ay ula jeeddey maanta duhurkii reerkii ay yeesha ka cuntay!

Waxay noqotay hawraar lagu maahmaaho uu kugu soo dhici karaysa mar walba oo aad aragto cid lagu dhex-jiro oo, nacab ama nacas kuu ahaadoba, dar ■■■ wanaaggeeda wadini ay maamulkeeda wax ku leeyihiin.

\* \* \*

12. Sirta dawacada marka ay Soomaalidu tusaale ka bixinayso waxay soo qaadataa wixii ay yaxaas ku fashay.

Waxaa la yiri: waagii hore dawacadu carrab ma ay lahayn, sidaas darteedna way yaxyixi jirtey oo afka ma ay kala qaadi jirin. Maalintii

---

dambe ayay u tagtay yaxaas oo inta isu bihinbisay ku tiri: 'yaxaasow, walaashay baa la aroosayaaye, aan ugu soo mashxaradee, carrabkaaga caawa oo keliya i amaahi.' Isna intuu run moodey ayuu farta ka saaray, dib dambese uma uu arag.

Ilaa maanta waa sababta uu la carrab la' yahay, dawacana ay midka dheer u leedahay!

Hase ahaatee, yaxaas oo boqorka webiga ahi sheekada halkaas kuma uu halmaamine. Wuxuu dawaco ugu gooddiyey oraahdiisii ahayd, 'dawacooy, adna diil-webi<sup>(23)</sup> kaa xiran' oo uu ula jeedey, inta ay carrabkiisa wadato, iyadana webi iyo biyihiisu inay u beeleen! Waxay noqotay hawraar loogu maahmaaho cid ama meel aanu ka maarmi karin qof godob ka galay; kaas oo si dadban loogu sheegaayo waxa uu falkiisa ku waayi doonaa inay ka badan yihiin waxa uu geystey.

---

23- Diil-webi: webiga jiinkiisa ama dhul ahaan dhulka ugu xiga.

---

### III. Maahmaahda diinka

13. Diinka qudhiisu, sida la sheego, waagii hore ■■■ uu lahaan jirin qolfaha ad'adag ee hadda ku gadaaman. Siday sheeko-xariirada Soomaalidu qabto, mar dambe ayuu Rabbi ku dahaaray, sabab bayna lahayd.

Waxaa la yiri: Diinku wuxuu iska ahaa hilib jiir iyo caddiin isugu jira oo iska gurguuranaya. Maalintii dambe ayaa waxaa u kooday koox shinbiro ah. Waxay ku tashadeen, waagu hadduu beryo, inaysan meel fogba u qaraabdoonane, ay diinka ku kallahaan. Isaga inay kolba kooxi intay ku degto ay cadcad uga dhergaan!

Bahal tashigaas shinbiraha maqlaayey ayaa inta orday diinkii u tegey oo ku yiri, 'waryaa diinow, shinbiro way kuu koodeen oo sidaas iyo sidaas bay kuugu tashadeen.'

Kolkaas buu ku jawaabey, 'meeshii la iigu tashanaayey sow Ilaah ma joogin?.' Isla markiiba, qolofa adag ee gaashaanka looga dhigay ayaa lagu dedey! Waabberkii shinbirihi

---

ku soo duuley markay holliyeen ayaa gafuurkii wada qalloocday, ilaa maantana waa isaga qalloocan!

Dabadeed, hadalkii ahaa, 'meeshii la iigu tashanaayey sow Ilaah ma joogin?' waxa uu noqday mid uu diinku ku liibaanaey iyo maahmaah uu ruuxa taagta yari xusuusto ■■■ walba oo digniini ay ka soo gaadho cid ka awood roon oo waxyeello ula soo socota.

\* \* \*

14. Waxay kaloo ku sheekeeyaan diinku inuu jecel yahay wixii fiican ee soo maray xusuustooda. Wuxuu iska diidaa, ilaa waxaas wanaagsani ay mar labaad soo marayaan, inuu u mohdo wax liita oo illoowsiiya xusuusta macaan ee madaxiisa ku harsan.

Haddaba, si ay taas inooga dhaadhiciyaan waxay ku been-hawaasaan deegaanta xilliyada aaranka ah dhulka ka baxda haddii uu daaqa in aanu u hammoon cawska jiilaal ee, dabjoog iyo duurjoogba, ay xoolaha kale daaqaan. Xilli roobaad wixii baxay mooyaane, dhirta caddaata

---

iyo cawska qallala midna kuma hanbaaso, si macaanka dooggii hore ■■■■ u illaawin ama ■■■■ afkiisa uga bi'in. Waxaa taasna loo cuskaday oraah isaga qudhiisu inuu yiri loo saariyo oo ahayd, 'afkii aan doogga ku cunay, dareemo ku cuni maayo.'

Hal-abuurkii haddana jilaaga weyn ahaa ee la oran jirey Maxamad Cumar "Huryo" ayaa hees jacayl ah oo uu tiriyey waxa uu ku darsaday maahmaahdan ay diinka ka sheegaan. Isaga oo bahalkaas isku masaynaya ayuu gabadhii uu u heesayey wuxuu dareensiinayaa, iyada barashadeedii ka dib, dumar kaleba inuu ka go'ay, si aanay xusuusteeda xusuus kale uga dheehin!

Heestaas oo 'jacayl daran'<sup>(24)</sup> ku magacaaban meerisyadeeda kuwa ay maahmaahdu ka muuqataana waxay ahaayeen:

1. Diiggaa habeenkiyo
2. Markuu waagu daalaco

---

24- Heestaas waxaa si dareen-taabad leh u qaadi jirey heesaaga la yiraahdo Maxamad Axmed Kuluc, waxayna ku jirtey riwaayad uu 'Huryo' sameeyey bilawgii 1900 iyo lixdannadii.

3. Duryamood ogsoontoo;
4. Dayaxuu badh kaga maqan
5. Dabuubta ugu yeedhaa;
6. Diinkuna ■■■ dhuunyado
7. Dareemada abaartoo
8. Afka ■■■ u diidaa
9. Hadduu guga ku daaqee:
10. Anna dooqu yaab lehe
11. Siduu iigu kaa diray
12. Dawooy adiga mooyee
13. Dumar kale ■■■ eegee!

.... ..

#### IV. Maahmaahda Biciidka

15. Waayadan ka hor, ugaarta jasadkeeda waaweyn ee dhulka Soomaalida lagu yiqiin ■■■■ ka mid ahaa biciidka. Hilibkiisa badan awgiis ayay xoolo-raacatadu ■ ugaarsan jireen; kaas oo kunbis iyo oodkacba ay ka dhigan jireen.

Sidoo kale, saantiisa darteed ayay u ugaarsan jireen. Intay si farshaxannimo leh u farsameeyaan ayay ka samaysan jireen xargo ad'adag ■■ aqallada ay ku dhistaan iyo kuwo, dhaan iyo

geeddiba, rarka awrta ay ■ adeegsan jireen.

Sida ay ugaartuba u badan tahay, raxan-raxan ayuu biciidkuna isu raacaa, una daaqaa. Wuxuu ka mid yahay ugaarta ay Soomaalidu xoogga dheeraadka ah ku tilmaanto, gaar ahaan saryanka oo ah magac uu kiisa labi gaar ahaanta u leeyahay.

Waxay kaloo ku sheegaan inuu yahay wax dhiifoon oo xabbadda baydariga iska ilaalin og, taasina waxay saryanka qaarkiis geyeysiisaa inuu raxantaba ka dhex-baxo, kana fogaado. Marka uu sidaas yeelona waa marka ay Soomaalidu ku magacawdo *goonnidaaq* oo ah, haddii dhaqanka Soomaalida la eego, fuleynimo iyo dhiifoonaanba astaan ■ ah.

Biciidku, guud ahaan, abaaraha wuu ka doogaa. Wuxuu ku jiraa xoolaha kuwa ugu adkaysiga badan. Abaartii ■■ wax ku noqdo ■■■■ uu ku baqtiyaana waxay ahayd mid aad u qoob culus oo, dad iyo duunyo, lagu wada dhammaado!

Ismaaciil Mire ayaa beri wuxuu tiriyeey gabay aad caan u noqday oo 'Guugguule' ay Soomaalidu ■ taqaan; kaas oo uu si wacan ugu

---

tilmaamay abaar aad u kululayd oo, duurjoog iyo dabjoogba, xoolihii oo idili ay aad ugu naafteen. Qayb gabaygaas ka mid ah oo saryankii iyo goonnidaa qiiba uu kaga dayriyey ayuu ku yiri:

1. Gunburigii<sup>(25)</sup> badh baa joogsadiyo goroyo-cawshiiye

2. Saryankii garbaha weyn lahaa goob ka kici waaye

3. Waxa goonnidaa qii habsaday gubaddadii Hawde!

Haddaba, si ay u muujiso 'dhaqanka fuleynimo' ee biciidka, waxay Soomaalidu ka sheegtaa in beri su'aal la weyddiiyey, laguna yiri: "Biciidow, cidi kaama xoog badna. Waxaad leedahay geesahaan dhererkooda la yaabay ee aad wax walba ku aa'i karto, dad iyo duunyana aad isaga celin karto. Maxaa, haddaba, kuugu wacan oo bidhaantii kuu muuqataba aad uga carartaa?" la weyddiiyey

---

25- Gunburi: dameer-farow.

---

Markaas buu, sida la yiri, wuxuu ku jawaabey, 'Inta dhogortaadu dhan tahay ayaa la dhawrsadaa!' oo noqotay maahmaah lagu waaniyo kolba ruuxii loo filo inuu yahay jariska-xoor aan bedbaadadiisu ■ muuqan, isla markaasna faraha kula jira falal uu berri-kamaalin eedi doono!

### V. Maahmaahda Shabeelka

16. Shabeelka ayaa isna ka mid ah dugaagga ay Soomaalidii hore murtida kula baxday ee ay maahmaahda ka sheegtay. Sida la fili karo in kastoo uu hadda gabaabsi ku yahay, haddana waayadii hore dhulka Soomaalida aad ayuu u joogi jirey. Taasna waxaynu ka garan karaynaa, sheeko iyo maansoba, sida uu suugaanteenna ugu jiro. Wuxuu leeyahay barabbaro ■■ caan ku yahay, geedahana aad ayuu u fuuli og yahay.

Ciddoodka ka skow, shabeelku wuxuu aad ■ laayaa xoolaha ay reer-miyigu dhaqdaan, siiba ariga. Isaga ayuu tun-jileecsadaa, isaga ayuuna ka jecel yahay meesiyada waaweyn ee ugaarsigooda uu ku dhibtoon karo sida geela iyo lo'da.

Sidaas darteed ayay Soomaalidu waxay ku sheekaysaa maalin maalmaha ka mid ah meel uu shabeel dhal uga tagtay in geel didayaa ku beegmay oo inta ku dhababaceeyey uu sidaas nag kaga dhigay. Shabeelkii ayaa casarkii wuxuu ku soo noqday halkii ay dhashu u tiil! Mase maxaad ii dhiibatey! Maxaa meyd gorofsan! Wuu cartamay. Wuu gurmamay. Af buu isku dari waayey.

Markaas buu ■ jeestay dugaaggii kale ee maanta goobta ku sugnaa markii dhashiisa la laynaayey. Wuxuu weyddiiyey: "Dugaagow, gabnahaygii, idinkaa joogaye, yaa laayey?" Kolkaas baa lagu yiri: "Geel baa laayey, shabeelow" Waxayse ahayd jawaab aanu jeclaysan. Wuxuu rabi lahaa mid taas ka duwan bahallada inuu ka maqlo, maxaa yeelay ugaarsiga geelu waa ku adag yahay.

Dabadeedna intuu goobtii ka jalafsaday ayuu la maqlay isaga oo leh: "Gabnahaygii geel ■ layne, Garaa<sup>(26)</sup> laysay!" Iyaduna waxay

26- Garo: magac guud oo ay Soomaalidu ariga u taqaan.

noqotay oraah lagu maahmaaho markii ■ arko qof ka meermeeraya inuu abbaaro, dhab ahaan, cidda ay godobtiisu ku maqan tahay, isla godobtaasna ■ haysta ruux kale oo ■ wax ku lahayn, ha yeeshee awood-yaridiisa awgeed ugu dhiirranaaya!

## VI. Maahmaahda Abeesada

17. Bahallada maahmaahaha loo saariyo waxaa ka mid ah abeesada oo ah halaq xamaaratada ka tirsan. Waxay ka mid tahay halaqa kuwa sida weyn looga baqo, sababtuna waa sunta halista ah ee jirkeeda ku uuman.

Waa bahal jaadad badan leh ■ miyiga Soomaalidana daf ka ah. Waxay leedahay qaniinyo kulul oo lala alalado, haddii ■ cid la tacaasha la helinna kolkol looba dhinto.

Sidaas darteed, indhaha markii laga qaadoba, waa la dilaa. Dhagax iyo ul wixii la heli karo ayay carruurta iyo waayeelkuba ku raawiyaan! Xataa iyada oo aan u dhoweyn, u dan lahayn, dhulkeedana iska dulundulcaynaysa ayaa ■



---

mawtiyaa. Sababtuna, malaha, ■■■ si, timaaddada, sunteeda looga nabad-galo.

Sida la rumaysan yahay, abeesadu waxay wax qaniintaa markii ay oogo kale istaabtaan oo keliya. kolkii lagu joogsado oo keliya ayay dagaallantaa. Taabashada oogada kale ayay u qaadataa weerar iyada lagu soo qaaday, kolkaas bay isku daafacdaa waxa ugu daran ee ay haysato oo ah sunta ■■■ Eebbe ku beeray.

Taas awgeed, iyadu waxay rumaysan tahay ■■■ walba dadku inuu ka gardaran yahay oo la iska maago, iyada oo ■■■ waxba galabsanna la iska dilo!

Dhinaca kale, siday iyadu sheegatay, abeesadu ■■■ jecla inay dadka ku dayato oo cid alla ciddii ay aragtoba ay qaniinyo ku dhegto. Oraahda soo socota sida ka dhadhamaysa waa bahal aan cabsi Eebbe ka maqnayn oo ■■■ rabin qof aan waxba ■ dhibin inay qoonto. Ha yeeshee, sida iyada loola dhaqmo ayaa marar badan waxay ku qasabtaa inay dadka warjeefto, iyada oo ■■■ ■ kala soocin mid wax yeelay iyo mid ■■■ waxba yeelin!

---

Markaas bay, maalin maalmaha ka mid ah, waxay ku tiraabtay hawraar maahmaah laga dhigtay oo ahayd; “Markaan Aadane dayona ‘aarso’ ayaan iraaahdaa, markaan Eebbe dayona ‘aayarso’ ayaan iraaahdaa!”

Waxay noqotay maahmaah ruuxa Soomaaliyeed ku soo dhacda markii ay u sinnaato inuu iska celiyo amaba uu iska cafiyo cid ka gardaran, ha yeeshee aanu doonayn sida uu mudan yahay inuu uga aarsado.

\* \* \*

18. Waxaa iyaduna jirta maahmaah ay Soomaalidu abeesada afka ugu tirta, loogana dan leeyahay in lagu muujiyo dhibaataada dambe ee qaniinyadeeda. Reer-miyigeennii hore siday la ahayd, waa suuraggal in qaniinyada abeesada laga kaco, ha yeeshee sunta ay oogada ku reebtaa fudayd kagama baxdo.

In kastoo ■■■ waayada hore laxawgeeda sidaas loo dareemin, haddana, muddo dheeriba ha ka soo wareegtee, qaniinyada abeesadu waa tii reebta eel dib ka soo baxa, fayoobida qofkana saamayn xun ku yeelan kara.

Taas iyada ■ lagu tusaalaynayo ayaa murtida Soomaalida ■■ lagu hayaa hawraar ay abeesadu isku tilmaantay, kuna sheegtay dhibta ay Aadane u geysan kartaa inta ay xaddi le'eg tahay. Waxay ka sheegeen inay tiri: "Lix-jir kii aan ku qaniinaa lixdan-jir buu u dhintaa!" oo la ■■ qaato markii laga hadlaayo ruux aano kulul oo, intay doontaba ha ku qaadatae, aan godobtiisa ka harin, goor ■■ la filayn iyo si ■■ la filayna aarkiisa guta!

## VII. Maahmaahda Goroyada

19. Dugaagga iyo duurjoogta maahmaahaha leh ■■ ugu dambaysiiyo goroyada ■■ ah shinbirha ifka ku nool midda ugu weyn. Waxay leedahay baalal aad ■ qurxoon ■■ waagii hore laga ganacsan jirey. Keeda lab waxay Soomaalidu ku magacawdaa haldhaa, teeda dheddigina waa 'haldhurre' ■■ 'goroyo-cawl.'

Waxay ■ socotaa raxan-raxan, Soomaaliduna ■■ ugaarsato. In kastoo kolkolka qaarkood

subaggeeda la isku daaweeyo, haddana bulshada badankeedu hilibkeeda ma cunto<sup>(27)</sup>.

Waa nafley aad iyo aad u dheeraysa, kolba cidda cayrsatana cago ugu been-sheegta. Hase ahaatee, waxaa lagu xantaa nafteeda wax khiyaama inay ugu daran tahay; iyada ■■ la sheego, si aanay ■■ arag nabarka ku dhici doona, marka ay halista dhab ■■ dareento inay cammuudda madaxa gashato!

Haddaba, Soomaalidu maahmaahda ay goroyada ■ saarisaa waxay muujinaysaa inay tahay nafley xirrib badan oo wixii ■■ iyo wixii ■■ daran kala taqaan.

Waxay ku sheekeeyeen: maalin maalmaha ka mid ah ayay goroyo-cawli ka ■■ dul-dhacday duurjoog oo idili meel ay isugu timid oo ay cayaar ku tumanayso. Markii la arkayba, waxaa loogu yeeray inay goobta soo gasho oo sacabka iyo jaanta ay ka qayb-qaadato. Iyaduna way yeeshay.

27- Waayadii hore waxaa ugaarsan jirey, hilibkeedana cuni jirey bulshada Soomaalida qaybaha ka midka ah ee la takooro.

---

Hase ahaatee, haddiiba cayaartii saluug baa ka galay. Waxay aragtay bahallo kale oo aan si wanaagsan goobta ugu jirin, una cayaarayn. Dabadeed, waxay goosatay iyaduna inaysan isdaalin inta ay hagari meesha ka muuqato, taana waa lagu dareemay.

Goroyo-cawshaas waxaa hareerteeda taagnaa haldhaa Allihiis Alle yahay oo isagu si hagar la'aan ah sacabka isugu garaacayey. Cabbaar ka dib ayuu arkay goroyo-cawsha dhinaciisa taagani inaysan cayaarta sidiisa daacad uga ahayn. Markaas buu yiri: "Maxaad goroyo-cawley, cayaarta u hagranaaysaa? Ama maad si wanaagsan wax uga tuntid ■■■■ isaga baxdid?" Say waxay ku jawaabtey: "Cayaartu haddii ay samaato lug baa iigu jirta, haddii ay xumaatona waan kala bixi"

Dabadeed, waxay noqotay maahmaah la xusuusto markii la arko ruux ka lug-dambeedinaya arrin ay ahayd inuu wax ku yeesho; isaga oo sida wax u socdaan aan ku jacsanayn ama aad mooddo isbeddal dambe oo soo kordha inuu ka dhur-sugaayo.

---

## VIII. Maahmaahda Raha

Rahu wuxuu ka mid yahay nooleyaasha kuwooda birri-biyoodka(28) loo yaqaan. Had iyo jeerse wuxuu ■■■■ ■ yahay balliyada iyo meelaha la midka ah ee biyo-fariisiga ah. Xilliga ■■ dhulku roobban yahay ayuu si muuqata u soo ban-baxaa, markaas oo reer-miyiga Soomaalidu jiritaankiisa ay dhab ■■ dareemaan.

Wuxuu caan ku yahay ci' ■■■■ kala-joogsi lahayn iyo dhawaaq dheer oo aan rayrrayn ka tagganayn. Dhasalaalaq iyo biire-waaqle ayuu ku wada ekeeyaa dhammaan degaanka ■■ maantaas ku sugan yahay; iyada oo ay hubaal tahay barwaaqada ■■ ku jiro inuu ku faraxsan yahay.

Hase ahaatee, kol walba raaxadaas kuma uu jiro. Aaranka mooyee, abaaruhu waa ■■ daran yihiin, aad ayuuna ugu nugul yahay! Sidaas darteed, markay jiilaalladu soo galaan rahu wuu isnaabaa. Wuxuu isku qariyaa meelaha dhiiqada leh ee qoyaanku uu weli ku dambeeyo.

---

28- Birri-biyood: magac loo yaqaan nooleyaasha biyaha iyo dhulka qallalan labadaba ku noolaan kara.

---

Halkaas buu milicda kaga gabbadaa ilaa roobabka dayrta ■■■■ kuwa gugu ay ka da'aan oo jidhaan waliba ay buuxsanto.

20. Waxaa haddaba jira laba hawraarood oo ay Soomaalidu ku maahmaahdo; labadabana ay raha ka weriso. Maahmaahda hore waxay ku saabsan tahay xiriirka ka dhexeeya raha iyo biyaha oo ah noole waliba wax aanu ka maarmi karin, laguna wada dhaqan yahay. Sidaan soo aragnay, bahalkaas yari wuxuu ugu horreeyaa inta biyaha u baahata, mar walba oo ay suuraggal tahayna wuu ku dhex-jiraa.

Hase ahaatee, sida muuqata, abaaldhacuna waxa uu ka mid yahay tilmaamihiisa; taasna waxaa laga garan karaa maahmaahda ay Soomaalidu ka sheegto ee ah: "Hadday biyo khayr leeyihiin dabadayda ha laga dayo!" oo uu ula jeedo haddii ay biyuhu waxtar leeyihiin aniga ayaa ku naaxi lahaa ama ay i korin lahaayeen.

\* \* \*

---

21. Abaaldhaca ka sokow, dabeecadaha kale ee raha laga sheego waxaa ka mid ah maan-gaabnida; taas oo u horseedda inuu si fudud u halmaamo dhibaha ■■■■ jiilaallada soo maro. Haddiiba biyaha ugu horreeya markuu dabaasho ayaa, sida la yiri, wuxuu illoobaa oonkii hore iyo baahidii uu kolka dhow ka soo baxay.

Haddaba, diraac kulul xilli ay ahayd oo noole waliba uu nafta u yaabay ayuu rah badani baqtiyey. Tiro yar ayaa ifkii kaga hadhay. Maalintii dambe ayaa mid diifaysan oo naftu ku dabo yar tahay wuxuu u tegey bahal kale oo ay deris ahaayeen. Wuxuu u doontay amaah biyood; isaga oo ku ballan-qaaday inuu bixin doono dhibicda ugu horraysa ee dayrta. Taasna waa laga yeelay.

Rahii oo biyihii amaahda ahaa la soo siiyey, aadna ugu faraxsan ayaa rugihiisii ku soo noqday. Si fiican ayuu ugu naallooday. Ilaa xilligii roob-da'a ayuu maalinba qaar ka cabbaayey, kuna qubaysanaayey.

Waagii dambe markii dayrtii la gaarey oo meel walba ay roobabkii ka da'een ayaa bahalkii biyaha lahaa rahii u yimid, kuna yiri:

---

“Rahow, waqtigii ballanteenna waa la joogaaye, amaahdii aan kugu lahaa i sii.” Ha yeeshee, codsigaas isaga ah rahii dan uma gelin. Inuu ka jawaabo wuu ka gaabsaday. Waxayba uga caddahay dabaal, hees iyo kolba-dhan-u-bood!

Bahalkii deynka ku lahaa ayaa mar labaad, mar saddexaad iyo mar afraadba codsigiisii ku celiyey. Yaase uba soo jeeda?!

Dabadeed, kol dambe oo uu daaley ayuu rahii cayaartii joojiyey. Xaggii bahalka ayuu u soo jeestey. Sidii wax kale looga dhawraayey ayuu bahalkii ku yiri: “Hebelow, maanta oo kale cidna lama hadlo!”; taas oo noqotay maahmaah la xusuusto goortii la arko ruux maan gaaban oo abaaldhacu dabeecad u yahay, sida rahaasna u dhaqmaya!

#### **IV. Maahmaahda Dameerka**

22. Dameeruhu waxay ka mid yihiin xoolaha caanaleyda loo yaqaan jaadkooda ‘gammaanka’ loogu yeero. Iyaga ma ahee, magacaas waxaa la wadaaga fardaha, farowga iyo baqlaha.

Sida awrta dameerku uma xoog badna, haddana waa la rartaa, waana la dhaansadaa.

---

Sida fardaha uma dheereeyo, haddana waa la fuulaa. Haddii ay socod yareeyaan baqlaha ayaa odayaasha loo doonaa. Iyaga ayaa u wanaagsan, haddiise loo waayo dameerku ugama daro! Way ku sodcaalaan, maalinta la guurona, haba gaabiyee, reerahooda ayay ku raacaan.

Aad ayuu ugu badan yahay dhulka Soomaalida, ha yeeshee, sida xoolaha kale looma dhaqaaleeyo. Magaalooyinka iyo miyigaba isku si ayuu ugu baahsan yahay. Looma roona, loomana turo. Si xun baa loo dilaa, dadka adeegsadaana wax ku filan ma siiyaan.

Sida xoolaha kaleba lagu yaqaan, dameeruhu xilliyada roobka ayay qooqaan. Dhibcaha roobabka guga iyo dayrtu markay dhulka ku dhacaan ayay dameeruhu orgoodaan. Waxaaba la sheegaa iyagu inay ugu horreeyaan wax u dheg-taaga dhawaaqa taranka ee uu Eebbe nafleyda ku abuuray.

Ha yeeshee, taasi dameerka lab uma fududa, dameerta iyo isaguna dhib badan bay isku qabaan! Goor uu biqle ka dhergey, gafuurkii burburay,

---

cagihii murxeen, xuurto uu la golongolay, qaylona  
ka dhammaatay ayuun bay wax uga suuroobaan.  
Sidaas darteed ayay ugu tilmaamaan inuu yahay  
*nin xilihiisii lagu dhibay!*

Haddaba, maalin maalmaha ka mid ah ayaa  
dameer lab inta la su'aalay lagu yiri:  
"Dameerow, dhimatay oo ma noolide, waxaan  
oo dhib ah maxaa kuugu wacan, adkaysi  
badnidaa?!" Markaas buu ku jawaabey: "Waxa  
i haysta ma moogiye, 'yaan dameero dabar-  
goin' baa adkaysiga iigu wacan!"".

Waxay noqotay maahmaah uu ku kaftamo  
kolba qofkii ku foognaada hawl canaab badan  
oo aan isaga faa'iido degdeg ah u lahayn, ha  
yeeshee dad badan oo kale ay u aayi karaan.

*Dhammaad*


*Murtida Maahmaahda Soomaalida*

*Waxaa Qoray: A. F. Cali "Idaajaa"*

*Xuquuqda Daabacaddu waa dhawran tahay  
waxaana iska leh qoraaga 2004.*

رقم الإيداع: 2437 / 2005

I.S.B.N: 977-200-471-2



# ***Qoraaga & Qoraalladiisa kale.***

## **Buugaagta uu qoray A. F. Cali “Idaajaa” Waxaa ka mid ah:**

- Macallin la'aan isbar Af-soomaaliga, Xamar 1973;
- Xiin Finiin, Xamar 1973;
- Ismaaciil Mire, Xamar 1974;
- English-Somali Phrase Book (isaga & C. Aw-Nuux), Xamar 1974;
- Dabkuu shiday Darwiishkii (isaga & Yamyam), Xamar 1974;
- Robinson Crusoe: soomaaliyayn, Xamar 1975;
- Poesia Orale Somala: storia di una nazione (isaga & Prof. F. Antinucci), Roma 1986.
- Maansadii Deelley (isaga & Ibraahim Cawed), Torino 2001;
- Aadan-carab, Maanso-yahannadii hore kii ugu dambeeyay (1917-2001), London 2002;
- Xulka suugaanta Soomaalida, weli lama daabicin.